

غازى هيوان ديشانك احرازى

في ٤ جمادى الاولى سنة ١٢٩٤ هـ  
وفي ٥ مايس سنة ١٢٩٣ هـ

برى و بحرى باجمله - اكر فوز مائز ملوكا نه لرى عموم قوماندانلى تجلى كاه توفيقات  
الهييه اولان ذات خلاقسمات جهاندارى جانب سنى الجوانبندن  
درهده بيورلسندناشنى عسكرلكك مادى ومعنوى  
مبدأ ترقيات صحىحه وسالمهسى

في ٩ محرم سنة ١٢٩٧ هـ وفي ٣١ كانون اول سنة ١٢٩٥ هـ

سلطنت سنيّه عثمانيه نك نشان ديشانلرينك اسامى و درجاتيله مداليه لرى  
{ امتياز }

مرصع مداليهسى التون وكوش

نشان امتياز ، شرفبخش اريكه خلافت وسلطنت شوكتآب افندمنر حضرتلرينك  
جمله مائز جليله هايونلرننددر .

اشبونشان ديشان رتب متعددديه منقسم اوليوب يالكز قطعه مرصعه سنيّه  
بر مرصع ايلاق و برده كرده تعلق اولنور مرصع بر قطعهسى واردر و قوردوننك  
بركنارى نصف طولانىسى يشيل و نصف ديكرى قرمزيدر و قوردوننك اوچنه  
كرده تعلق اولتان نشاندن اوفق مرصع بر نشان معلقدر . اشبونشان امتيازك  
التون وكوش مداليه لرى ذخي واردر .

{ عثمانی }

مرصع برنجی ایکنجی اوچنجی دردنجی

نشان عالی عثمانی، فردوس آشیان سلطان عبدالعزیز خان حضرتلری طرف عالیرندن تأسیس بیورلمشدر . اشبونشان عالیشانک برنجی رتبه سندن مرصع وسیم قطه لرینک کناری قرمزلی زهلی یشیل رنگلی قوردونی واردر .

{ مجیدی }

مرصع برنجی ایکنجی اوچنجی دردنجی بشنجی

نشان عالی مجیدی، والد کثیر المحامد جناب خلافتیناهی شهریار مکارم کردار جنتمکان سلطان عبدالمجید خان حضرتلرینک مآثر جلیله لرندندر . اشبونشان مجیدینک برنجی رتبه سندن مرصع وسیم قطه لرینک کنارلری یشیل زهلی قرمزلی رنگلی قوردونی واردر .

{ شفقت }

برنجی ایکنجی اوچنجی

شفقت نشان ذیشانلی دخی ذات شولتسمات جناب جهاندارینک جله آتار عالیة تاجداریلرندندر . اشبو نشان ذیشان طائفة نسایه مخصوص اولوب برنجیسیله ایکنجیسی مرصعدر وقوردونی کناری یشیل زهلی بیاض رنگده در .

{ مدالیه لر }

« لیاقت مدالیه سی »

تاریخ احدائی ۱۳۰۸

اشبو مدالیه ایکی نوع اولوب بری التون دیکری کوشدر . مذکور مدالیه جله مآثر حضرت پادشاهیدن اوله رق فوق العاده ابراز لیاقت ایدنلره اعطا واحسان بیورلمتده در .

نشان ذیشانلر ومدالیهلر

« کرید مدالیه سی »

تاریخ احداتی ۱۳۰۸

اشبو مدالیه ایکی نوع اولوب بری التون دیکری کوشدر . بو دخی ذات شوکتسمات حضرت پادشاهینک جمله آثار شهنشاھیلر ننددر .

« صنایع مدالیه سی »

اشبو مدالیه ایکی نوع اولوب بری التون دیکری کوشدر . بو مدالیه دخی جمله مآثر سفینه تاجداریدن اولوب ترقی صنایعه خادم اولانلره احسان بیورلمقده در .

« پلونه مدالیه سی »

تاریخ احداتی ۱۲۹۴

اشبو مدالیه ذات شوکتسمات جناب خلافتپناھینک جمله آثار جلیله ملوکانه لر ننددر .

« روسیه محاربه سنه مخصوص مدالیه »

تاریخ احداتی ۱۲۹۴

اشبو مدالیه عصر جلیل جناب جهانبا نینک جمله مآثر جلیله سننددر .

« کرید محاربه سی مدالیه سی »

تاریخ احداتی ۱۲۸۵

اشبو مدالیه فردوس آشیان سلطان عبدالعزیز خان حضرت تلرینک زمان سلطنتلرنده احدات بیورلمشدر .

« قره طاغ محاربه سنه مخصوص مدالیه »

تاریخ احداتی ۱۲۷۹

اشبو مدالیه فردوس آشیان سلطان عبدالعزیز خان حضرت تلرینک زمان سلطنتلرنده احدات قلمشدر .

« ساستره مدالیه لری »

۱۲۷۱

« قریم »

۱۲۷۱

« قارص »

۱۲۷۲

اشبو مدالیهلر فردوس آشیان سلطان عبدالحمید خان حضرت تلرینک زمان سلطنتلرنده احدات بیورلمشدر .

« سیواستوپول محاربه سنه مخصوص مدالیه »

تاریخ احداثی ۱۲۷۰

اشبو مدالیه فردوس آشیان سلطان عبدالمجید خان حضرت تیرینک زمان سلطنت تیرینک یادکار مظفریت نشانیدز .

« بوسنه محاربه سنه مخصوص مدالیه »

تاریخ احداثی ۱۲۶۶

اشبو مدالیه ده سلطان مشارالیه حضرت تیرینک زمان سلطنت ترنده احداث بیورلمشدر .

« کردستان محاربه سنه مخصوص مدالیه »

تاریخ احداثی ۱۲۶۳

اشبو مدالیه ده او عهد تالیده احداث بیورلمشدر .

« خطه یمانیه محاربه سنه مخصوص مدالیه »

تاریخ احداثی ۱۲۶۳

اشبو مدالیه ده او عهد عالی انورک یادکار محاسنیدر .

« بریه الشام وقلعه عکا مدالیه سی »

تاریخ احداثی ۱۲۵۶

عهد جلیل والد ماجد حضرت پادشاهیده احداث بیورلمشدر .

« اشقودره محاربه سنه مخصوص مدالیه »

تاریخ احداثی ۱۲۴۷

اشبو مدالیه جنتمکان سلطان غازی محمود خان ثانی حضرت تیرینک عصر جلیانده احداث قلمشدر .

« یونان محاربه سی مدالیه سی »

تاریخ احداثی ۱۳۱۵

آثار معالیدنار عصر جناب ظل الهمیدندر .



## اطاعت عسکریه

اوروپا اصطلاحات عسکریه سی میباندند « دیسیپلین » کلمه سی اوزرینه یازیلان شیلر جمع اولنسه لر قوجه مان برکتبخانه وجوده کتورر لر. « اطاعت عسکریه » معنا سنه اولان بولکلک واقعا بو قدر اهمیته ذکر ی ده واردر. زیرا اطاعت عسکریه عسکرلکک حقیقه روحی اولوب اطاعت عسکریه حکم جلیله تابع اولمایان انسان کومه لرینه « جانسز » نظریله باقمده هیچ بر مانع تصور اولنه مز. جاندن، حیاتدن مقصد فعل واجرا دکلیدر؟ دیسیپلین التنده بولنه یان درنکارده فعل واجرا اوله مز که انلرده جان و حیاتک ده وارلغنه قناعت ایدیله بیلسون. بو حالده اولان انسان بیفینلرینک مقداری نه قدر چوق اولورسه اولسون دیسیپلین التنده بولنان آز مقدارده کی عسکره مطلقا مغلوب اوله جقلمینه بش اتی بیک سنه لک تاریخ عمومی شهادت ایدر. بو شهادت لک پارلاغی ده اسکندر کبیرک یکر می اونوز بیک منتظم عسکرینک بر قاچ کره بر قاچر یوز بیک دارا عسکرینی بوزهرق حدود هنده قدر وارمش اوله لر ی قضیه تاریخیه سی اولور.

اوت! دیسیپلین حقنده یازیلان شیلر حقیقه برکتبخانه تشکیل ایده جک قدر چوقدره. زیرا اوروپاده کوچک بیوک نه قدر حکومات وار ایسه یالکز محرربن عسکریه سی دکل عسکر ی وعسکر لکی سون ارباب قلمنک همان کافه سی شو اسر مهم حقنده البته بر قاچ صحیفه یازمش وقوجه بر اردونک جسم واحد کبی حرکتی ایچون دیسیپلیندن بشقه یول اولدیغنی اثبات ایله مشدر. بو یازیلان شیلرک عمومک حکمی خلاصه ایدیله ایدیله نهایت شو نتیجه نتایج وارلدیغنی کوریلورکه: عسکرلک « صولدا » یعنی نپردن باشلاره بر نفرک اون باشی به اطاعتی دخی دیسیپلینک اس اساسیدر. نفره نسبتله اون باشی نه ایسه اون باشی به نسبتله چاوش دخی اودر. بو حالده بر نفر اون باشی به نصل اطاعت ایدر ایسه اون باشی دخی چاوشه اوله جه اطاعت مجبوریتی التنده در. چاوشک ملازمه اطاعتی اون باشینک چاوشه اطاعتی کبی اولوب بو صورتله مرتبه بعد مرتبه بیک باشی به میرالایه لوایه فریقه مشیره قدر هر مادونک مافوقنه اطاعتی ایشته « دیسیپلین » دنیلن کیفیت جلیله ی وجوده کتورر. بویه هر رتبه

صاحبك مافوقه اطاعتنده كى حكمت ايسه بديهى و آشكاردره. اصل مطايعت اردونك باش قوماندانى اولان حكمدار هاليتبار حضرتلرينه مخصوص اولوب اندن صكره اون باشيه قدر كان مطايعت ايسه هپ او طرف هاليدن تفويض بيوريلان رتبه دن و او رتبه ضمننده اعطا بيوريلان صلاحيتدن نشأت ايلر. مسئله نك اوروپا عسكر لکنجه اولان صورت و درجه سى ايشته بوندن عبارتدر. لکن بزه جهداثم شكرا مسلمانز اطاعت عسكر به نك بزه اولان صورت مقدسه سى بوندن پك چوق حالى اولدينى بيلنمك و بوكا او نقطه نظر دن بل باغلامق بزم ايچون يالکز شان و وظيفه عسكر به مقتضاسندن اولقله قالمز. بو بزه هادتا فرض عيندر. چونكه بزه عسكر لك اوروپاده اولدينى كى يالکز بر خدمت مفتخره و وطنيه دن عبارت دكلدر. بر عبادت عظما دره. مكافات دنيويه و اخرويه سى رمز تعالى و تقدس حضرتلرى طرفندن قرآن كريمه قطعياً وعد بيورلمش بر عبادت كه سائر هر عبادتده اولدينى كى بونك مقبوليتى دخى شرائط شرعيه سنه توفيق حركتله ميسردر. اطاعت عسكر به ايسه او شرائطك دخى اعظيدير.

اطاعت عسكر به حقنده كى احكام دينيه يى ايراده باشلامزدن اوله عسكر لكدن منتظر اولان نتيجه موقيتك انجق اطاعت عسكر به ثمره سيله استحصال اولنه. ييله جكى حقنده كى امر و اخبار حضرت رسالتپناهى يى تقديم ايتك ايسته رزه ابن عباس رضى الله عنهما حضرتلرى بو حديث شريفى : « خير الاصحاب اربعة و خير السرايا اربع مائة و خير الجيوش اربعة آلاف و ان يغلب اثنى عشر الفا عن قلة اذا كانت كلتهم واحدة » صورتنده روايت بيور مشلردر. مفهوم حديث شريف « اصحاب » كلمه سنى معنای ظاهر يسنه حمل ايله « رفقاءك خير لى درت كشى اولمق و سريه نك خير لى درت يوز و جيشك خير لى درت بيك بولمقدردر. اون ايكى بيك عسكر بو مقدارك آزلغندن طولايى البته مغلوب اولمز سوزلرى بر اولدينى مدتجه » صورتنده در.

اهل سيره معلوم اولدينى اوزره « سريه » ديه بر كوچك اميره توديعاً اكثر يا احوال دشمنى استكشاف ايچون كوندريلن چته لره دنيابوب عسكر ك مقدارى درت بيك اولدينى زمان اكا « جيش » دنيلمه سى او قطعه به بيوك بر قطعه عسكر به نظريه باقلمه سندندر. اون ايكى بيك عسكر ايسه صدر اسلامده كى لوصول عسكر به جه اوج جيش ديمك اولوب برنجيسى « ميمنه » يعنى صاغ جناح

و ایکنجیسی «میسره» یعنی صول جناح و اوچنجیسی دخی «قلب عسکر» یعنی مرکز عد اولنور ایدی. ائمه شریعت رحیم الله افندیلمز من حضراتی بیوررلرکه: «اون ایکی بیک عسکر اسلام بر یرده متحشد اولوبده کلمه واحده اوزرنده ثابت اولورلر یعنی آره لرنده اختلاف و شقاق اولیه رق جمله سی اطاعت عسکریه دائره سنده سوز و کوکل بر لکیله حرکت ایدرلر ایسه آنلر ایچون مغلوب اولماق صادق الوعد الامین اولان طرف جلیل رسالتپناهیدن موعوددره. بونلر ایچون کندیلمزینک آزلغندن و دشمنک چوقاغندن طولانی جنکدن یوز چویرمه لری حلال اولمز. شو «حلال اولمز» سوزینک حکمی نه قدر مهم اولدیغنی دوشونمک لازمدره. «حربدن یوز چویرمک حرام اولور» دیمکدرکه حرامی ارتکاب دخی کناه کبیردره.

بو محث شرعیدن بحث اولنورکن تاریخ اسلامک بروقه سنی تخطر ایتمامک قابل اوله مزه، او وقعه یوم حنین وقعه سیدره. ذاتاً بو حدیث شریف دخی او وقعه اوزرینه شرفصادر اولمشدره. وقعه حنینده اردوی اسلام اون ایکی بیک کشی اولدیغنی جالده انهزام وقعه کلش ایدی. سببی ایسه ایچلرنده بر چوق منافقین ایله برده هنوز یکی فتح اولنان مکه کبارندن بر طاقم مؤافه القلوب آدملر و اسلامده هنوز قوت قلبه پیدا ایتمامک مکلی کسه لر و حتی مکه اهالیسنندن اولوب هنوز شرف اسلامله مشرف اولماش اولانلر بولنه رق وحدت کلمه ده ثبات ایده مامش و اطاعت مفروضه به خال کتورمش اوله لریدره. بونلرک حاللری «ثم ولیم مدبرین» آیت کریمه سیله طرف باریدن مؤاخذه بیورلمشدره. ذاتاً اطاعت عسکریه ده ایدیلن قصورک زیانی یوم احده دخی کورلمش دکلی ایدی؟ طرف ذیشرف پیغمبریدن بر یکیدک محافظه سنه مأمور اولان اوقچیلر اوراسنی زنه ار ترک ایتمامک مأمور اولدقلری حالده دشمنک مغلوبیتنی کورنجه هوس اغتنامله موقع مذکورلی ترک ایتمش ایدی ده دشمن سوارسی اورادن یورویه رک عسکر اسلام قالب ایکن مغلوب اولمش و بونلرک شو حرکتلری دخی «حتی اذا فشتم وتنازعتم فی الامر وعقیم من بعدما اراکم ماتحسبون» آیت کریمه سیله تقبیح بیورلمشدره.

حکمت اسلامییه نقطه نظرندن اطاعت عسکریه به ویربان اهمیت عظیمه برده شو حکم پیغمبریدن استدلال اولنورکه: یوم خیبرده بر خیلی محاربه ایدلکدن صکره جانب قدسی مناقب حضرت رسالتپناهیدن تعطیل حربیه امر اولمش و او

زمانک اصول عسکریه سی وجهله منادیلر تعطیل حرب ایچون ندا ایتمش ایدیلر. او صرهده برعسکر مقاتله یی ترک ایتمیوب مبارزه ده دوام ایتمش ومقتول دوشمش ایدی. حضور رسالتیناهاه «فلان کسه شهید اولدی» دیه عرض اولدوقده تعطیل حرب امرندن صکره حربده دوام ایدرک اورولدیغی اکلاشلمتله فم پر حکم پیغمبریدن «لا یحل الجنة لعاص» حدیث شریفی اصابت افزای صدور اولمشدرکه مفهوم منبغی «عاصی به جنت حلال اولمز» صورتنده در. جنکده مقتولینک مکافات جلیله سی شهادت ونعمت جنت ایکن مجرد اطاعت عسکریه یی اخلال ایتمش اولدیغی ایچون بو مقتول حقنده شو وجهله حکم بیورلمه سننده عسکرک نقطه نظرندن پک بیوک بر عبرت واردر.

صدر اسلامده بیوک اولسون کوچک اولسون قطعات عسکریه قوماندانلرینه «امیر» تعبیر اولدیغی اهل سیره معلومدر. برقطعه عسکریه نیک کنندی امیرینه اطاعتی او قدر ملتزم رسالتیناهاهی ایدی که «اسمعوا و اطیعوا ولو امر علیکم عبد حبشی مجذع ما اقام فیکم کتاب الله» حدیث شریفی ایله بو اطاعت عسکریه یی امر وفرمان بیورمشلدر. مفهوم حدیث شریف «امر امیری استماع وحکمنه اطاعت ایدیکز. سزه امیر تعیین اولنان مقطوع الاعضا برعبد حبشی بیله اولسه مادام که ایچکرده کتاب الهی اقامه ایده» صورتنده در. نصل عین حکمت بر امر شریف که ولو السنز آیاقسنز برحبشی کوله دخی اولسه امیر اولان ذاتک ویردیکی امر کنندی امری اولمایوب کتاب الهینک امری اوله جفندن حقیقت حالده اصل امر حق سبحانه وتعالی حضرتلری اولدیغی ایچون انک امرینه اطاعت عینله اوامر الهیه به اطاعت ایتمک اوله جنی آشکاردر.

شرعاً اطاعتلری بو درجه لرده لازم اولان امرایالکزر قطعات عسکریه آمرلیدر. طوغریدن طوغری به طرف اشرف حضرت پیغمبریدن منصوب اولان امیرله اطاعت مسئله سی بوندن دهها پک چوق زیاده ملتزمدر. زیرا «من اطاعتی فلیطع امیری و من عصی امیری فقد عصانی» حدیث شریفنده بو بابده صراحت قطیه واردر. مفهوم حدیث شریف «هرکیم بکا اطاعت ایدر ایسه بنم امیرمه دخی اطاعت ایدر. هرکیم بنم امیرمک امرینه عصیان ایدر ایسه بکا عاصی اولمش اولور» صورتنده در. شو زمانده بو حدیث شریفده کی «امیر» انجق مسند نشین خلافت سید المرسلین اولان امیر المؤمنین، امام المسلمین شوکتلو قدرتلو پادشاهمز افندمز حضرتلرندن بشقه هیچ برکیمسه اوله منزه لواء



الحمد احمدى ظل الله في الارض اولان ذات شوكتسمات هايونلرينك يد مؤيده جهانداريلرنده بولنمغله زمانزده امر ونهبي شرعاً جهان مطاع اولان انجق ذات هايون ملوكانه لريدره. اورويا دولترنجبه حكمدارلك بتون اردولره باش قوماندان اوله لري يالكز بر امر صوريدن بر امر اعتباريدن عبارت اولهب عند المسلمين ايسه بو امتياز بو صلاحيت بر امر ديني وشرعي اولق اوزره پادشاه فاروقجاه افندمز حضرتلرينه تخصيص بيورلمشدره. بو حكم قطعي شرعي بي مؤيددها نه قدر قوتلي ادله قرأيه وشرعيه موجوددره. جمله دن اشهر واقواسي «اطيعوا الله واطيعوا الرسول واولى الامر منكم» آيت جليله سيدرکه مأل حكمت اشتمالي «اي مؤمنلر الله واولك رسولنه واوزركزه امر صاحبي اولانه اطاعت ايديكز» صورتندهدره. امام محمد عليه الرحمه افندمز حضرتلري بيوريورلرکه «اولوالامرک امر وفرمانی نافعميدر دکليدر معلوم اولسه ينه اطاعت واجيدر. زيرا فرضيت اطاعت نص قاطع ايله ثابتدر و مترددلرک نافعميدر دکليدر ديه ترددلري نص قاطعه معارض اوله مز. گاه اولورکه ترك قتال خصوصنده اطاعت امير قتال کشيردن انفع اولور. گاه اولورکه حقيقت حال مترددلري بيلدکارک کبي اوليوب اصل عند الامير معلوم اولورده اني جمله بيلدیرمک رأي صوابنه موافق دوشمز. بناءً عليه امر اميره اطاعت و انقياد جمله اوزرينه لازم و واجيدر» شو حقيقت دقيقه بي نظر حکمته آلان ائمة کرام حضراتي «مايزع السلطان فوق مايزع القرآن» کلام کوهر نظامي اس حکمت اتخاذ ايتشلردره. معناسي «سلطانک سيفله منع ايتديکي قرأنک نصحله منع ايتديکي معاصيدن زيادهدر» ديمکدر.

ايشته عند الاسلام اطاعت عسكريه بو قدر نازک و مهم بر مسئله اولوب بورايه قدر سرد ايديان احکام شريفه نك خلاصة الخلاصه سي نظر حکمتده جمع ايديلور ايسه اصل مطاعيت شرعيه ذات اخلاقتسمات جناب پادشاهي به مخصوص و منحصر اولوب اول شهر يار مختارک امرا و ضابطاني طرفدن افراده قدر تبليغ اولنان امرلرينه نهي لرينه اطاعت کامله ايله انقياد ايتک اساساً و شرعاً جمله مز ايجون فرض عيندر. «جمله مز ايجون» ديدک. زيرا عند الاسلام عسکر بشقه اهالي بشقه اوليوب عبادت مفروضه جهاد عموم اهل اسلام ايجون فرض عيندر. بو حالده هر مؤمن فعلاً و مادةً دکل ايسه معناً و شرعاً عسکراولوب بواطاعت هر مؤمن اوزرينه شاملدر. فعلاً و مادةً خدمت عسكريه ده بولنالرايسه اول باول مسلمان اولدقلري ايجون اطاعت عموميه دن حصه مند اولدقلري کبي برده.

عسکر اولدقلری ایچون اطاعت عسکرینه دن حصه مندرلر. زیرا اولجه دخی بیان اولندیگی اوزره فنون و صنایع عسکریه کافه و کاملاً دیسیپلین اوزرینه مؤسس اولوب بتون مال متمدنه نك منتظم اردولرنده دیسیپلینه عدم رعایت عادتاً ناموس عسکریه ایله ده توفیق قبول ایتدیریله مدیکندن مأموریت شرعیه مزه برده شو مجبوریته عسکریه منضم اولنجه عسکر مزك اطاعت عسکریه به اتباعلری بتون دنیا یوزنده بشقه هیچ بر هیئت عسکریه به میسر اوله میسه جق درجه به وارمه سی امور طبیعیه دندر.

اصغر مصدق

### ﴿ قوت دیمک رمی دیمکدر ﴾

اسلحه حریه اساساً ایکی نوعه منقسم اولوب بریسی انداخت و دیگرکی ضرب صورتیه استهمال اولنان سلاحلر اولدیگی معلومدر. بتون افرادی عسکر اولق مجبوریته شرعیه سی التنده بولنان ملت اسلامیه ایچون آیات قرآنیه واحادیث نبویه عسکر لکک کافه حقایق بر صورت باهره ده میدانه قولمش اولدیگی کبی بالخاصه اسلحه به طائد اولان حقایق دخی اصابت و سرهیتی قیامته قدر باقی قاله جق بر صورت متینه ده پیشگاه عبرت واستفاده مزه وضع اولمشلردره. « واعدوا لهم ما استطعتم من قوة » نظم شریفنده محاربه ایچون قدرت واستطاعت یتدیگی مرتبه « قوت » تدارک و تهیته سی امر وفرمان بیورلمشدرکه بوراده بو قوت کله سندن مقصود اولان معنی اگرچه دشمن علیه بنده استعمالندن استفاده محقق اوله رق هر نوع مهمانه شامل ایسه ده اساس قوتک اسلحه اوزرینه ابتناسنده مفسرین کرام رحمهم الله تعالی اجمعین افندیلمز حضراتی متفقدرلر. عسکر لکک طرازی قلیج اولوب انک مدحنده « الجنة تحت ظلال السیوف » کبی آثار دخی روایت اولمش ایسه ده آیت کریمه ده معنای سلاحک « قوت » ایله تعبیر بیورلمش اوله سنه نظراً بین الاسلحه هانکی سنده قوت زیاده ایسه رجحانک دخی اکا طائد اوله جفته شبهه یوقدر. حالبوکه خواجه عالم صلی الله علیه وسلم افندیلمز حضرتلری بو آیت کریمه ده کی « قوت » لفظ شریفنی بالذات تفسیر بیوره رق ارتق بونقطه ده هیچ بر شبهه به محل بر اقامشلردر. رئیس مذهبن امام اعظم ابو حنیفه رضی الله عنه وارضاه افندیلمز حضرتلرینک اثر شریفلرینه تابع اولان اهل



مؤسس سلطنت عثمانیه جنتمکان غازى عثمان خان حضرتلری

سنت ایچون ایکی کوز بیکی مشابه سنده بولنان امامین رحهما الله تعالی افندیلر ستر  
 حضرتانیدن امام محمد علیه الرحمه افندیلر حضرتلری «سیرکبیر» نام اثر لایموتنده  
 بیان بیورمشلردرکه بو «واعدوا لهم ما استطعتم من قوة» نظم کریمک تفسیرنده  
 علوم اولین و آخرینی ذات رسالتسمات ملکوتیلرنده جمع ایتیش اولان اول مدینه  
 العلم غایه الصلوة والسلام اوج کره «الا ان القوة الرمی» بیورمشلردر . بو  
 حدیث پر حکمته «الا» ادات تنبیهی ایله ابتدار بیورله سی بتون دقت قکر  
 ونظر مری آچق لزومنی کوستروب آندن صکره دخی «ان» ادات تحقیقی  
 مفهوم حدیث شریفک حقیقت قطیعه اولدیفنی بشین اوله رق مرتبه ثبوته  
 واردیر مقده در . ایشته بو قدر قطمیت صورتنده بر حقیقت اولوق اوزره دخی  
 قوت ديمك رمى اولدیفنی پیشگاه نظر حکمتزه قولمقده در .

معلومدرکه « رمی » انداخت یعنی آتمق دیمکدره معنای لغویسجه هر نوع انداخته « رمی » دنیله بیلک لزومی وارد خاطر اولور ایسه ده صدر اسلامده یعنی آیت شریفه مذکورہ نك نزولی زماننده رمیک معنای عسکرسی « اوق آتمق » دیمک اولدیغی آشاغی به طوغری ایراد اولنه جق برچوق آثار نبویه ایله ثابت اولقمده دره انجق بو حال شمعی دخی کلمه مذکورہ به ویریله جک معنای عسکرسی به مانع اولق شوپله طورسون بالعکس او معنایی موجب اوله جفنی ده هویدادره زیرا امر محاربه ده صنعت رمیه مراجعت پک قدیم و پک متنوعدره ال وصیان ایله طاش آتمقن بدأ ایدرک مانجینقلر ایله طاش آتمغه قدر حصوله کان ترقی عسکرلک نقطه نظرندن هپ « رمی » دیمک اولدیغی محتاج تفصیل دکادره حتی او زمانلر ال وصیان ایله طاش آتمق شمعی طبانجه و تفنک ایله قورشون آتمغه و مانجینقلر ایله قوجه مان طاشلری آتمق دخی شمعی طوب ایله ایری دانلر انداختنه معادل اولدیغی دخی تاریخشناس اولان اذکیای قارئینمز بلاخطار تقدیر بیوره بیلورلر . کذلک تمرنسز طادی جریددن بدأ ایله تمرنلی حربله قدر آز چوق مسافه لره انداخت اولنه بیلن سلاحلرک استعماللری هپ بو رمی حکمنه داخل اوله بیلورلر . انجق قونداقلی قونداقسز اوقلر ایله ایدیلن انداختلر تأثیرات تخریبیه جهتمدن دیگر انداختلری اوقدر کچمشدرکه بالاخره رمی دیمک اوق آتمقن عبارت قالمق ضرورت حکمنی آلمشدره .

قونداقسز و باخصوص قونداقلی یا یلرک انشاسنده کوریلن ترقیات میخانیقیه صدر اسلامده کی عسکرلکک ازمنه قبل التاریخیه عسکرلکی درجه سندن پک چوق ایلرویه کیتمش اولدیغی اثبات خصوصنده رد و ابطالی غیر قابل اولان براهین قویه دندر . ایشته « متنبه اولکیزکه تحقیق قوت انجق رمیدر » بیورلمه سی دخی اوق انداختنک تأثیری سائر انداختلرک کافه سنه فائق اولدیغی حقیقت باهره سنه مبیدر .

رمی حقنده کی تقدیرات حکم آیات جناب رسالتیناهی بو حدیث شریفدن عبارت قالمز . خدمت عسکریه نك قدسیتنی بو امت مجله یه تبلیغ و تفهیم بیورمش اولان جناب رسالتاب « ارموا وارکبوا وان ترموا احب الی من ان ترکبوا » حدیث شریفنده دخی بزی حقیقت رمیک دیگر بر حقیقت عسکریه یه تفوقندن آگاه بیورمشدره او دیگر حقیقت عسکریه ایسه فروسیت یعنی بیخییلکدره عسکرلکده سواریلکک بوکون بیه منکر اوله میان اهمیتی بالخاصه صدر اسلامده

او قدر ايلروده ايدى كه برسوارينك معينات عسكريه جه ايكي پياده يه معادل طوتلدينى فقه شريفه واقف اولانلرك معلوميدر. اويله ايكن بيله قم پر حكم جناب پيغمبريدن « اوق آتكز و آته بينكز. لكن اوق آتمه كز بكا آته بينه كز دن دها سوكليدر » حكى صادر اولشدر. هر حكمتى الى يوم القيام مرعيتده بر دوام اولق شان ازلى وابد يسندن بولنان اسلامينك شو حكى صدر اسلامده كيدن زياده بوكون مسلدر. زيرا بوكون پياده نك رمينه مقابل سوارينك هجومى همان تأثيرسز قالمق اوزره بولنديغندن هر دولت اصل اهميتى پياده نك رمينه و برمكده وحتى سوارينك دخى حين حاجتده آتدن اينديريلوب پياده حالته قرنه رق قوتى آرتديرمىق يوللرى دوشونللكده بولنمقده در. وقت حضرده تعاليم و تعاليم ايله رميده مهارت كسب ايتمش اولان رامينك اوكنده سواريمى طوره بيلور؟ سوارى ده آثار اما آت اوستنده كى رى ايله يرده كى ريمك آره سنده كى فرق عسكرلره دكل آ عسكر اوليانلره دخى باهردر.

اردوى اسلامك من قبل الرحمن ايلك باش قوماندانى اولان عليه الصلوات والسلام افندمن حضرتلرى امور محاربه ده يارارلغى كوريلن قهرمانلره « بابام سكا فدا اولسون » ياخود « انام سكا فدا اولسون » ديه تعين مكافاة و اجراى تشويق بيورمق سنت سنه سنده ايديلر. امام محمد عليه رحمة الصمد افندمن حضرتلرى بيوررلر كه : رسول اكرم صل الله عليه وسلم افندمن حضرتلرى بو يولده كى تشويقاتده پدر و والده لر ينك ايكي سنك بردن فداسيله هيچ بر كسه يى تشويق بيورماملر در الاسعد ابن ابى وقاص رضى الله عنه افندمن حضرتلرى نى يوم احده صنعت رميده كى مهارت مخصوصه لرندن طولايى بووجهله تلطيف بيورمشلر در. فى الواقع او محاربه مده شده حضرت سعد همان هيچ بوشه آتامق اوزره هر اوق آندقجه طرف ذيشرف حضرت رسالت پناهيدين « ارم فداك ابى و اى » تلطيفنه نائل اولمشلر در كه « رى ايت ياسعد! سكا انام بابام فدا اولسون » ديمكدر. نه دولت! محاربات قاديده بر عادى قوماندان طرفندن بيله مظهر آفرين اولق عشق عسكري اربابى ايجون اك بيوك مكافات صاييلور ايكن طوغريدن طوغرى به باش قوماندان همده مقام قدسيت اتسامى نبوت و رسالت اولان طرف ذيشرف احمديدن بويله بر تلطيفه نائل اولق دارين دكر بر عنایت دكليدر؟ فقط بحمده و لطفه تعالى او محبوب خدانك مقام عالى خلافتنده امير المؤمنين يادشاهمز شوكتلو قدرتاو افندمن حضرتلرى جانشين بولندقلرندن اول طرف

ذی‌المجد والشرفدن نائل آفرین اولوق دخی دنیوی و اخروی و حق دنیویدن  
 زیاده اخروی بر مکافات جلیله درکه انک دخی قدر و قیمتی ایکی جهان ذکر .  
 نزد حکمت و عهد رسول اللهده قوت رمیه او قدر اهمیت ویرلمش که رمیک  
 اجر . . . یسی یالکز رامی به دخی تخصیص ایدلیوب «ان الله تعالی یدخل بالسهم  
 الواحد ثلثة الجنة . صانمه الذی یختسبه به ومنبله والرامی به» حدیث شریفنه بر  
 اوقک سببیه حق تعالی حضرتلرینک اوج کسه یی نائل جنت ایده جکی وعد  
 ویرلمشدر . حکم حدیث شریف «الله تعالی به اوق برکاتیه اوج کسه یی جنته  
 ادخال ایدر . بری احتساب وطلب ثواب ایدرک انی وجوده کتورتدر وبری  
 اول اوقی یایه وضع ایدوب رامی به امانت ایدندر وبری دخی انی دشمنه رمی  
 ایدن کسه در» یولنده در . اسکی عثمانیلر سلاهلرینه پک بیوک حرمت ایدرک  
 آنلری مادنا اشیای مقدسه یی تلقی ایله دکاری نظر حرمت کبی بر حرمتله تلقی  
 ایدرلردی که براوقک برکاتی نه بیوک اولدینی شو حدیث شریفده کوریلنجه قوجه  
 آباد واجدادنرک بو حرمتلرینی هیچده نایجا عد ایده میز .

ایشته صدر اسلامده فن رمیه بو قدر اهمیت ویرلمش و تعبیر آخرله فن  
 رمیک اهمیت مخصوصه سی بو درجه لده تقدیر بیورلمش اولوب حال بوکه بو  
 اهمیت بو تقدیر بزم شو زمانمزده دخی تمامیه موجود و مرعیدر . حتی انسان  
 عسکرک نقطه نظرندن بر کوزلجه دوشونور ایسه بو تقدیرلر صانکه اوزماندن  
 زیاده بو زمان ایچون ایراد بیورلمش اولدقلرینه قدر قناعت حاصل اولور .  
 زیرا قوت دیمک رمی دیمک ایسه اصل او قوت اصل بو کونکی رمیده  
 کورلمکده در . امان یارب ! نه قوت ! بر ماوزر قورشونی ایکی بییک مترو  
 مسافه دن اوپله بز قدرت تخریب کوسترییور که یکی باروتلرله آتلیق اوزره او  
 مسافه دن تفنکک نه دومان کورولیور نه صداسی ایشیدیلیور ! یا طوپلر؟ بش  
 آتی بییک مترو مسافه یه بش آتی یوز کیلوگرام ثقلننده کی دانه یی انداخت  
 ایدرک «دمیر طاغ» اطلاقه شایان اولان بز زرهلرینی ویاخود متاننده اکا  
 معادل بر قلعه یی، بر استحکامی تخریب ایدیور .

اما بو رمیک تأثیری ، تخریبی آنده کی مهارتله متناسبدره او قورشونلری  
 او دانه لری رمی ایدنلرده مهارت مطلوبه بولمز ایسه هر میلرک تأثیری مادنا  
 صپان طاشندن دخی آشیای اینر اوپله یا ! هدفه اصابت ایتدیریله مدکدن  
 صکره طوپ و تفنکک دانه سیله صپان ومانجینیق مره یسی آره سننده نه فرق

قالور؟ بديهيدركه هدفه اصابت ايتديريله بيان بر طاش اصابت ايتديريله ميه ن  
بركوله دن، بر قورشوندن دها حبرليدر. رمى چكن يونان محاربه سننده پروزه  
طايه لرند، كي ارسلان طوبچيلر كي اولمليدر كه كندى طوبلرينك اون مثلى طوبه  
مالك اولان بردشمن دو نمانسى بوغازه ياقلاشدير ميه بياسوز!

فن رميده اکتساب مهارته بو كونكى عسكرلر زياده سييله مجبوردرلر .  
زيرا سرميلر صپان طاشلرى كي دره لر دن طوبلا نيمورلر . او قلكر كي بر دكنكك  
اوجنه بر دمير طاققدن عبارت بر صنعت حاديه ايله ده اعمال اولنه بيورلر . هله  
دشمن طرفندن آتيلان او قلكر تكرر دشمن عليهنده استهمالى كي بر امكان  
دخى بوكونكى سرميلرد يوقور . هر بزي التون وكوموش بهاسنه مال اولدقدن  
فضله بالخاصه نقلياتى اك مهم اموردندر . دولت سايه سننده كرك مبايعه كرك  
فابريقه لر مزده اعمالاً وجوده كتوريان مهمات حربه يى يالكر حر كات عسكريه  
اثناسنده آتش خطنه قدر سرق ايده بيا مكنده كي كلفت انجق عسكر اولانلر  
طرفندن تقدير اولنه بيلور . بر نقر درت بش ساعت آتش ايتك ايچون محاج  
اولديغى قدر فشكى كنديسى استحمال ايده مز . ايشته مهمات ناربه نك اك بيوك  
قيمتى ، بهاسى بو دقيقه ده كوريلوز . هله آروپا اردولرنده فن رميجه مهارت  
اوقدر آز كوريليور كه بعض محاربه لرده يدى يوز قورشوندن انجق بريسنك  
اصابت ايده بيلديكى حساب اولنيور . قدرت رمى خصوصنده عساكر عثمانيه مزك  
برنجيلىكى ايله بحق افتخار ايده بيلور . زيرا افراد عساكر ده كرك ياشلرنده نهرى  
سلاح ايچنده بيوبه رك حادى تفنكر ايله پاك اعلى نشانچياق ايتدكارى كي  
خدمت عسكريه يه كلكارى زمان اسلحه جديده استهمالنى ده پاك قولايقله  
اوكرنيورلر . عسكر مزك نشانچياقده اولان بو مهارتلى يالكر تفنكچيلىكده  
دكل طوبچياقده دخى دائماً كنديسى كو ستر يور . مسئله زائله ده پلونه ده عثمانلى  
طوبچيلرينك مهارت راميه لرينه روس اركان عسكريه يى دخى حيران اولدقلىرى  
صحيف مطبوعات قلمريله امضلريله يازولشدرلر .

بونكه برابر نشانچياقده كي اصل حكمت «فن رمى» ينى «بالستيق» فننده  
اولديغى هيچ بر متفنن عسكر خاطرندن چيقاره مز . سرميلرك منزلى آرتدقبه  
سلاحك اغزى ايله هدف آره سننده كي مسافه مستقيمه نك وترينى رسم ايده چكى  
قوس بيور . اولسكى زمانلرده منزللرى ايكي اوچ يوز متره دن عبارت اولان  
تفنكرده درجه لى نشانكاهلره لزوم بيله يوق ايدي . شمدى ايسته نشانكاه

قالدیرمغی بیلمه یین برنفر آتیجی بیله صایله مزه . هر منزله کوره دانه یه ویربله جک قوسی ریاضیه حساب ایده بیلمک مطلقا بالستیق فننده مهارت تامه یه متوققدر . مکتبکی ضابطلر وبالخاصه ارکان حرب صنقی بونی مکملآ تحصیل ایدرک بالاخره سلاح آرقداشترینه دخی دلالت ایدرلده ریمیلر دخی « قوت دیمک رمی ایتمکدره حکمنه اثبات لیاقت ایدرلر .

اصغر مرصت

## ﴿ فذلکة وقایع حربیه سلطنت عثمانیه ﴾

عزم مهیل عثمانی

۶۸۴

(قبل الاستقلال) انکه لوقوما (اینه کول) محاربه سی — جنتمکان سلطان عثمان حضرتلری اینه کول حاکمک قبیله عثمانیه بهادرلریله سوریلرینک وقت وقت سربستی حرکاته مانع اولدقلرینی کوره رک اینه کولی علی الغفله ضبط ایتمک ایستدیلر . آتجه قوجه ، غازی عبدالرحمن ، قوکرر آلپ ، طورغود آلپ ، آیفود آلپ کبی اسرا ایله بعدالمذاکره یتمش نفر بهادری اینه کول اوزرینه سوق ایلدیلر . اینه کول حاکمی شو برنجی عثمانلی اردوسنی ارمنی کچیدی دینلن بوغازده بکادی ، سلطان عثمان حضرتلرینک برنجی محاربه سی بوکچید داخلنده وقوعبوله رق بونده سلطان عثمان حضرتلرینک یکنی و صارویاتی بکک اوغلی بای خواجه شهید اولمش ، کچید ایچنده پمالچلردن برینک اتکنده حمزه بک قره سی اراضیسی داخلنده بریره دفن ایدلمشدرکه الان اوراده بولنان قبری بو ایلمک محاربه تک وقوعنی کوستربوره سلطان عثمان حضرتلری ارمنی کچیدنده اینه کول بکیله اوغراشمقده اولدینی صره ده اوچ یوز قدر بهادری ده ارمنی طاغی اتکنده اینه کوله برقاچ فرسخ مسافه ده بولنان قولوجه قلعه سی اوزرینه سوق ایدرک اوراسنی بد ضبطه کچیرمشدر .

۶۸۷

(قبل الاستقلال) طومانچ جوارنده آغریجه نام محله وقوعبولمشدر . اینه کول حاکمی قره جه حصار (مه لانکه یا) حاکمی ایله سلطان عثمان حضرتلری



علیهنده اتفاق ایشلر ایدی. بو محاربهده سلطان عثمان حضرتلرینک اک کوچک برادری صارویاتی ساوجی نك برچام آخاجی آلتنده شهید اولمشدر. مشهدی اوزرنده لیجه لری قنبدیل یا قیلدینی جهته بوچام «قنبدیلی جام» دیه شهرت آلمشدر. محاربه مذکورهده قرهجه حصار بکنک برادری (قالانوس) ده تلف اولمشدر. قالانوس عثمانلی عسکری طرفندن طوتلدینی زمان سلطان عثمان حضرتلری (قارتی دشیك یرینی اشیک) دیه براس ویرملری اوزرینه مومی الیه قتل ایدلمشدر. بو محاربهدن صکره قرهجه حصار ید عثمانیانه کچمشدر.

۶۸۸

قالدیرالق محاربهسی — سلطان عثمان حضرتلرینی دوکونده اسیر وتلف ایلك مقصد خائنه سیله بیله جک و یار حصار تکفورلری آراسنده ویریلن قراری کوسه میخالك سلطان عثمان حضرتلرینه اخبار ایتسی اوزرینه مشارالیه بر مقدار عسکری قادین قیافتنده بیله جک حصارینه ادخال ایله اوراسنی ضبط ایتدکن صکره قالدیرالق کچیدنده بوضو ترتیب ایدرک بیله جک حاکمیه بالمحاربه کندیسنی تلف و عسکری پریشان و یکی زوجهسی نیلوفر خاتونی اسیر ایلمشدر.

۷۰۱

قویونحصار محاربهسی — سلطان عثمان حضرتلری بو محاربهده بیزانس ایمپراطورینک عساکر خاصهسی قوماندانی موزالوینی مغلوب ایشدر. فقط اثنای محاربهده برادرلری کوندوز آلیک اوغلی آی طوغندی شهید اولوب قویونحصارنده یول کنارنده دفن ایدلمشدر.

۷۰۷

اظره نوس، مادنوس، کته، کستل. حاکم لری بروسه قومانداننک تحت امرنده سلطان عثمان حضرتلری علیهنده حرکت ایدرک بروسه جوارنده محاربهیه طوتوشمشلر سده مغلوب اولمشلردر. بو محاربهده کستل حاکمی تلف اولمشدر. محاربه مذکوره نتیجه سنده کته حاکمک ممالکی داخنده بولنان قالولینی آطهسی ضبط اولنه رق برنجی دفعه اولق اوزره اوتوز قطعه قایقرله عثمانلیلر کیوس. آطه سنه هجوم ایشلردر.

۷۰۸

اویناش محاربهسی — جنتکان سلطان عثمان خان حضرتلری قوجه حصار، لوبلوجه،



جنتکان سلطان اورخان خان حضرتلری

آقحصار، لنگه، بجه قاهه لریله سقاریا نهری سا-لنده دیکر شائولری بر پرر  
قبضه تسخیره کچیرمکده اولدقلری صرهده چودار تاتارلری ممالک عثمانیه به هجوم  
ایدرك تا قرهجه حصاره قدر اولان یرلری یاغما ایتمش اولدقلزندن سلطان عثمان  
خان حضرتلری محمدوملری سلطان اورخان ایله صالتوق آلی مأمور ایدرك  
تاتارلری مغلوب ایتمشدر .

۷۰۸ الی ۷۲۶

قوجه ایلی سنجاغیله اونیق و بروسه جوارلریک ضبیطی محارباتی.



جنتمکان سلطان خداوندکار خان غازی حضرتلری

عهد جنتمکان سلطان اورخان غازی

۷۲۷

ازمید وجواربله آیدوس هرکه وه واقع ساژنهک ضبطنک انتاج ایدن محاربات.

۷۳۱

ماتپه محاربه سی — بیزانس ایمپراطوری کج آندرونیکوس سلطان اورخان  
حضرتلرینک اسکدار جوارینه قدر اولان یرلری ضبط ایتمش اولسندن طولایی  
سلطان مشارالیه حضرتلریله محاربه یه قرار ویره رک عسکرله ماتپه یه

قدر ایلریشدی . بو محاربهده سلطان اورخان حضرت تبریزک قوماندانلری آلتند  
سکز بیک عسکر بوانیوردی . سلطان اورخان حضرت تری یالکز اوج بیک نفر  
عسکری میدان چیقارمشلر و عساکر سائرینی برته نک آرقه سنده صا قلامشردی .  
دشمن ایله برایکی دفعه وقوعبولان مصادمه دن ابتدای امرده بر نتیجه قطعی حاصل  
اولامش ایکن اک صکره عساکر عثمانیه ایمپراطور ایله سرای ناظری قانتا کوزنی و بر  
مقدار ایمپراطور عسکرینی هر طرفدن صارمغه موفق اولمشلردر . بو حالد  
ایمپراطور قباسندن جریحه دار اولدینی کبی قانتا کوزنه ک بارکیری تلف اولمش ،  
ایمپراطورک اسیر ایدلسنه رمق قالمشدر . بونک اوزرینه ایمپراطور اردو کاهنی  
حیوانلرینی ترک ایدرک طاوشانجیله طوغری فرار ایتمش ، عساکر عثمانیه  
اورایه قدر کندیلرینی تعقیب ایدوب برخیلی غنیمت آلمشدر .

۷۵۸

عثمانلیرک روم ایلی به سروری : قره سی والیسی غازی نامدار جنتمکان  
سلیمان پاشا برکیجه شمدی مرمره نک آناتولی ساحلنده واقع آیدینجیق قصبه سنک  
جوارنده کی ( کیزیک ) شهر عظیم و قدیمک خرابه لری آراسنده ساحل بحرد  
اقامت کزین اولدینی ، بدر منور وسط سماده بولنه رق آسیا و اوروپا قطعه لری  
آراسنده کی مرمره نک سطح هموارینی یال دیزلایه رق ایکی قطعه پی ربط ایچون کموش رنکنده  
اوزون بر قورده لاصورتی کوستردیکی صروده فکر منورنده پیدا اولان آمال فاتحانه  
اوزرینه روم ایلی یقه سنه کچرک اورالری ده قبضه تسخیره کیرمک ایستمش ، ینه اوکیجه  
معیتی امراسندن آجه بک ، غازی فاضل ، اورنوس بک ، حاجی ایلبکی ایله  
بعدالذاکره آناتولی ساحلنده کائن غدروجق موقعنده بولدقلری بر قایق ایله  
قارشی ساحله بالمرور کلیبولیدن بریحق فرسخ مسافه ده کائن چنی قلعه سی جوارنده  
برکشف اجرا ایشلر ، آلدقلری براسیری مستصحباً آناتولی به عودت ایشلردر .  
غازی نامدارک امریله ایرتسی کون آغاج کوتوکلری وقایشلر ایله ایکی صال  
انشا ایلدیلر و ایرتسی کیجه غازی مشارالیه سلاح آرقداشلرندن اوتوز طقوز  
ذات ایله آیدینجقدن حرکت ایلدیلر . اوکیجه چنی قلعه سی ساحلنه یا قلاشه رق  
بر حمله ده قلعه پی آلمشلر ، ایکی کون ظرفنده اوج بیک قدر عسکر کچیرمشلردر .  
شو آرائق وقوعبولان بر شدتلی حرکت ارض کلیبولیدن یوقاری به طوغری  
بالجمله قلعه لری رخنه دار ایتمش اولدیفندن عثمانلیر کمال سهواتله قلاع مذکورده  
ضبط ایشلردر .

## عهد جنتمکان سلطان خداوندکار خان غازی

۷۶۱

سازلی دره محاربه سی — که ادرنه نیک ضبطنی انتاج ایلشدرد.

۷۶۶

صرب صیندیغی محاربه سی — مجارقرالیله صربستان وویووداسی، وافلاق  
حاکمی، یایا بشنجی اوربه نیک دمو تله عثمانیلره قارش اتفاق ایتمشله، عسکرلریله  
ادرنه جوارینه قدر کیشلردی.

دشمنک موجودی یکر می بیکی متجاوز ایدی. لالا شاهین پاشا اون بیکی  
قدر آقینجی عسکر یله حاجی ایلبکی بی مقابله کوندردی. مشارالیه دشمن  
اردوسنی اوزافدن استکشاف ایدرک حسن محافظه ایدلدیکنی واکثر عسکرک  
مشغول عیش ونوش اولدیغنی کوره رک شبخون ایتکه قرار ویردی. اون بیکی  
آقینجینک «الله! الله!» صداسی کیجه قاراکنی ایچنده عکس انداز آفاق اولنجه  
دشمن عسکری نهیه اوغراد یغنی بیله میهرک کاملاً مریج نهرنده بوغولمشدر.  
محاربه ده حاضر بولنوب بر موت محققدن قورتلش اولان مجار قرالی لوتی شکرانه  
سلامت اوله رق مملکتنه عودتنده (ماریاچل) نام کلیسای انشا ایلشدرد.

۷۷۷

صربستان محاربه سی — نیش قلعه سی یکر می بش کون قدر محاصره  
اولنه رق هجوم ایله ضبط ایدلشدرکه بو هجوم ائناسنده اک زیاده تیمور طاش  
پاشا زاده یخشی بک احراز شان و شرف ایلشدرد. نیشک ضبطنی صربستان  
قرالک خراجگذار لغنی انتاج ایلشدرد.

۷۸۵

قونیه محاربه سی — قره مانلیلره برنجی محاربه دره بو محاربه ده صباغ جناح  
قومانده سی شهزاده یعقوب چلی، صول جناح قومانده سی یلدریم بایزید خان  
حضرتلری عهده لرینه تفویض اولنوب مشهور تیمور طاش پاشا دمدر فرقه سی  
قوماندان لغنی در عهده ایتمش، سلطان خداوندکار حضرتلری ده بالجه سواری  
ویکیچری وعزب عسکری ایله مرکزده آرامساز اولمشیدی. یعقوب چلی  
فرقه سنده صاروجه پاشا، بالابان بک، الیاس بک، مستجاب بک وسائر آناتولی

امراسی و سلطان بایزید فرقه سنده فیروز بک، قوجه بک و سائر روم ایلی  
امراسی و صربستان فرقه معاونه سی بولنیوردی .

بو محاربه ده خداوندکار حضرتلرینک اردولرینه ویرمش اولدقلری نظام  
حرب — که محاربه آناطولیده وقوعبولیورسه آناطولی عسکرینک صاغ جناحی  
وروم ایلی عسکرینک صول جناحی تشکیل ایتسندن و مرکزده دخی یکچیریلر  
اقامه اولنوب آنلرک آرقه سنده . سواری عساکر منتظمه سی ایله مسپاهی  
وسلحدار بلوکلریله محاط اولدیغی حالده او تاغ هایونک بولنفسندن عبارتدر . —  
محاربات آتیئه دوت علیه ده عیناً مرعی بولنمشدر . محاربه روم ایلنده  
وقوعبولورسه او تقدیرده روم ایلی عسکری صاغ جناحی و آناطولی عسکری  
صول جناحی تشکیل ایلر ایدی .

بو قونیه محاربه سنده قره مان حکمداری علاء الدین بکک نظام حربی شو  
بولده ایدی : مومی ایله وارساقلر ایله تاتار سواریسینی تبرک بک قومانده سیله  
صاغ جناحه ، ترکملر ایله طورغودلری صول جناحه تعینیه ایتمش . کندیسینی مرکزده  
اخذ موقع ایلشیدی .

قره مان اردوسنک صاغ جناحی ( الله اکبر ) صداسیله عثمانلی اردوسنک  
صول جناحه هجوم ایلشدر . بو هجومی کورونجه ییلدیرم بایزیدخان حضرتلری  
اتلرندن اینه رک خاکپای پدر بزرگواری بوس ایتدکن صکره کندی  
قوماندلری التنده کی فرقه نکه ده حربه کیریشسنه مساعدده استحصال ایتشلردر .  
تیمور طاش پاشانک بالذات قره مان اردوسی مرکزینه ایتدیگی هجوم اوزرینه  
علاء الدین بک مجبور فرار اوله رق بتون اردوسی طارمه طاغین اولمشدر . تیمور  
طاش پاشا بو غلبه سی اوزرینه رتبه وزارتی احراز ایلش که او وقته قدر  
وزارت رتبه سنی یالکز صدراعظملر احراز ایلر ایدی .

اشبو قونیه محاربه سنده سلطان خداوندکار حضرتلری اردوی هایون  
عسکرینی قونیه اووا سنده کی کویلیلردن بلا اتمان ارزاق و ذخیره المقدن قطعاً  
منع ایتمش اولدقلرندن بو امره مخالفت ایدنلر حقننده شدتله ترتیب جزا  
ایدلشدر . بوکی جزا دیده اولان عساکر میاننده بعض صربلیلرده بولنیوردی که  
یونلرک جزا کورمسی بالاخره صربلیلرک کین و غرضینی جلبه بو یوزدن برنجی  
قوصوه محاربه سنک ظهورینه باعث اولمشدر .

۷۹۱

برنجی قوصوه محاربه سی — قوصوه اردوسنده خداوندکار حضرتلرینک اردولریله صرب، بلغار، بوشناق، ارناوود، افلاق، له و مجار عسکرندن مرکب بر فرقة صلیبیه اراسنده وقوعبولمشدر. بو محاربهده دنمک نظام حربی شو یولده ایدی: صربستان قرالی لازار مرکز، یکنی برانقوویچ صاغ جناح، بوسنه قرالی توراتو صول جناح قومانده سنی درعهده ایشدی.

اردوی هایونده صاغ جناح قومانده سی ییلدیرم بایزید خان حضرتلرینه، صول جناحده شهزاده یهقوب چلبییه تودیع ایدلمشدی. اورنوس بک ارکان حربیه ریاستیله صاغ جناحده، صاروجه پاشا ایله اینه بک صول جناحده بولنیور، موقع بموقع یکچیری صفیری اراسنه تمییه اولنان طوپلره حیدر بک قومانده ایدیوردی. ایلك هجوم و ترض عثمانیلر طرفندن وقوعبولمشدر. اردوی هایونک صول جناحنی تشکیل ایدن اناطولی عسکری انار ضعف کوستریر کوسترمز ییلدیرم بایزید خان حضرتلری امداده یتشوب تأمین غلبه ایشدر. بو محاربه اثناسنده میلوش قابیلوویچ سلطان خداوندکار حضرتلرینی شهید ایتش ایدسهده صرب قرالی لازاری وسائر صرب امراسیده اسیر ایدیلوب قتل اولمشلردر. عساکر عثمانیه بی نهایت غنائم المش، روم ایلی قطعه سنده کی موقع عثمانی تقویه ایدلمش، دولت تهلکه دن قورتلشدر.

عهد جتسکان سلطان بایزید خان غازی

۷۹۳

قره مان محاربه سی — اقشهر، نیکده، اقسرایک قحنی مؤدی اولان بو محاربهده سلطان بایزید حضرتلری پدرلری کبی عساکر عثمانیه بی پاره سنی ویرمکسزین اهالیدن حبه واحده ذخیره المقدن منع ایشدر.

۷۹۴

استانبول اوزرینه برنجی هجوم و برنجی محاصره و بلغارستان ایله افلاق و بوسنه و مجارستان طرفلرینک استیلانی.

۱۹۹

نیکبولی محاربه سی — مجار قرالی سپکیزمونده فرانسه دن اک بنام امر

قومانده سیله کوندریلن بیک سواری، بیک پیاده والی بیک نفرده ایلقلی عسکر ایله المانیاده هوهنزولرن قوتتی فره دریق طرفندن کوندریلن عساکردن، ردوس وباویرا شوالیه لرندن وسائر المانیا بکاری وافلاق عساکردن مرکب بر هیئت متفقہ ایله ممالک عثمانیہ یه هجوم ایلمشدر. التمش بیک کشیدن عبارت اولان عساکر متفقہ الی کون نیکبولی بی قره دن ونهردن محاصره وتضییق ایلدیلر. نیکبولی محافظ مشهوری (طغان) بک شدتلی مقاومت کوستردی. عساکر متفقہ غایت مغرور ایلدیلر. حتی شوالیه لر «سما دوشه جک اولورسه مزاراقلر منک اوجیله طوته بیلیرز» سوزلیله اظهار غرور ایدیورلر ایدی.

ییلدیرم بایزید خان حضرتلری دشمنی حرکتلرندن خبردار ایتیه رک نیکبولینک امدادینه شتاب ایلدیلر. شهر مذکور جوارینه مواصلترنده اردوی هایونه اوج قدمه اوزرینه نظام حرب الديره رق برنجی قدمه یه عزیزلری، ایکنجی یه سپاهی لری یرلشدر مشلر واوچنجی قدمه اولق اوزرده بر تپه نك ارقه سنه قرق بیک سواری عسکرینی بالذات قومانداری تحتندہ یرلشدر مشلردی. مجار اردوسنده کی فرانسز سواریلری برنجی قدمه ده کی عزیزلری ایلك هجومده بوزدق لری کبی انلرک امدادینه شتاب ایدن سپاهی لری ده طاغیده رق اون بش بیک قدر عثمانلی بی تلف ایلدک لری والرینه کچن اسرای ده بلا امان قتل ایتدک لری حالده بالذات بایزید خان حضرتلرینک بولندق لری موقعه قدر ایلر یلشلر سه ده بوراده کوردک لری مقاومت شدیدہ اوزرینه چیل یاوریمی کبی پریشان وعساکر عثمانیہ طرفندن خط رجعت لری کسلسی اوزرینه دوکوشه دوکوشه عرض تسلیم ته مجبور اولمشلردر. فرانسزلرک شو مغلوبیتی اوزرینه مجار اردوسنک صاغ وصول جناح لری ده فراره باشلادق لرندن عساکر عثمانیہ بولنرک اوزرینه بالهجوم اکثریسی قتل ایتمشلردر. مجار قرالی سیکیزموند طونه نهرنده بولنان بر قایغه جان اتهرق بیک زحمت ایله قورتیله یلمشدر. بو محاربه ده اردوی هایون اون بیکدن زیاده اسیر المشدرکه بونلر میاننده فرانسه امراسندن پک چوق ادم بولنیور ایدی. مؤخرأ امرای مرقومه ۲۰۰۰۰۰ دوقا التونی فدیہ مقابلنده اسارتدن قورتارلشلردر. بو غالبیت اوزرینه عساکر عثمانیہ بوسنه بی، افلاق، مجارستانک جنوب جهتلرینی پامال خیول استیلا ایلدک لری کبی استانبول تکرار حصر وتضییق ایلمش، مورہ ویونانستان جهتلری ید ضبطه کچمش. حدود ممالک عثمانیہ اناطولی جهتندہ ده فرات نهرینه قدر توسع ایتمشدر.



انقره محاربه سی — (۱۹ ذی الحجه ۲۰ تموز) بومحاربه ده سلطان ییلدیرم بایزید خان حضرتلری عثمانلی اردوسنه ومشهور تیمورلنک ده کندی اردوسنه بالذات قوماندا ایتمشدر. اردوی هایون ۱۲۰ بیك و تیمورلنک اردوسنک ایسه سکز یوز بیك کشیدن مرکب اولدیغنی هامر تاریخنی روایت ایدور. شو حالده مذکور محاربه ده برملیونه قریب ادم چارپیشمش دیمکدر. عثمانیلرک بش عصر ظرفنده ایتمش اولدقلری محاربه لرك اک بیوکی بو انقره محاربه سیدر. تیمورک قوه موجوده سی یدی قول اردو تشکیل ایدوب بونلره تیمورک درت اولادی و بش حفیدی قومانده ایدور ایدی. اردوی هایونده بش فرقه یه ایبرلش اولوب بایزیدخان حضرتلرینک بش شهزاده لرندن هر بریسنک قومانداسته مودوع ایدی. تیمور اردوسنک صاغ جناحی میرانشاه، صول جناحی شاهروخ و خلیل قومانده لرنده بولوب مرکزده جهانگیرزاده محمدخان و بونک صاغنده، صولنده آلایلرله برابر قرق قوماندان بولمقده ایدی.

قرق آلائی عسکر دن عبارت عساکرا احتیاطیه ده بالذات تیمورک قومانده سی آلتنده ایدی.

اردوی هایونده صاغ جناح آیدین، صاروخان، قره سی والیسی سلیمان چلبینک قومانده سی تحتنده اولوب آناطولی عسکرندن، صول جناح روم ایلی و صرب عسکرندن مرتب اولوب اون بیك یکچیری و عزب عسکری و شهزادکاندن عیسی، موسی و مصطفی چلبیلر ایله برابر مرکزده بولمقده و محمد چلبی ایسه احتیاط فرقه سنه قومانده ایلمکده ایدی. تیمور صف حربده بولنان طابورلرک اوکنه اوتوز اوچ رأس فیلده تمییه ایتمشیدی. تیمور اردوسنک صاغ جناحی پیشدارینک عثمانلی اردوسی صول جناحک آرقه سنه هجوم ایتمسینه محاربه ساعت آلتیده باشلامشدر.

آیدین، منتشاء، صاروخان، کر میان عسکر یله تاتارلرک تیمور طرفنه یکمسی مغلوبیت عثمانیانه باعث اولمشدر.

سلطان ییلدیرم بایزید خان حضرتلری اون بیك یکچیری ایله آقشامه قدر خصمه مقابله ایتمشدر و آقشاملین منت بکک توصیه سیله فراره تشبث ایتمشدرسه ده. آتلیرینک دورلسی اوزرینه مجبور تسلیمیت اولمشدر.



جنتمکان سلطان ییلدیرم بایزید خان غازی حضرتلری

عهد چابی سلطان محمد خان

مجارستان و آوستریا محاربه لری — (۱۴۱۹ میلاد) یکریمی بیك عساكر  
 عثمانیه اوستریاده کاش رادکسبورغ شهرینی محاصره ایدیورلردی. اون ایکی بیك  
 قدر عسکرله قلعه نك امدادینه شتاب ایدن آوستریا بکاری عساكر عثمانیه ایله  
 شدتلی محاربه ایدوب تلفات کایه ویرمشلردر.  
 بوسنه و طمشوار جهتلرینه هجوم ایدن اسحق بك فرقه سی ده مغلوب اولمشدر.  
 نیش ایله نیکبولی آراسنده وقوعبولان اوچچی بر محاربه ذخی مجارله  
 مساعد اولمشدر.



جنتمکان سلطان مراد خان ثانی حضرتلری

عهد سلطان مراد ثانی

استانبول محاصره سی — (۸۲۵) سلطان مراد ثانی حضرتلری دوزمه جه  
مصطفی مسئله سنك استانبول ایمپراطوری طرفندن ایقاع ایدلمش اولسنك  
انتقامی آلق اوزره استانبولی محاصره یه قرار ویرمشلردر . اولامیخال بك

اون بيك آقنجي ايله استانبول جوارينه كلوب كويلرى اورمش، متعاقباً اردوى هايون ايله پادشاه حضرتلى ده يتشوب يدى قله دن بلاط سراينه قدر ممتد بولنان استانبول حصارلرندن بر اوق منزلى اوزاقده آچاچلردن بريوك سپر ياشلر، بونك اوك جهتنى طوپراق ايله ستر ايلشلردر. قله يه صوك هجوم اجرا ايديله جكي زمان آناطوليدنه ظهور ايدن بر حادثه اوزرينه سلطان مراد ثانى حضرتلى استانبول محاصره سنى ترك ايله آناطويه كچمشلردر.

سلانيك محاصره سى — (۸۳۴) سلانيك بر آى قدر محاصره دن صكره هجوم ايله ونديكليرك لندن ضبط اولنش، ايجه شدتلى بر محاربه وقوع بولمشدر.

هونياد محارباتى — (۱۴۴۳) سنه ميلاديه سندن اعتباراً سلطان مراد ثانى حضرتلى نيك عسكلى مجارليرله چاريشمغه باشلامشلردر. محاربه نيك ابتدالرنده مجارلير عثمانلى عسكلى نيك صارقلرينى، قاووقلرينى اوزاقدن كورير كورمز خوف ايدوب فرار ايدرلر ايكن مزيد بك فرقه سنىك ترانسيلوانيا ده هرمانشتاد محاصره سنده مغلوب اولمش اولسى بعدما غالبيتك مجارلير طرفنه كچمسنى انتاج ايلمشدر. ژان هونياد سلطان مراد ثانى حضرتلى طرفندن يكرى دوت بيك عسك ايله كوندرلمش اولان شهاب الدين پاشايى ده (واساغ) محاربه سنده اسير ومغلوب وتيمور طاش پاشا زاده عثمان بك كچي بعض امراى بناى تلف ايلمشدر.

هونيادك شو غلبه لرى اوروپاچه اولان شهرتى تزويد ايلمش اولديغندن يتون خرستيان مملكتلرندن اردوسنه عسكركلكه باشلامش، شو صورتله مجارلير كسب قوت ايدوب بتون صربستانى استيلا ايله نيش قلعه سى اوكنه قدر كمشدر. بو قلعه اوكنده ۳ تشرين ثانى ۱۴۴۳ سنه سنده وقوع بولان بر محاربه شديدده عثمانلير خارق العاده غيرت وشجاعت انارى كوسترمشلسه ده ينه هونياده مغلوب اولوب رجعته مجبور اولمشلردر. او حالده هونياد اردوى هايونى قدمه قدمه تعقيب ايدرک بالقان كچيدلرينه قدر چكلكه مجبور ايلمشدر.

سلطان مراد ثانى حضرتلى صولى دربند ايله ايزلادى دربندلرينى قويا مدافعه ايدرک خصمك سرورينه مانع اولقى ايلمشلردر. كانون اولك يكرى دردنده وقوع بولان محاربه ده عثمانلير تكرار مغلوب اولدقلى كچي يالوواج صهراسنده وقوع بولان ايكنجى بر محاربه ده مجارليرك غلبه سيله نتيجه لشمشدر.

یو صوک محاربه ده روم ایلی بکربکی قاسم بک، داماد شهریاری بولی بکی محمود چلی ده اسیر دوشملردر. بو محاربه ژان هونیاد حربنک قسم اولی نهایتنی تشکیل ایتشد. ۱۲ تموز سنه ۱۴۴۴ تاریخنده اون سنه مدته عقد اولنوب سکدین شهرنده تصدیقنامه لری تعاطی اولنان مصالحه نامه محاربه یه ختام ویرمش. سلطان مراد ثانی حضرتلری ده لاجل الاستراحه مغنیسایه چکمشدی. تصدیقنامه لرموزک دردنده تعاطی اولندیغی حالدده مجارلیلر ایلوک برنده نقض عهد ایدرک تکرار ممالک عثمانیه یه هجوم ایلدیلر.

وارنه محاربه مشهوره سی — (۱۰ تشرین ثانی ۱۴۴۴) خرستیان اردوسی وارنه شهری جوارینه قدر ایلیلیوب اوراده اخذ موقع ایتشیدی. سلطان مراد ثانی حضرتلری اردوی هایون ایله وارنه جوارینه واصل اولنجه یوم مذکورده ترتیب صفوف ایدوب نقض ایدیلن معاهده یی برضراق اوجنه تعلیق ایلدیلر. همان محاربه باشلادی. هونیاد بالذات قومانده ایلیکی عسکر ایله عثمانلی اردوسنک صول جناحنه هجوم ایلشدر. بو هجومده اودوی هایونک صول جناحی پریشان اولمش. سلطان مراد ثانی حضرتلری غلبه نک امکانی اوله میه جغنی بالتقدیر رجعتیه حاضر لائمش ایسه ده قرهجه پاشا مانع رجعت اولوب بوسره ده یکچیری اختیارلرندن قوجه خضر حجار قرالنک باشنی کهرک برضراغک اوجنه ربط ایله دشمن اردوسنه ارئه ایدنجه مجارلیلر ایله متفق لری درحال پریشان اولشدر.

ایکنجی قوصوه محاربه سی — (۱۸ تشرین اول ۱۴۴۸) سلطان مراد ثانی حضرتلری مجارلیلرک هونیاد قومانده سیله قوصوه صحراسنه کلش اولدقلرینی خبر النجه الی بیک کشیلک براردو ایله کندیسنک مقابله سنه شتاب ایلشدر. اورایه مواصلترنده تکلیف مصالحه ایچون دشمن اردوسنه برسفیر کوندرمشلرده دشمن صلحه یاناشیق ایستمدیکندن تشرین اولک اون یدنجی کونی محاربه باشلادی. هونیاد اردوسنی اوتوز سکر مقرزه یه آیروب قدمه قدمه ترتیب ایلشیدی. عثمانلیلر بو فرقه ل اوزرینه طاقله هجوم کوستردیلر. برنجی کونی هیچ برطرف غلبه یه موفق اوله مدی. ایرتمی کونی تکرار محاربه باشلاینجه ترخان بک روم ایلی عسکرله هونیادک صاغ جناحنی چویرمه مکه موفق اولدیغی کبی افلاق

عسکری ده اردوی هایونه التحاق ایلیکندن ایرتسی کونی عثمانلیلر مجار اردوسنی کاملاً پریشان ایلشلردر. وارنه وایکنجی قوصوه محاربه لری هونیا دک شمشه اقبالی سوندی ره رک میدان غالبی بتون بتون عثمانلیلرک النده براتقی کبی بر نتیجه مسعوده حاضر لامشدر.

۱۴۴۳ (میلاد)

اسکندر بک محاربه سی — آرن اوودلقده قرویا یعنی آقچه حصار حاکمی ژان قاسترویاتانک اوغلی زورز قاسترویاتا کوچککننده سلطان مراد ثانی حضرتلریک معیت پادشاهیلرنده بولنوب آیین اسلام اوزره تربیه کورمش وشجاعت وشهامتنه بناء اسکندر بک عنوانیه اون طقوز یاشنده ایکن سنجاغ بکلی رتبه سنی احراز ایلشیدی.

پدرینک وفاتنده سلطان مراد ثانی حضرتلری آقچه حصار بککنی مومی الیه ویرمیهرک آقچه حصار وجوارینی طوغریدن طوغرییه ممالک عثمانیه یه الحاق ایللری اوزرینه مغبر اولان اسکندر بک مجار سفری اناسنده یکنی حمزه بک ایله برابر اردوی هایوندن فرارایدرك آقچه حصار شهرینه کیمش و بر ساخته فرمان ارانه سیله قلعه یی ضبط ایله، ایچنده کی عساکر عثمانیه یی بر کیجه علی الغفله قلیچدن کچیرمشدر.

بده اسکندر بک بتون خرستیان بکارینی دائره آفاقنه جلب ایدرك سواری و پیاده اون بیک قدر عسکر جمع ایدوب قرق بیک کشی ایله اوزرینه کلکده بولنان علی پاشا ایله چارپیشمشدر. بو محاربه ده علی پاشا مغلوب اولمشدر. مؤخرأ فیروز پاشا و مصطفی پاشا قومانده سیله کوندریلن اردولر دخی برایش کوره مشدر. مصطفی پاشا اوچنجی برسفرته مغلوب واسیر اولمشدر. شو حالده سلطان مراد ثانی حضرتلری بالذات آقچه حصار اوزرینه یوریه که مجبور اولمشلردر. قومانده لری آلتنده بولنان یوز بیک کشی ایله دبره بالا سنجاغنه داخل اولوب قرویا و اسفندی غرادی ضبط ایله اسکندر بکی مجبور فرار ایلشلردر. لکن اردوی هایون عودت ایتدکن صکره اسکندر بک تکرار میدانه چیتدیندن سلطان مراد ثانی حضرتلری برکده دهها آرن اوودلقه ستر ایتکه مجبور اولمشلردر. بو سفرد، سلطان مشارالیه حضرتلری قرویا اوکنده طوپلر دوکدیره رک شهر مذکوریه محاصره یه و قلعه سنی تخزییه ایتدار ایتدکاری

صره ده اسکندر بکده بر قاج کیجه علی التمادی اردوی هایونی باصقین ایتمش، خیلی شدتلی مقاتلات وقوعبولمشدر. مع مافیہ اقچه حصارک ضبطی قابل اولیوب اردوی هایون مجبور عودت اولمش واسکندر بک محارباتی فاتح سلطان محمدخان حضرتلرینک عصرلرینه انتقال ایلشدر.

عهد جتتمکان فاتح سلطان محمد خان

۸۵۷

استانبول محاصره سی — سنه هجریه سی ربیع الاولنک یکرمی یدیسندن سنه مزبوره جمادی الاولنک یکرمی برینه یعنی ۱۴۵۵ سنه میلادیه سی نپساننک آلتیسندن سنه مذکوره مایسنک یکرمی طقوزینه قدر ممتد اولمشدر. بالذات ابوالفتح والمغازی جتتمکان سلطان محمد خان غازی حضرتلرینک قوماندالری تحتنده بولنان عساکر نصرت مآثر اسلامیه نک ترتیباتی بوجه آتی ایدی:

عساکر موجوده

۱۰۰۰۰۰

صاغ جناح

۵۰۰۰۰

صول جناح

۱۵۰۰۰

مرکز } بالذات فاتح حضرتلرینک قوه  
مانده لری تحتنده کی یکچیری

اختیاط سواری

۱۰۰۰۰۰

قوه بحریه

سفائن حربیه

اوج کورکلی

۱۸

ایکی کورکلی

۴۸

سفائن نقلیه

۲۵

سفائن حربیه سائرہ

۳۲۰

استانبولی مدافعه ایتمک اوزره اون درت موقعه یرلشدیرلش اولان روم عساکری اوتوز بیک راده سنده تخمین ایدلشدر.

جتتمکان فاتح سلطان محمد خان حضرتلری ادرنه شهرنده مجارلی اوربان ومهندس صاروجه ومعمار مصیل الدین معرفتلیله باقر وپرنجیدن ممزوج خلیجه طوب اذابه ایتدیرمشلردی که بونلردن درت قطعه سی ۱۵۰ قنطار آغر لغنده

کله آثار ایدی . بریدن بریره نقل و حرکتی الی چفت اوکوزه، آلتی یوز نفر  
طوبچی عسکری استخدامنه محتاج ایدی .

بونلردن بشقه اون درت طاقم طوب دها حاضر لاتدیروب بر مکمل طوبچی  
پارقی تشکیل ایتیش اولدقلرندن ادرنه ایله درسادات آراسنده کی درت کونلک  
یولی طویلرک و آغر لقلرک چوقلغندن طولایی آلتیش درت کونده قطع ایتشلردره  
اردوی هایون نیسانک برنجی پنجشنبه کونی، استانبول جوارینه واصل  
اولوب یول یورغوئلنی چیقارلقدن وطایبه لر و خندقلر یاپلقدن صکره نیسانک  
آلتیچی جمه کونی محاصره یه باشلانلشدر .

بیوک طویلر اولا روملر طرفندن یکی تحکیم اولنیش اگری قپو موقونه  
قارشى وضع و تعبیه ایدلش ایدی . بوراسنک قولای قولای تخریب اولنه میه جنی  
آکلاشلسی اوزرینه مرکز مهاجه طوب قپو قارشوسنه نقل ایدیلوب بیوک  
طویلر اورادن آتش ایتکه باشلامشدر . فاتح حضرتلری بو طویلرک قزمسنه  
میدان ویرمه مک اوزره زیتون یاغی ایله یاغلاملری . طریقنی کشف ایلدگری کی  
خلیجده کی روم کیلرینی باتیرمق اوزره مقوس کله آتان طویلر ایجاد ایتشلر  
ودونمای هایون سفاننی ده قره دن کپیره رک خلیجه ایندیرمک کبی خوارق آثار  
اقدام کوسترمشلردر .

برای امداد بحراً کن اون بش قطعه خرستیان سفینه لریله دوتخی  
هایونک یوز الی قدر سفینه لری آراسنده بر محاربه بجزیه وقوعبولش ایسه دم  
دونمای هایون مظفر اوله میوب سفائن اجنبیه خلیجه داخل اوله ییلشلردر .

نهایت فاتح حضرتلرینک بیوک طویلر یانه تعبیه ایتدیردگری برقاچ بتاریا  
کوچک طویلرک اون کون قدر علی التمادی آتش ایتلری سایه سنده طوب قپو  
جوارنده کی حصارلرده آچیلان رخنه دن هجوم اجراسنی امر ایدرک برنجی  
هجوم فتح و ظفرله نتیجه لنه مش ایسه ده مایسک یگری سگزنجی کونی  
خلیج وقره جهتندن وقوعبولان هجوم عمومی شهرک ید ضبطه کچمسنی تأمین  
ایلشدر .

۱۴۵۴ (میلاد)

صربستان سفری — فاتح سلطان محمد خان حضرتلری، صربستان قرالنک  
کریمه سی حر مسرای هایونه داخل اولدیفندن طولایی مملکت مذکورده اوزرنده کی



حقوقلرینی استحصال ایچون صربستان اوزرینه یوریوب سمندره یی محاصره ایتمشله، اوستروو قلمه سنی ضبط ایله برابر اللی بیک اسیر آلمشله رسده سمندره نك ضبطی ممکن اولمه مشدر .

۱۴۵۶ (میلاد)

بلغراد محاصره سی — حزیرانک اون اوچننده فاتح سلطان محمد خان حضرتلری یوز اللی بیک نفر عسکر و اوچیموز قطعه طوپ ایله بلغرادک ضبطنه کیتشلردر . قلمه نك اطرافنه تعیبه اولنان طویلرک کیچه کوندوز کال شدتله آتسه دوامی یوزندن حاصل اولان صدای مدهش تا یکر می درت میل مسافه ده کائن سکدین شهرندن ایشیدلمشدر . مشهور هونیاد بلغرادک امدادینه شتاب ایتمک اوزره آلتمش بیک عسکر جمع ایتمشدر . طونه ده وقوعه جولان دونما محاربه سننده عثمانلی کیلری پریشان اولمش ایسه ده قره دن عساکر عثمانیه بلغراد ی صوک درجه تضییق ایدوب طویلر بیوک برکدیک آچمش اولدیغندن ۱۴۵۶ سنه سی تموزینک یکر می برنده هجوم عمومی اجرا قلمش . عساکر عثمانیه شهرک واروشنه قدر داخل اولمش ایسه ده مجار لیلر داخل شهره امداد ادخال ایده بیلدکارندن شهرک ضبطی ممکن اولمه مامش ، نهایت محاصره ترک ایدلمشدر .

۱۴۵۸ (میلاد)

یونانستان محاربه سی — (مایس ۱۵) بر قاچ سنه دوام ایدن بو سفرده فاتح حضرتلری یونانستانک فتحی اکل بیورمشلردر . اسکندربک محارباتی — فاتح سلطان محمدخان حضرتلرینک جلوسلرندن تا (۱۴۶۱) سنه میلادیه سنه قدر دوام ایدن بو محارباتده عساکر عثمانیه کاه قالب کله رکه کاه دخی مغلوب اوله رق نهایت ۱۴۶۱ سنه سننده اسکندربک ایله عقد مصالحه اولمشدر .

آماصره و طربزون محاربه لری — فاتح سلطان محمد خان حضرتلری بیزانس حکومتی اجزاسندن اولان طربزون امپراطورانی ایله آماصره ده بولنان جنویز حکومتی محوایدرک حدود عثمانیه یی قره دکرک منتهای ساحل شرقیسنه ایصال ایلدیلر .

افلاق محاربه سی — قازقنی وویوودا نامیله معروف اولان دراکول

یعنی قره شیطانک ویدین والینی چقارجی حمزه پاشا ایله عساکرینی قازینه اورمسی وبلغارستانی قسماً تخریب ایلسی اوزرینه فاتح حضرتلری صدراهمظم محمود پاشایینی ایکی یوز اللی بیك کشتی ایله افلاق اوزرینه کوندرمشلر وبالذات کندیلیری ده یوز یتیمش بش قطمه سفینه حریبه ایله بحرأ درسعادتن حرکت ایتمشدر. بو محاربه نهایت افلاق قطمه سنک تخریبی ودراکولک تلف اولسی اوزرینه (۱۴۶۲) سنه سنده ختام بولمشدر.

## ۸۶۷ — ۸۷۰

بوسنه محارباتی — فاتح سلطان محمد خان حضرتلری مدیالی و بوزجه آطهینی ضبط ایلدکن صکره وندیکیلیری بحر سفیددن قاچیرمق ایستدکاری جهته وندیك محاربه سنه حاضر لایورلردی. بونک ایچون بوسنه طرفلرینی ضبطه قرار ویره رک سنه مذکورده یوز اللی بیك کشتیک براردو ایله درسعادتن حرکت ایتمشدر. بو محاربه ده بوسنه نک هر طرفی اشغال اولنوب بوسنه قرالی ده اسیر و تلف ایلمش ایسه ده ۱۴۶۴ سنه سنده هونیادک دامادی ماتیاس قورون عساکر کلیه ایله بوسنه پی تخلصه کلشدر. فقط حسن مدافعه سایه سنده نهایت مجبور فرار اولمشدر.

## ۸۶۸

ونديك محاربه سی — بو محاربه اولاموره شبه جزیره سنده باشلادی. مؤخرأ دکرده، قرمه کال شدتله وقوعبولق اوزره اون التي سنه دوام ایتمش، قرمه مانیلرده اسکندر بکده ایشه قاریشمش، بحر سفیدک آناتولی سواحلی وندیك دوختامی طرفندن تخریب ایلمشدر. ۸۷۲ ده شهریار مشارالیه حضرتلری بلذات اسکندر بک اوزرینه یوریوب مقر حکومتی اولان قرویا شهرینی حصر و تضییق ایلدیکی کبی ایلبصان قلمه سنی بنا ایتمش و اسکندر بکی اله کچیرمک اوزره بولمشلر ایکن مومی الیه فصلسه فرار ایدرک مملکتینی وندیکیلره ترک ایلدیکی حالدله وفات ایتمشدر. فاتح حضرتلری آرناوودلنی کاملاً ضبط ایتمکدن صکره هر سک قطمه سنه تجاوزله اوراسنی ده آورده قبضه تسخیر ایتمشدر.

## ۸۸۲

اشقودره محاصره سی — بالاده بیان اولسان وندیك جنکنک اک ۴۴۰

دورده سنی اشقودره محاصره سی تشکیل ایدر. مساهنك اوزافلغنه ویولارک فوق العاده عارضه لی بولمغنه مبنی فاتح حضرتلری اشقودره اوکنه بیوک محاصره طویلری جلب ایده مدکارندن شهر مذکور جوارنده ترتیب ایندیرمش اولدقلری اصاغه اوجاقلرنده جسیم طویلر دوکدیروب مواقع لازمه یه تمییه ایتدکن صکره قلمه مستحکمه بی دوومکه باشلامشدر. شو بومباردمان نتیجه سنده قلعه دیوارلرنده متدد کدیگار پیدا اولدیغی جهته ۱۴۷۸ سنه سی تموزینک یگرمی ایکنجی کونی فاتح حضرتلری هجوم عمومی اجراسنی امر ایشلدر. بو هجوم اثناسنده وقوعبولان قانلی محارباتک تفصیلی پک اوزوندرد. قلعه نك برج وباروسنه عثمانلی سنجاغی چکامش ایکن ینه وندیکیلرک اقدامیله عساکر عثمانیه رجسته مجبور اولمشدر. بش کون صکره وتوعبولان ایکنجی و آنی متعاقب اجرا ایدیلن اوچنجی بر هجوم دخی نتیجه پذیر اوله مشدر. نهایت فاتح حضرتلری اورنوس زاده احمد بکی قرق بیک کشی ایله فله نك حصر و تضییقنده دوامه مأمور ایدرک اردوی هایونی اورادن چکمشدر، فقط اشقودره جوارنده کی قلاع سائرینی کاملاً ضبط ایشلدر. وندیك محاربه سنه نتیجه ویرمک اوزره عقد اولنان معاهده مقتضاسیجه اشقودره اک صکره عثمانیله تسلیم اولنهرق فقط متباق مستحفظلری ایله اهالیسی قهرمانقلرینه حرمة اسلحه واشیالیله چکامکه مأذون اولمشدر.

۸۷۷

اولوق بلی محاربه سی — تفصیلاتی امهات کتب تاریخیه ده ذکر ایدلدیکی وجه ایله بتون دیار ایرانی ید ضبطنه بکیرمش اولان اوزون حسن کندیسنه تیمورلنک سوسنی ویره رک دولت علیه یه خصم اولان بعض بکاری حمایه ایله برابر اقالیم شرقیه ده فرمانفرما اولوق هوسنه دوشدیکندن فاتح سلطان محمدخان حضرتلرینه مقابله ایده بیله جکی فلننده بولنیوردی. فاتح سلطان محمد حضرتلرینه کوندرمش اولدیغی بر ایکی نامه کستاخانه اوزرینه سلطان مشارالیه حضرتلری اوزون حسنه اعلان حربه قرار ویره رک ۸۷۷ سنه سی مارت آینک نهایتنده کندیلری اسکداردن حرکت ایلدکلی کی اردوی هایوزده کلیبولیدن آناطولی ساحلنه بکمشدر.

اردوی هایون بکیازرینه مواصلتنده قره مان والی شهرزاده معطقی

وقاز آباده موصلتمنده آماسیه والیسی شهزاده بایزید حضراتی ایالتلری  
 عسکريله اردویہ التحاق ایلمشدر. شو حالده اردوی هایونک قرق سنجاق  
 ویکرمی بیک عسکردن مرتب صاغ جناح قوماندانلی شهزاده بایزید حضرتلریله  
 روم ایلی بکار بکی خاص مراد پاشایه ویکرمی درت سنجاق یکرمی بیک عزبیدن  
 مرکب صول جناح قوماندانلی شهزاده مصطفی حضرتلریله داود پاشایه طاند  
 اولوب مرکزده دخی بر معتاد پادشاه حضرتلری بولمقده واردونک طلیعه سی  
 تشکیل ایدن آقینجیلر میخال اوغلی علی بک قومانده سیله ایلمی کیتمکه ایدی.  
 اوزون حسن فرات نهرینه یقین بریده تحصن ایدرک اردوسنک صاغ جناحی  
 شهر مذکوره استناد ایتدیرمش. خط رجعتی ده بر سلسله ایله تح محافظه یه  
 آلمش ایدی. آقینجیلر بو موقعه یاقلاشدقلری زمان دنمک قوتلی اولدیغنی  
 کوره رک رجعت ایتشلر سده خاص مراد پاشا ایلمی کیتمه مک اوزره فاتح  
 حضرتلری طرفندن ویریلن اوامر شدیده خلافت اوله رق اوزون حسنک  
 کوستردیکی بر ساخته رجعته آلدانوب فرقه سیله بک ایلمی کیتمش اولدیغندن  
 اوزون حسنک دام اغفالنه دوشوب کندیبی و معیتی عساکرینک قسم کلیسی  
 تلف اولمشدر. شومالو بیت فاتح حضرتلرنجه موجب مایوسیت اولیوب اردوی  
 هایونی بایبورد اوزرینه سوق ایلدیلر. ربیع الاولک برنجی بازار ایرتسی کونی  
 ترجان جوارینه موصلتلرنده اوزون حسن اردوسنک اوتاق بلی صرتلرنده  
 تشکیل صف حرب ایلمش اولدیغنی کورولمشدر. بو اردونک صاغ جناحی  
 اوزون حسنک کوچک مخدومی زینلک، صول جناحی بیوک اوغلی اوغورلی محمدخان  
 قومانده سنده ایدی. فاتح حضرتلری اردوی هایونک صول جناح قوماندانلیغنی  
 شهزاده مصطفی حضرتلرینه بالتودیع آناطولی وعزب عسکرینی او جهته وصاغ  
 جناح قوماندانلیغنی شهزاده بایزیده بالاعطا روم ایلی عسکريله یکچیریلری او  
 طرفه تعینیه ایتشلر، کندیلری مرکزده بولمشلدر. ایلك هجومده شهزاده  
 مصطفی زینلک فرقه سنی پریشان ایدوب عزبلیک قوماندانی محمود افا بالذات  
 زینلک باشنی کیتمش و شهزاده بایزید خان دخی اوغورلی خانی مغلوب ایتمشدر.  
 اوزون حسن بو حالی کورونجه اوتاغنی اردوکاهنی ترک ایدوب فرار ایتمشدر.

قریمک فتحیله جنویزلرک اورادن اخراجنه مأمور ایدیلهرک اوراسی سلطنت سنیه نک بر ایاک ممتازه سی حاله قلب ایدلمشدره .

۸۸۱

بغدان سفری — حاکمک وفاتی اوزرینه اوغلی دائره اطاعت خارجنه چیقیدیفندن بغدانه سفرهایون وقوعبولوب ممالک مذکورہ ازر نوقیح اولمشدره .

۸۸۴

ایتالیا سفری — مورہ والیسی کدیک احمد پاشا دونما ایله ایتالیا سواحلتک فتحنه مأمور ایدیلهرک زانطه آطه سنی و اوترانت بلده سنی ضبط الملشدره .

عهد سلطان بایزید خان ثانی

۸۸۹

بغدان سفری — کای و آفکرمان قلعه لرینک ضبطنی موجب اولمشدره .

۸۹۱

مصر سفری — ملک مصر قایتبایه اعلان حرب اولنوب بر قاچ چرخه محاربه سندن صکره شدتلی بر محاربه وقوعبولمش ایسه ده عساکر عثمانیہ مغلوب اولوب آناتولی بکر بکی هر سک زاده احمد پاشا اسیر اولمشدره . دردنجی سفرده خادم علی پاشاده . وفق اوله مامشدره .

۹۰۷

وندیک محاربه سی — وندیکیلر فاتح سلطان محمد خان حضرتلریله عقد البلدکاری مہامده مقتضاسنجہ مور. نک بعض مواقعی محافظہ ایتشلر ، لکن صکره دن بوسنده پایجہ ایله دراج لیمانہ تجاوز ایدوب اورالرینی ضبط ایتشلردی . بوسنه والیسی اسکندر پاشا مواقع مذکورہ فی استرداد ایله برار سوق ایلدیکی ایتھیلر وندیک جوارینه قدر اولان یرلری یغما ایتشلردرہ . مورده وندیکیلرک الارنده قالان قلاع دخی ضبط اولمشدرہ . بووندیک سفرینک اک مهم حادثہ سی .

وندیک سفینه لریله ایدیلن شدتلی محاربه بحریه دره. بو محاربه ده عثمانلی قیودانلرندن براق رئیس سوار اولدیغی قالیونک ایکی طرفه ایکی دشمن کمپسی یا ناشدیغنی کورونجه کیلره آتش و یروب اوچنی ده احراق ایتک صورتیه اظهار جلادت ایتشدر.

### عهد سلطان سلیم خان اول

۹۲۰

ایران سفری، چالدران محاربه عظیمه سی — شاه اسماعیل صفویونک سلطان سلیم حضرتلرینی اخافه ایتک خلیاسنه دوشمنی ۹۲۰ سنه سننده کندیسنه اعلان حرب ایدلمسینه باعث اولمشدر. بالذات سلطان سلیم حضرتلرینک قومانداری تحتنده بولنان اردوی هایون سواسه مواصلمتده یوقلامه ایدیلرک یوز قرق بیگ کشی موجود اولدیغی کورولمکه قرق بیگ کشی سیواس ایله قهریه اراسنده براقیلوب یوز بیگ کشیک اردوی هایون کردستان طریقیه ایران اوزرینه یورودی. ترجانه مواصلمت اولندقده یکچیریلر «ایلری لیتیز» ديه محالفته قالمشدرلرندن سلطان سلیم حضرتلری «راحت ایستین تپورورل قاریلرینک یاننه دونسونلر» دشمن ایله کورمه شه جک مردلر بمله کلسون. اکر ایچکزده اریوق ایسه بن یالکز کیدرم «عتاب مردانه سیله یکچیریلری دائره اطاعتیه المشردر».

اردوی هایونک پیشدار فرقه لری شهوار زاده علی بک ایله میخال اوغلی علی بک قومانداری تحتنده ایدی. چالدران صحراسنده اوزاقدن دشمنی کوردیلر. ۹۲۰ سنه سی رجینک ایکنجی کونی چالدران محاربه مشهوره سی وقوع بولدی. قاعده قدیمه وجه ایله آناتولی بکر بکی خادم سنان پاشا ایله زینل پاشا آناتولی عسکريله صاغ جناحه، روم ایلی بکر بکی حسن پاشا روم ایلی عسکريله صول جناحه و روم ایلی و آناتولی عزبلری جناحلرک منتهاسنه یعنی تیمور زنجیرلر ایله یکدیگرینه ربط اولننان طولری ستر ایچون آنلرک اوکنه قولمشیدی. یکچیریلر مرکزده بولنوب آنلرک آرقه جهتمده پادشاه حضرتلری ایله هرسک زاده احمد پاشا، دوقه کین اوغلی احمد پاشا و مصطفی پاشا نامنده اوچ وزیرلری اخذ موقع ایتش، یکچیری صفلرینک اوکنه عربلر، دوهلر سپر ایدلمشیدی.

شاه اسماعیلک اسلحه ناریه سی اولدیغندن اردوسنی ایکی فرقه یه بالتقسیم بریسی بالذات کندیسنگ قومانداسیله عثمانلی اردوسنگ صول جناحنه هجوم ایلدیکی صرهدده طویلرا اوکنده کی عز بلری چکمکه، طویلری ایشلمکه وقت بولنه مدیغندن روم ایلی عسکری پریشان و بکار بکی حسن پاشا تلف اولمشدر. فقط صاغ جناحده خادم سنان پاشا طویلری وقتیه ایشلده رک ایران قوماندانی اوستاجلو اوغلی محمد خانی تلف وفرقه سنی پریشان ایتش اولدیغندن یکچیریلده روم ایلی عسکرینگ امدادینه شتاب ایله عربه سپرلی آراسندن دشمنی قورشونه طوتدقلرندن ایرانلیر کاملاً مغلوب اولوب شاه اسماعیل دخی مجروحاً یزه دوشمش، بیک مشکلات ایله قورتیه بیلمش ایسه ده حرمی، اردوکاهی کاملاً ید عثمانیانه دوشمشدر.

اشبو محاربه ده عثمانلیلردن اون درت سنجاق بکی وایرانیانندن اون درت خان تلف اولمشدر. محاربه نك فرداسی تبریز اشغال اولمشدر.

۹۲۲ — ۹۲۳

مصر سفری — مصر حکمداری سلطان غوری طرفندن عثمانلی سفراسته سوء معامله ایلمسی اوزرینه سلطان سلیم حضرتلری ایران اوزرینه کیتمکده اولان اردوی هایونی درحال مصره ظوغری سوق ایدرک حلب جوارنده (مرج دابق) نام محله عثمانلی وچرکس اردولری چارپیشوب بر ایلی ساعت ظرفنده چرکس اردوسی پریشان اولمشدر. سلطان غوری قاچارایکن منزولاً وفات ایتمشدر. بوندن صکره سلطان سلیم حضرتلری حلبی، شامی، قدسی وجوارینی ید ضبطه کچیره زک چوله طریقله قاهره یه واصل اوله رق (ردانیه) موقعنده تکرار چرکس اردوسنه ملاقی اولدیلر. (۲۹ ذی الحجّه ۹۲۲) سلطان غورینگ یرینه مصر حکمدارلغنه تعیین اولنان طومانبای بر ضربه ده پادشاه حضرتلرینه ضرر ویرمک اوزره بر قاج فدائی سواری ایله برابر تا مرکز اردوی هایونه قدر کیره بیلمش ایسه ده اوصرهدده سلطان سلیم حضرتلری قوماندده ویرمک اوزره جناحله کیدوب اوراده بولمدقلرندن طومانبای سنجاق یاننده بولنان وزیراعظم خادم سنان پاشایی ورمضان اوغلی محمود بکی و امرادن دیگر بر ذاتی قتل ایشلدر. لکن عساکر عثمانیه ده مصر اردوسنی تکرار پریشان ایتش، قاهره یی اشغال ایشلدر. مصر سفرینگ نتیجه سنده خلافت مقدسه اسلامیه خاندان جلیل الشان عثمانی یه انتقال ایشلدر.

عهد سلطان سلیمان خان قانونی

برنجی سفر هایون — صربستانده مجارلیک ید ضبطنده بولنان بلغراد و شاباج قلعه لریله قلاع سائرده فتح ایدلمشدر (۹۲۷) .

ایکنجی سفر هایون — ردوس جزیره سی برآ و بحرأ حصر و تضییق اولنه رق ید ضبطه کچیرلدیکی کبی (۹۲۸) جزیره مذکورده ید تابع اولان سائر آطه لرده ضبط اولمشدر . بو محاربه ده عثمانلیلر ایلك دفعه اوله رق خیره استعمال ایلشدر .

اوچنجی سفر هایون — سلطان سلیمان قانونی حضرتلری ۹۳۲ سنه سنده یوز بیک کشیک بر اردو ایله اوچیوز قطعه طوبی استحباب ایدرک مجارستان اوزرینه یوریمشدر . سنه مذکورده ذی القعدة سنک یکریمی برنجی کونی مشهور (مهاج) محاربه سی وقوع بوله رق مجار اردوسنک برنجی صفی ایلك هجومده روم ایلی عسکرینی آناطولی عسکری اوزرینه پوسکورتمکده موفق اولمش ایسه ده بالی و خسرو بکرک آقینچیلری متحصن بولندقلری و ایدین بردن بره مجارلرک خط رجعتی اوزرینه صوت کوستره رک عساکر مهاجمه نی ایکیه آیرمش و بو صره ده اون خطوه مسافه دن طوبلرک شدتله آتش ایتسی دشمن صفلرینی آلت اوست ایدرک غلبه نی تأمین ایتشدر . بو محاربه مجارستانک فتح و تسخیرینی انتاج ایلشدر .

دردنجی سفر هایون — ویانه محاصره سی .

بشنجی — آلامان سفری .

۹۴۰ — ۹۴۲

آلتنجی عراقین سفری — بوسفر هایونده تبریز، وان و ماد لجواز طرفلری و عراق عجم کاملاً ضبط ایدلرکدن بشقه عراق عربیه توجیه وجهه عزیمت بیوریلرک (۹۴۱) سنه سنده بغداد فتح ایدلمشدر .

اردوی هایونک تبریزدن بغداده کلسی اک مهم سوق الجیش حرکاتنددر .

۹۴۳

یدنجی سفر هایون — ۹۴۰ تاریخنده سفینه لریله برابر در سعاده کاهرک سلطان سلیمان قانونی حضرتلرینه عرض خدمت ایتش و جزایر بکار بکیلیکی رتبه سیله



تلطیف بیورلمش اولان بارباروس خیرالدین پاشانک اسفار بحریه سی دولت علیه ایله وندیک آراسنده محاربه ظهورینه باعث اولمشدر. اردوی هایون ۹۴۳ سنه سنده برآ اولونیه یه سوق اولنه رق آرن اوودلق ساحلنده هنوز قبضه تسخیره کیرمه مش اولان یرلر ضبط ایدلمش اولدینی کبی وزیر لطفی پاشا و بارباروس خیرالدین پاشا قوماندانده رنده بولناک دونمای هایون ایتالیا ساحلرینی اوره رق عودت ایدر ایکن وندیک کیلریله حرب ایتشلر و فقط وندیک دونماسنی منقرض ایده مدکارندن قورموی محاصره ایلشدر.

۹۴۵

سکزنجی بغدادان سفری — بو سفر هایونده بغدادان بکی مجبور فرار اولوب مملکت مذکوره بکلی برادری استغان وویووده یه ویرلمشدر.

۹۴۵

پروزه محاربه بحریه سی — بارباروس خیرالدین پاشا بحر سفید آطه لرینک قسم کلینی اوروب ضبط ایلدکن صکره استانکویه عودتنده پاپا و وندیک و اسپانیا کیلرینک مشهور قبودان آندریادوریا قومانداسیله ناردی کور فزی ساحلنده بولنان پروزه قلمه سنی محاصره یه تشبث ایلدک لرینی خبر آلمسینه همان دونمای هایون ایله آنلرک اوزرینه هجوم ایدرک آندریادوریا قبودانک دونماسنی پریشان ایلشدر.

۹۴۶

سلیمان پاشانک هند سفری — کجرات حکمداری بهادر شاه بر طرفدن مغول حکمدارلرندن هایون شاهک و دیگر جهتدن هندستان طرفلرینه تجاوز ایدن پورتکیزلرک تضییقاتی آلتندره عاجز قالب طرف سلطنت سنیه دن استحما ایتش اولمسینه سلطان سلیمان قانونی حضرتلرینک امرلریله سویشده عظیم دونما ترتیب واستانبولدن اتوز بیک قدر قره وکی عسکری و مهمات لازمه سوق هتسریب اولنوب مصر بکار بکی خادم سلیمان پاشا هند سفرینه مأمور ایلدی. پاشای مومی ایله دونما ایله پورتکیزلرک ید ضبطنده بولنان (دیو) قلمه سی اوکنه واصل اوله رق قلمه مذکوره یی یکریمی برکون برآ و بحرآ محاصره ایلش ایشه ضیطی موفق اوله مشدر. مذکور قلمه طقوز قطعه بیوک محاصره



جنتکان فاتح سلطان محمد خان غاری حضرتلری

طوپوله دوولش اولدبتمدن پورتکیز مورنلری عثمانلیلرک اوتدر اوزاق مسافه یه  
بیوک محاصره طوپنی تقلنده مشهود آتاز موفیتلرنی لسان تقدیر ایله بازمشلردره

۹۴۱ — ۹۵۱

طقوزنجی و اوننجی سفر هایونلر — آوستریا حکمداری بودینی محاصره  
ایلدیکندن وزرادن صقواللی محمد پاشا سربعاً شهر مذکورک تخلیصنه مأمور  
ایدیلوب (۹۴۸) سنه سنده وک هایوزده استانبولدن حرکت ایلدی. موکب



جنتکان یاوز سلطان سلیم خان اول حضرتلری

هایون بودینه واصل اولزدن اول محمد پاشا دشمنی بوزوب دشمن لاشه لرینی  
طونه یه دوکش و متعاقباً موکب هایون یتشوب بودین طوغریدن طوغری یه  
ممالک عثمانیه یه الحاق ایدلمشدر .

لکن فردیناند قوه کلیه عسکریه سوقله پشتینی محاصره ایلدیکندن  
(۹۵۰) سنه سنده تکرار مجارستان اوزرینه کلیتی بر اردو سوق اولنهرق  
پشته محاصره دشمندن قورتارلمش، مجارستانک تمام قحی مینسر اولمشدر .

طقوزنجی سفر هایون ائناسنده آلمانیا ایمراطوری شارلکن جزایر قیلرینه  
عسکر دوکش اولسیله خیرالدین پاشا قوه قاهره ایله اعدایی اورالردن طرد  
ایتمش، فرانسه سفیرینک طلبی اوزرینه فرانسه دونمسیله بالاتفاق شارلکنه تابع اولان  
نیس قلعه سنی طوبه طوتمشدر (۹۴۸) .

## ۹۵۵ — ۹۶۰

اون برنجی واون ایکنجی ایران سفرلی — ایران شاهی طه باسبه اعلان  
حرب ایدیلوب آزمدته اردوی هایون تبریزی ید ضبطنه کچیرمشدر. بوسفر  
ائناسنده کرجستان دخی ضبط ایدلشدر. سفر مذکور وقوعبولور ایکن  
مجارستان احوالی تکرار قاریشدیغندن روم ایلی بکار بکی ضقوللی محمد پاشا  
سکسان بیگ قدر عسکرله مجارستانه مأمور ایدلدی. مشارالیه بچی، چنادولپوه  
قله لرینی ضبط ایدوب طمشواری ده حصر و تضیق ایلشدر .

قیش موسمنک حالونه و دشمنک کثرتله ورودینه مبنی ۹۵۸ ده محاربه ترک  
اولنوب بلغراد مشتاسنه عودت اولمش ایسه ده اترتسی سنه تکرار مجارستانه  
هجوم اولنوب وسپریم و طمشوار قله لرلی وصولنق حصارلی ضبط واکری  
محاصره اولمشدر. ۹۵۹ ده پیری رئیس سوبشدن دونمائی هایون ایله بحر  
محیط هندلی به چیقوب مسقط سواحلی و بحرین آله سنی ضبط ایتمش ایسه ده  
هرمز بوغازلی آچیق لرنده پورتکیزلر ایله وقوعبولان محاربه ده مغلوب اولشدر.  
مؤخرأ دونمائی مذکور قوماندانلغنی درعهده ایدن سیدی علی رئیس  
دخی پورتکیزلرله بر ایکی محاربه بحریه ایدرک غالب مغلوب بللی اولمدیغنی حالده  
فورتنه سفائن عثمانیه بی طاغتمشدر .

## ۹۷۲

مالطه سفرلی — بوسفره مشهور قورصان و طرابلس غرب بکار بکی  
طورغود پاشاده مأمور اولدیغنی حالده مالطه قلعه سنک اثنای محاصره سنده  
شهید اولدیغندن فتح جزیره میسر اولتمسزین سفره ختام ویرلشدر .

## ۹۷۴

اون اوچنجی سفر هایون، سکتوار سفرلی — مشهور ضقوللی محمد پاشانک  
تلقینیه نجه حکمداری ماقسیمیانه اعلان حرب اولنوب اردوی هایون ایله برابر

سلطان سلیمان خان حضرتلری ده درسهادتدن حرکت بیورمشلردره . موکب هایون پلغراده مواصلتندن صکره آگری اوزرینه کیدلک مقرر ایکن سکتوارحصاری محافظی جنرال زهرینی پیشدار فرقه لرندن برینی شبخون ایله پریشان ایلدیکندن اردوی هایون سکتوار اوزرینه توجیه اولمشدر . مذکور حصار برقاچ کون ظرفنده هجوم ایله ضبط اولمشدر ( ۲۱ صفر ۹۷۴ ) . لکن قبح اولندیفی آقشامی سلطان سلیمان حضرتلری ده اوتاغ هایونلرنده ارتحال داربقا ایشلردره .

### عهد سلطان سلیم خان ثانی

۹۷۶

یمن قحی — حبش بکار بکی اوز تیمور اوغلی عثمان پاشا ایله مصر بکار بکی سنان پاشانک همتلریله یمن قطعه سی قبح اولمشدر .

۹۷۹

قبریس قحی واینه بختی محاربه بحریه سی — جلوس سلیم خانی بی متعاقب قبریس جزیره سی قبح اولوب دونمای هایون اورادن عودت ایدر ایکن یونانستانده اینه بختی لیمانه کیرمش و حالبوکه قبریسک امدادینه شتاب ایدن پاپا وندیك واسپانیا دونماری دونمای هایونی مذکور لیمانده صیقیشدیروب کاملاً محو واحراق اولمشدر . لکن مشهور صقوللی محمد پاشا بر سنه ظرفنده یکیدن مکمل بر دونما وجوده اکتیرمشدر .

### عهد سلطان مراد خان ثالث

۹۸۲

وادی السبیل محاربه سی — پورتکیز قرالی دون ساباستیان فاس اوزرینه عسکر سوق ایتیش اولوب فاس حکمداری استمداد ایلدیکندن جزائر بکار بکی رمضان پاشا امداده مأمور ایدلش ، وادی السبیل محاربه سنده قرالک اردوسی متفرق کندیسی . قتول اولمشدر .

۹۸۵ — ۹۹۸

ایران سفری — شاه اسماعیل صفویک فرزند وخلق شاه طهماسبک

وفاتنده ممالک ایرانیه احوالی قاریشمش اولدیغندن ارضروم بکار بکی خسرو پاشا فرصتدن استفاده ایدلمسنى توصیه ایتمش، کرجه صقولى محمد پاشا حربک طهورینه مخالفت ایلش ایسه ده دیگر یکی یشمه وزرائک تلقینیه ۹۹۸ سنه سنده ایرانه اعلان حرب اولمشدر.

اون ایکی سنه دوام ایدن شو حرب مدید اثناسنده لالا مصطفی پاشا چلدیر محاربه مشهوره سنی قازانوب تفلیس و کرجستان و شروان بلادینی ضبط ایلش، اوز تیمور اوغلی عثمان پاشا طاغستان طرفلرینی ید ضبطه کچیره رک تبریزی ده فتح ایتمش و طاغستاندن استانبوله قره دن کلمشدر. محاربه مذکوره تبریز، کنجه، قارصن، روان، نخچوان، شکی، شماخی، تفلیس قلمه لری دولت علیه قالمق اوزره فرهاد پاشا مصالحه نامه سیله نتیجه لشمشدر.

۱۰۰۱ — ۱۰۰۵

آوستریا سفر طویلی — آوستریا ممالکنه چاپول ایدن بوسنه بکار بکی حسن پاشانک بوصویه اوغرایوب تلف اولسی اوزرینه نجه یه اعلان حرب خصوصی مذاکره اولنوب وکلادن بعضلری بوکا مخالف بولنمشلر سده فاتح یمن سنان پاشا فرهاد پاشانک ایران سفر نده قازاندیغی شان و شهرتی استرقاب ایدوب کندیسیدی. اجراز شان ایتک املیه نجه یه اعلان حرب ایتدیرمش، ۱۰۰۱ سنه سی موسم شتاسنده استانبولدن حرکت ایلشدر. مشارالیه یانق قلمه دنیلن راب حصارینی ضبط و آوستریالیلری مغلوب ایتمش ایسه ده افلاق و ووده سی میخال بکک عصیاننه و بو صورتله محاربه تک امتدادینه باعث اولمشدر.

عهد سلطان محمد خان ناک

اکری سفر هایونی: اشبو سفر آوستریالیلره قارشی وقوع بولمشدر. پادشاه حضرتلرینک بالذات سفره چیقمش اولملری اوزرینه نجه حکمداری ماقسیملیان ایله اردل قرالی سیکیزموند دخی قوه کلیه عسکریه ایله قارشی چیقمشدردی. محاربه محارستانده اکری شهرینه سکز اون ساعت مسافه سی اولان خاچ اووه نام صحرا ده ۴ ربیع الاول ۱۰۰۵ و ۲۵ تشرین اول ۱۵۹۶ تاریخنده وقوع بولمشدر. دشمنک ایلك هجومی غایت شدتلی اولوب حتی طرف طرف عساکر عثمانیه پریشان و مجبور فرار اولمش، دشمن عسکری تا اوتاغ هایون

جوارینه قدر ایلیلیوب آتشی، قره قولقچی و چادر بکچیلری الیرینه کچن صوبا کنجه. قازیق کبی آلات مدافعه ایله دفع صائله مجبور اولمش، اسرا امید ظفر قالدیغنی کوره رک پادشاه حضرتلرینی ساحل سلامتیه ایصال ایلمک چاره لرینی دوشونمکده بولنمش اولدیغنی سرده بر طرفدن شیخ الاسلام مشهور سمدالدین افندی صبر وثباتی توصیه ایله جمله بی تشجیع ایلدیکی کبی بر طرفدن ده دشمنک پک زیده طاغلمش اولدیغنی کورن طلیمه قوماندانی جفاله زاده سنان پاشا ایله قالمای قمع کرای خان آرقه طرفدن دشمنه صولت کوستره رک تأمین غلبه کامله ایلمشدر .

بو محاربه ده یوز بیک قدر دشمن تلف اولمش، اردو کاهلری، بالجمله طوب و مهمات وجبه خانهلری ضبط و اغتنام اولمشدر .

قنیزه محاربه سی — اکری محاربه سی غلبه کامله ایله نتیجه لشمش ایسه ده دشمن بحق تعقیب اولنوب ده طلب مصالحیه مجبور ایلمه مش اولدیغندن موکب هایون استانبوله عودت ایدر ایتمز آوستریالیلر تکرار هجومه باشلامشله، حتی بعض یرلری استیلا ایلمش ایدی . نهایت صدراعظم ابراهیم پاشا بالذات سفره چیقهرق (۱۰۰۸) ده قنیزه بی قتحه موفق اولمشیدی .

قنیزه محافظه سی بر مقدار مسکرله غازی نامدار تریاکی حسن پاشایه حواله قلمشیدی . نجهلیر قنیزه بی ضبط ایچون اولانجه قوتلریله هجوم ایتدیله، قلعه نک محافظلری درت بش بیک کشیدن زیاده دکل ایکن اللی بیکی متجاوز دشمنه مقابله و غلبه ایدرک بالجمله طوب، چادر و جبه خانه سی ضبطه موفق اولمشلدر . بو غزوه کبرا ممالک شاهانه یه اعلان قلنه رق تریاکی حسن پاشا وزارتله و تشریفات مخصوصه پادشاهی ایله تجلیل و تلطیف اولنوب هر آقشام دعای پادشاهی به تردیفاً قنیزه غازیلرینه دخی خیر دعا اولنق بالجمله مواقع مسکریه به امر و فرمان بیورلدی و طرف هایوندن قنیزه غازیلرینه التفات مخصوصه اوله رق کوس و علم کوندرلدی .

ایران سفری — دولت علیه نک غرب جهتنده نججه ایله سفرده بولنمشندن و آناتولیده اشقییا ظهورندن استفاده املنه دوشن شاه ایران عباس خان ۱۰۱۲ سنه سننده دولت علیه به اعلان حرب ایدوب تبریزی زنجیر قیران علی پاشادن ضبط ایلمشیدی . ۱۰۱۳ سنه سننده جفاله زاده سنان پاشا سر مسکر نصب اولنه رق شاه ایران اوزرینه یوریمش ایسه ده سلاطین جوارنده ارضروم

بکر یکی صفر پاشا و عسکری مغلوب اولوب سر عسکر پاشانک تحت امرنده کی عسکر طاعلمش اولدیغندن جفاله زاده سنان پاشا مایوساً دیاربکره رجعت ایدوب اوراده کدرندن ارتحال ایلشدره. مؤخرأ سلطان عثمان خان ثانی حضرت تلیزینک زمانلرنده صدر اعظم خلیل پاشا ۱۰۲۷ سنه سنده دیاربکردن حرکتله ایرانلیلری تبریزی ترک ایتمکه وارد بیلی ضبط ایله دشمنی عقد مصالحه یه مجبور ایلشدره.

لهستان سفری — لهستان حکومتنک اردل قرالی ایله افلاق بکاری آراسنده تحموت ایدن اختلافه مداخله سی سلطان عثمان خان ثانی حضرت تلیزینی لهستانه اعلان حربه مجبور ایدوب بالذات کندیلری عزم سفر ایدرک ۱۰۳۰ ده اردوی هایون ایله استانبولدن حرکت ایلدیله. دشمن عسکر یله خوتین جوارنده محاربه ایدلمش ایسه ده موفق اولنه میهرق لهستان ایله عقد مصالحه ایدیلوب استانبوله عودت اولمشدره.

ایران محاربه سی — بغدادک ایرانلیلر طرفندن استیلا سی اوزرینه ایرانه اعلان حرب ایدلدی. سلطان مراد رابع حضرت تلیزینک صدر اعظم لری چرکس محمد پاشا بغدادی تخلیصه مأمور ایدلمشیدی. صدر مشارالیهک وفاقی اوزرینه دیاربکر والیسی حافظ احمد پاشا مهر هایون ایله کامبین اولوب بغدادی تخلیصه کیتش ایسه ده موفق اوله مامشدره. (۱۰۳۵) بوندن صکره ایرانلیلر آخسخته قلعه سنی محاصره یه وقارص طرفلرینه تجاوزه باشلا دقلرندن مقام صدارته کلن خلیل پاشا دفع صوت اعدایه مأمور قلمش ایسه ده آباره پاشا عصیانندن طولایی موفق اوله مندی، آخسخته ید استیلا ی دشمنه کجدی. نهایت بوسسنه لی مشهور خسرو پاشا صدر اعظم اولوب ایران اوزرینه یوریمش، مهربان نلمه سی جوارنده ایرانلونک بیوک برادر دوسی پریشان ایدلمسی اوزرینه صدر مشارالیه بلا مزاحم ممالک ایرانیه داخل اولوب همدان، درگزین و نهاوند حوالیسنی یغما و شاه ایرانک ممالک عثمانیه ده وجوده کتیردیکی تخریباتک مقابلنی اجزا ایلشدره. مشارالیه اصفهانه هجومه حاضر لانیلر ایکن بغدادی تخلیصه مأمور ایدلمشدره. لکن تدارکات ایله اوغراشیر ایکن عزل ایدلمشدره.

آذربایجان سفری — فتح روان — ۱۰۴۴ سنه سنده سلطان مراد رابع حضرت تلیزینی بالذات ایران سفرینه کیدرک قلعه روان، حوی و تبریز حوالیسی سرتاپا نهب و تخریب ایدلمشدره. اردوی هایون حدود ایرانده



قیس‌الایوب کله‌جک ایلاک بهارده اصفه‌ساره هجوم ایدلمسی تصور ایدیلیر انکن اردوی هایونک غلبه‌لکی و پادشاه حضرتلرینک خسته‌لکی استانبوله عودتی مجبوریت حاله کتیرمشدر .

۱۰۴۸

عراق سفر هایونی — پادشاه حضرتلری بغدادی تخلص ایلاک عزیمله تکرار اردوی هایون ایله استانبولدن حرکت ایدرک یوز طقسان یدنجی کون بغداد پیشگاهنه بالمواصله قرق کون محاصره‌یه اهتمام اولنمش، نهایت محافظ قلعه بکتاش خان قلعه‌ینی تسلیم ایلش، متعاقباً صدر اعظم کاتکش مصطفی پاشا شاه ایران ایله عقد مصالحه ایلشدر .

عهد سلطان ابراهیم خان

۱۰۵۵

کرید محاربه‌یی مقدماتی .

عهد سلطان محمد خان رابع

۱۰۶۱

قیودان دریا صاری کنعان پاشا قومانداسیله آق دکره چیقاریلان دونمائی هایون قلعه سلطانیه بوغازی خارجنده وندیك کیلیله حربه طوتوشه‌رق کلیاً مغلوب و سغائن عثمانیهدن اللی قدری غرق و نابدید اولمشدر .

۱۰۶۷ — ۱۰۶۸

کوپریلی محمد پاشا سردارلقیله اردو و دونمائی هایون قلعه سلطانیه بوغازینه سوق اولشهرق و قوعبولان دونمائی غوغاسنده دونمائی هایون تماماً موفق اولمش ایسه‌ده آقشاملین عثمانلی طایبه‌لری اوکندن کچمکده بولنان وندیك آمیرال کیندی طوبجی قره محمد طرفندن آتیلان کله ایله باتیرلش، متعاقباً بوزجه آطه‌یه عسکر سوقیله وندیکیلیز اورادن مجبور فرار ایدلمش، نهایت لنی‌ده استرداد قلنه‌رق قلعه سلطانیه بوغازی محاصره‌دن قورتارلمشدر .

۱۰۶۸


اردل سفری — ایکی یوز بیک تاتار وقزاق سوارسیله اردل اوزرینه کوندرلمش اولان فضل پاشا موفق اوله مدیقندن کوپرلی محمد پاشا بالذات سردارلغی درعهده ایدوب عساگر بی نهیاه ایله اردله کیرمش، یانوه قلعه سیله ویسانبورغ شهری ضبط و تسخیر اولنه رق دولت علیه نك مرضیسی وجه ایله اردل امورینه نظام ویرلمشدر.

۱۰۷۳

آوستریا سفری — بیوک کوپرلی محمد پاشادن صکره صدر وزارتیه کچن محدودی فاضل احمد پاشا یوز یکرمی بیک کشیدن مرکب اردوی هایون ایله نیجه اوزرینه یوریوب یوز بیک تاتار ویکرمی بیک قزاق سوارسی ده برابر اولدیغی حالده فی ۲۵ صفر ۱۰۷۴ تاریخنده او یوار قلعه سی ضبط ایلشدر. آوستریالیلر مشهور جنرال مونته قوقوللی یی اردوی هایونه متبالبه یه مأمور ایتلمشده مونی الیه صدراعظمک استرغون جوارنده طونه اوزرینه کوپری قوروب اردوی هایونی قارشی طرفه کچیرمسنه مانع اوله مامش، مجبور رجعت اولمشدر.

بونک اوزرینه عساگر عثمانیه اطرافده بولنان نوویغراد و ساژپالانته لری ضبط وسیلیزیا و موراویا ایالاتی یغما و تخریب ایتمش، سکسان بیکی متجاوز اسیر ایشدر.

صدراعظم قیش موسمی حولنده بلغراد مشتاسنه چکادیکی صرهده آوستریالیلر تکرار قنیژه قلعه سی اوزرینه هجوم ایلدکلرندن صدراعظم قیش اورته سنده مشتادن حرکتله آوستریالیلری مجبور فرار ایش، زه رینوار حصارینی ضبط و تخریب ایلشدر. بونک اوزرینه آوستریالیلر صلحه طالب اولمش، مصالحه سندلری بالتظیم لاجل التصدیق درسه اده و ویانه یه کوندرلمش اولدیغی حالده علی الاصول متارکه ایلدیکندن صدراعظم فاضل احمد پاشا یانیق قلعه یه طوغزی ایلریلکه و رآب چاینک قارشی یقه سنه کچمک ایستدیگی حالده آوستریا جنرالی مونته قوقوللی مانع مرور اولق املیه چایک صول ساحاتی تعقیب ایتمکه باشلامشدر. ۸ محرم ۱۰۷۵ تاریخنده صدراعظم



جنتمکان سلطان سلیمان خان قانونی حضرتلری

سن غوتار قریہ سی جوارنده هرچه باد آباد چایی پکمهک تشبث ایلیه رک حتی قارشى ساحله اون بیک قدر عسکر پکیرمکده موفق اولمش ایسه ده نهرک فیضانندن طولایی پکن عسکره امداد ایدیله مدیکندن مونته قوقوالی بونلری مغلوب ایلمشدره . بو مغلوبیت اوزرینه اردوی هایون واسوار قریه سنه عودت ایدرک اوراده مصالحه نامه نیک امر مبادلہ سی اجرا قلمشدره . (۱۰۷۵)

۱۰۸۰

قندیه محاربه و محاصره سی — ۱۰۵۵ تاریخندن بری کریدده جریان ایدن وقایع حربیه فاضل احمد پاشانک بالذات جزیره مذکورہ یه عزیمت ایتمی

وقنديه بي محاصره وضبط ايتسيه نتیجه لشمدر. ١٠٧٧ سنه سي رمضانك ايكنجی كونی كريد صولرينه كلش اولان مصر دونمسی ونديكيلر آراسنده وقوعبولان حرب عظيمده مصر دونمسی منهزم وتارمار وسر قبودانی رمضان بك كيمسيله برابر دشمن انه كرفتار اولمش ايسه ده ايكي آی صكره قبودان دريا قابلان مصطفي پاشا معيتيله دونمسی هايونك ورودی دشمن سفينه لرینی مجبور فرار ايتش، درحال قنديه محاصره سنه ابتدار اولنمشدر. بو محاصره ده عثمانيلرله ونديكيلر طرفدن كوستريلن آثار مردانكي حقیقه حیرت بخش عقولدره. فرانسه دن، دالماچيان ونديكيلره پك چوق امداد كلش اولغله برابر اردوی هايون قلعه بي صوك درجه تضيق ومتمادياً آتيلان لغم لر وكله لر ايله حصاری تخریب ايدوب ونديكيلری ناچار براقش اولدق لرندن نهایت قلعه محافظی جنرال موروزینی ١ جادی الاولي ١٠٨٠ تاريخنده قلعه بي تسليمه مجبور اولمشدر. قلعه مذكوره تك اوج دفعه محاصره سننده كرك عثمانی وكرك ونديك طرفدن يوز اتوز بيكه يقين عسکر تلف اولمش، صوك محاصره ده ايسه عثمانيلر طرفدن درت بيكدن زياده لغم آتلمشدر.

١٠٨٣

لهستان سفری — قزاق خطمانلرندن دوروشينقونك دولت عليه دن استعماسی و اوقراين ممالكك اجزای ممالك دولت عليه داخل اولسی اوزريه لهيلر تقض عهد ايله بنه مكم ايتسدك لری مملكت مذكوره به تجاوز ايلدك لرندن ١٠٨٣ اوائلنده لهستانه سفر ايديلوب اردوی هايون ايساچيدن طونه بي كچه رك خوتين طريقيه لهستانه داخل اولوب قامنيجه قلعه سنی ضبط ايتش، عساكر عثمانيه بودوليا ايلته داخل اولوب لمبرغ، لوبله ن بلده لری وجوارلرنده كي پالاتقه لر كاملاً يد ضبطه كچيرلمش وبونك اوزرينه لهيلر طالب صلح اولوب بوجاش معاهده سنی عقد اولنمشدر. لكن بو صره ده لهستان قرالی وفات ايدرك يرينه ژان صوبيسكي كچمش ومومی اليهك تشويقيله لهيلر بوجاش معاهده سنی رد ايتش اولديغندن تكرر باشلايان محاربه ١٠٨٧ تاريخنه قدر دوام ايله خوتين، قامنيجه حواليسي وساثرله ممالكي يغما وتخریب ايداش اولديغندن نهایت بوجاش معاهده سنی تجديد قلمشدر.

١٠٨٩

چهرين سفری — دولت عليه ايله لهستان آراسنده محاربه فلهورينه

باعث اولان دوروشینقو بوجاش معاهده سنک عقدندن صکره روسیه لی یه دخالتله جهرین قلمه سنی حکومت مذکوریه ترک ایلش و قلمه مذکوریه یی استرداد کوندرین قریم خانی ایله سردار شیطان ابراهیم پاشا موفق اوله مامش اولدیغندن سلطان محمد رابع حضرتلری اردوی هایون ایله بالذات سفره چیقهرق کندیلری سلاسترده بالتوقف سردارلق ایله صدراعظم قره مصطفی مصطفی پاشایی جهرین اوزرینه کوندرمشلردر. ۱۰۹۰ قلمه مذکوریه ضبط و تخریب ایدلی.

۱۰۹۳ — ۱۱۱۰

آوستریا سفر طویلی — ویانه محاصره سی — مجار امراسندن اولوب دولت علیه دن استحما ایلش اولان امره توکلی بک آوستریالیلرله حرب ایدیوردی. مومی الیه طرف سلطنت سنیه دن اورته مجار قرالغی ویریلرک نتیجه یه اعلان حرب ایدلی.

صدراعظم مرزیفونی قره مصطفی پاشا لوای شریفی مستصحباً بلغراددن طونه یی یکمش و طوغری ویانه اوزرینه یوریمشدر. اردوی هایون راب چانی کمال سرعتله مرور ایدرک ویانه جوارینه یا قلاشدیغندن امپراطور برنجی لئوپولد سرائی قادینلریله برابر شهردن چیقوب فرار ایتمک آتجق وقت بوله یلمشدر. ۱۰۹۴ سنه یی رجینک اون طقوزنجی کونی ویانه محاصره سنه مباشرت ایدلش، محاصره آلتمش کون ممتد اولمشدر. عساکر عثمانیه طرف طرف لغملر آچه رق کاهلر آتهرق قلمه دیوارلرنده کنیش کدیگر آچمش، اون سکز متفرق هجوم اجرا ایلشدر. شهرک ضبطی قوه قریبه یه کلش ایکن ۱۰۹۴ رمضانک یکر منجی کونی له قرالی زان صویسکی قومانده سیله کلن خرسنیان اردوسی علی القفله اردوی هایونی باصهرق پریشان ایلدکلرندن صدراعظم لوای شریفی مستصحباً کوچ حال ایله یانق قلمه آلتنه کلوب اوراده فراری عسکری جمع ایتمک تشبث ایدلی و کذرکاهنده کی قرا و قصبائی احراق و تخریب ایده ایده بودینه و آندن بلغراد قدر رجعت ایدلی. بونک اوزرینه دشمن استرغون قلمه سنی ضبط و جکر دن موقعنده خضر پاشا فرقه سنی کلیاً منهزم ایدرک یدی بیک قدر عساکر عثمانیه یی تلف ایلش اولسیله بو ضایعات صدر مشارالیهک اتلافی موجب اولمشدر. تعاقب ایدن مغلوبیتلر اوزرینه وندیك، لهستان، پاپا،

روسیه، طوسقانه و سائر حکومت خرسیتیانیه دولت علیه علیهنه اولق اوزره  
 آوستریالیلرله اتفاق ایلشردر. بناءً علیه لهستان حدودندن تا موریه قدر ممتد  
 اولان یرلرده آتش حرب بالا کیر اولوب ۱۱۰۰ تاریخنه قدر دولت علیه  
 ملکاً ضایعات کلیه یه اوغرامشدر. نهایت جنتمکان سلطان سلیمان ثانی حضرتلری  
 جالس تخت عالی بخت اولوب ادرنه ده عقد اولنان مجلس مذاکره ده کوپرلی زاده  
 فاضل مصطفی پاشایه مهر صدارت تودیع اولمش، آنک همتیه اردوی هایون  
 مکملاً تنظیم اولنه رق تانیسه قدر کیش بولنان آوستریالیلر مجبور رجعت ایدلکی  
 کبی بر روسیه اردوسی قریمده اورقپو برزخنده مغلوب ایدلمش، اردل  
 قطعه سنه تجاوز اولمش، مورده وندیکیلردن ده بعض یرلر آلمشدر. شهریار  
 مشارالیهک ارتحالی اوزرینه سلطان احمد خان ثانی حضرتلری جالس تخت عثمانی  
 اولدقلری زمان مهر صدارت عهده لرنده ابقا ایدلمش اولدیغندن فاضل مصطفی  
 پاشا صاوا نهرینه کوپری قوروب اردوی هایونی مجارستانه کچیرمشدر.

صلاتقمین محاربه سی — ۲۵ ذی القعدہ ۱۱۰۲ — فاضل مصطفی پاشا  
 آوستریالیلرله صلاتقمین موقعنده محاربه یه طوتوشدینی زمان ترکمن سوارسی  
 پریشان و آناتولی بکر بکی شهید اولوب دشمن مرکز اردوی هایونه طوغری  
 ایلریش اولدیغندن فاضل مصطفی پاشا سپرلی ترک ایدرک یکچیپرلرله دشمن  
 اوزرینه هجوم ایتش ایسه ده بو صرده اورولوب شهید اولمشدر. اردوی  
 هایون رجالی درحال آت اوزرنده اجرای مذاکره ایله قوماندانلق وکالتی  
 قوجه خلیل پاشایه تودیع اولنوب لوای شریفی مستصحباً بلغراد رجعت ایدلمشدر.

### عهد سلطان مصطفی خان ثانی

لیپووه محاصره سی ولوغوس محاربه سی — سلطان احمد ثانی حضرتلری  
 تخت عثمانیسه استخلاف ایدن سلطان مصطفی ثانی حضرتلری بالذات سفره  
 کیتک آرزوسنی اظهار ایدرک اردوی هایون ایله درسعادتن حرکت ایدوب  
 ۱۱۰۷ سنه سی محرمنده پانچووه جهندن طونه یی کچمشلر. طمشوار صحرا سنده  
 لیپووه قلعه سنی بالمحاصره کافه ذخائر و مهماتیه ضبط ایلشردر. لوغوس محاربه سنده  
 آوستریا قوماندانی جنرال وترانی یی هزیمت کلیه یه دوچار ایلشردر. ۱۱۰۷  
 سنه سنده روسیه چاری مشهور بیوک پترو آزاق قلعه سنه وقوعبولان هجومنده  
 اوتوز بیک تلفات و پروب عودته مجبور اولمشدر.

۱۱۰۸

طمشوارسفری — آوستریالیلر ایرتسی سنه تکرار طمشواره قدر تجاوزله اوراسنی محاصره ایتمش اولدقلرندن سلطان مصطفی خان حضرتلری اردوی هایون ایله قلعه نك امدادینه شتاب ایدوب آوستریالیلری یکیدن مغلوب وقلعه یی تخلیص ایلمشدر. لکن روسیه چاری پترو بوسنه ده قوه کایه ایله آزاق اوزرینه هجوم ایلمش اولدیغندن آوستریا سفری مناسبیله اوجهته لایقیله امداد اولنه میوب قلعه روسیه لینک انه کچمشدر .

زه نتا محاربه سی — ۲۳ صفر ۱۱۰۹ — اردوی هایون طونه دن پانچووه جهتنه مرور ایدوب تیسه نهری بویجه یولده دوام ایله نهایت (زه نتا) موقعنده قارشی یقه یه کچمک تشبثنده بولمشدر . نیجه قوماندانی پرنس اوژن عساکر عثمانیه تماماً قارشی یقه یه کچمه دن اول باصقین ایدرک بوضرده کوپری دخی یقلمش اولدیغندن قارشی یقه یه کچن عسکر کندیلرینه قات قات فائق اولان دشمن ایله اوغراشه اوغراشه تلف اولمش ، بوضرده صدر اعظم الماس محمد پاشا ، اناطولی والیسی مصرلی زاده ابراهیم پاشا ، طمشوار محافظ مشهوری جعفر پاشا ، آطنه والیسی فضل پاشا ، یکپیری اغاسی بالطه زاده محمود پاشا ، اون قدر بکار بکی ، اون بش بیکی متجاوز عساکر عثمانیه شهید اولمشدر . آوستریالیلره اون آلتی سنه دوام ایدن بو محاربات ۱۱۱۰ تاریخنده قارلوفجه معاهده سیله نتیجه لشمشدر .

عهد سلطان احمد خان ثالث

۱۱۲۳

پروت مظفریتی — روسیه ایمپراطوری بیوک پترو ایله اسوج قرالی اون ایکنجی شارل آره سنده وقوع اولان محارباتک صوکنجیسی اولان (پولتاوا) محاربه سنی متعاقب روس سواریلری اون ایکنجی شارلی تعقیب ایدر ایکن حدود عثمانیه یی تجاوز ایتمک کبی نقض عهدی متضمن بر معاهده بولنش ودیکر جهتن روسیه چاری بالعموم قزاقلری تحت حکم ونفوذینه آلمق ولهستانه تجاوز ایتمک ، حدود عثمانیه ده قلعه لر وجوده کتیرمک کبی تشبثانده بولدیغندن ۱۱۱۳ سنه سی روسیه یه اعلان حرب اولنوب صدر اعظم بالطه جی محمد پاشا یوز بیکی متجاوز عسکر ایله طونه یی بالمرور بغداد طریقله پروت نه رینه قدر

ایلریش، اوراده فالجی قریه سی قریبده بر مکمل مانوره اجرا ایدوب بیوک پترونی قرق بیگ کشیک اردوسیه حصر وتضیق ایشدر . پترو دولت علیه نك رضینسه موافق بر معاهده یه وضع امضا ایتکه مجبور اولدق دن وآزاق قلمه سیله مواقع ساثره نی دولت علیه یه ترك ایتدیردکن صکره دوشدیکی کریوه دن قورتیه بیلشدر .

۱۱۲۷

وندیک محاربه سی — بو محاربه ده موره قطه سی وندیکیلرک یداستیلاسن دن قورتارلمش ، قارلوفجه معاهده سیله حاصل اولان ضایعات ملکیه قسماً استرداد اولمشدر .

۱۱۲۸

نیجه محاربه سی — بو محاربه آوستریالیلرک وندیکیلر لهنده توسط ایتلرندن نشأت ایشدر . صدر اعظم شهید علی پاشا موره سرعسکری قره مصطفی پاشا ایله قبودان پاشایی قورفو محاصره سنه اعزام ایتدکن صکره کندیس اردوی هاونی مستحجماً بلغراددن مجارستانه عبور ایدوب وارادین قریبده آوستریا عسکریه بر محاربه عظیمه یه کیریشمشدر . بو محاربه ده آناطولی بکار بکی ترك احمد پاشا شهید وعساکر عثمانیه منهزم اولوب صدر مشارالیه ده بالذات دشمن اوزرینه یوریر ایکن آلنندن قورشون ایله اورلمشدر . بوهزیمت ۱۱۲۹ سنه سنده طمشوار وبلغرادک دشمن انه کچمسنی انتاج ایشدر . ۱۱۳۰ تاریخنده عقد اولنان پساروفجه معاهده سی محاربه یه ختام ویرمشدر .

عهد سلطان محمود خان اول

۱۱۴۳

ایران سفری — بوسفر ۱۱۴۸ سنه سنه قدر دوام ایدوب ابتدالزنده دولت علیه تبریزی وسائر ممالک ایرانیه نی قبضه تسخیره کچیرمش ایسه ده نهایت ایران شاهی ضایعاتک جمله سنی استرداد موافق اولمش واک صکره دولت علیه ایله عقد مصالحه ایشدر .

۱۱۴۸

روسیه سفری — لهستان قرالنک اتخاباتندن وایران اوزرینه قریمدن



سوق اولته جق عساکرک مرورینه ممانت ایقاعندن طولایی حکومت سنیہ روسیہ یه اعلان حربہ مجبور اولمشدر . بومحاربه نك مقدماتنده آزاق وقیلبرون قلعه لری دشمن انه دوشوب قریم شبه جزیره سی ده دشمنك تخریباتنه دوچار اولمشدر . آوستریالی محاربه نك ابتدا سنده دولت علیه ایله روسیہ آره سنی بولق اوزره توسط ایده جك کبی کورینیر ایکن صکره دن تبدیل طور ومسلک ایدوب اوده دولت علیه یه اعلان حرب ایلدیکندن دشمن بر ایکن ایکی اولمشدر .

آوستریالیلر اك زیاده بوسنه طرفنه هجوم ایتمشلر ایکن بوسنه والیسی صدر اسبق حکیم اوغلی علی پاشا بتون بوسنه دلاورلرینی نفیر تام صورتیله سلاح آلتنه دعوت ایدوب دشمن عساکرینی طرف طرف مغلوب ایلشلردره . روم ایلی والیسی کوپرلی فاضل مصطفی پاشا زاده حافظ پاشا دخی نیش وشهر کوی جهترینه تجاوز ایدن آوستریالیلر مغلوب ایلشلردر .

اوچنجی برنجیه اردوسی ویدینه تجاوز ایتمشیکن ویدین سرعسکری عوض محمد پاشا دشمنی تشکیل ایلدکن بشقه کندییی عسکریله طونه نك قارشی یقه سنه . مرور ایدرک بتون مهادیه حوالیسنی و بانات اقلیمینی یغما ایله بی نهایت غنائم اخذ ایلش ، صدر اعظم یکن محمد پاشاده اورسوه ، فتح الاسلام ، آطه قلعه سنی ، سمندره بی برر برر قبضه . تسخیره کچیرمشدر .

عساکر عثمانیه بالاخره روسیه جهته ده دخی دشمنی تشکیله موفق اولدقلرندن نهایت ۱۱۵۲ سنه سنده بلغراد معاهده سیله حربه نهایت ویرلمشدر .

۱۱۵۶ — ۱۱۵۹

ایران محاربه سی — نادر شاه ایله وقوعه بولان بومحاربه ده عساکر عثمانیه اول طرف طرف غالب کلمش ایکن صکره وان جوارنده سرعسکر یکن محمد پاشانك خسته لئسی اوزرینه اردوی هایونك قومانداسز قلمسی نتیجه سی اوله رق برهزیمت کورلمش فقط ینه ایرانلیلر برشی استفاده ایده میوب سلطان مراد رابع مصالحه سی شرائطیله عقد صلح ایدلمشدر .

عهد سلطان مصطفی خان ثالث

۱۱۸۲

روسیه سفری — روسیه ایمپراطور پیچہ سی ایکنهی قاترینانك لهستان ایشلرینه بالمداخله کندی عاشق وبنده سی پونیا تووسکی بی لهستان قرالی نصب

ایتدیرمسی و له وطنپروراننک دولت علیه دن استخما ایتلری اوزرینه اوروپا موازنه سیاسیه سنی محافظه دولت علیه روسیه یه اعلان حرب ایتشدرد . محاربه نك ابتدالرنده روسیه لیلر خوتینی استیلا و چشمه محاربه سننده دونمای هایونی احراق ایلشلسه ده جزایرلی حسن پاشا آق دکر بوغازینی و جزایر عثمانیه یی تعرض اعدادن محافظه یه موفق اوله رق «غازی» عنوانی احراز ایتشدرد . فقط روسیه لیلر «قارتال» محاربه سننده عساکر عثمانیه یی مغلوب ایدرک طونه یی کچدکن صکره بابا طماغی اردوکاهنی شبخون ایلدکلی کبی قریمده هجوم کوسترمشله ، بالاخره اوراسنی ید استیلا یه کچیرمشلورد . برآراق حرب نتیجه ویرمک و شرائط مصالحه یی قرارلشدیرمق اوزره بکیرشده برقونفرانس عقد ایدلمش ایسه ده مذاکرات نتیجه حسنیه اقتران ایده مدیکندن محاربه تکرار باشلامشدر .

### عهد سلطان حمید خان اول

۱۸۸۷ سنه سننده سلطان مصطفای ثالث حضرتلری ارتحال ایدوب سلطان حمید خان اول حضرتلری زینت بخش تخت عثمانی اولدقلری زمان روسیه محاربه سی کمال شدتله دوام ایدیوردی . دشمن قوماندانی جنرال رومانزوف قوزلیجه موقعنده عساکر عثمانیه یی پریشان ایدوب مرکز اردوی هایون اولان شمینی اوکنه کلش و وارنه طریق اوزرنده کی مواقعی ضبط ایتمش اولمسيله مصالحه یه قرار ویرلمش و ۱۸۸۸ سنه سننده قینارجی معاهده سی عقد اولنمشدره

۱۲۰۱

روسیه و آوستریا سفری — قریم اختلافاتندن طولایی صدر اعظم قوجه یوسف پاشا روسیه یه اعلان حرب قرار ویرمش ایسه ده اردوی هایون استانبولدن حرکت ایده جکی کون آوستریا سفیری ده باب حالی یه برتقریر ارسالیله دولتتک روسیه ایله متفقاً حرب کیرینه جکی بیان ایلدیکندن مسئله کسب اهمیت ایتشدرد . صدر اعظم قوجه یوسف پاشا آوستریا جهتنده غالب اولوب پانچوه بانات اراضیسنی استیلا ایتمش ایسه ده ۱۲۰۷ سنه سننده اوزی قلهه سی روسیه نك ید استیلاسنه دوشمشدر .

### عهد سلطان سلیم خان ثالث

۱۲۰۲ سنه سننده سلطان عبدالحمید خان اول حضرتلرینک وقوع ارتحال



### اکری فاتحی جنتمکان سلطان محمد خان ثالث حضرتلری

اوزرینه جالس تحت عثمانی اولان سلطان سلیم ثالث حضرتلری کنج و غیور اولدقلرندن جلوسلری هرکسه امید موفقیت کتیردی . بجزراً و برآ تدارکات حربیه به دوام اولندی. لکن ۱۲۰۴ سنه سنده بوتره موقعنده عساکر عثمانیه روسلره مغلوب اولوب ۱۲۰۵ سنه سنده اجماعیل قلعه سی ده یداعده ایله دوشمشه و آناپه قامه سنک ده روسیه لو طرفندن ضبعلی خبر آلمش اولدقندن دوام حربده بر فائده کوریه می جکی اکلاشیلوب نهایت ۱۲۰۶ سنه سی جاذی الاولاسنک اون بشنجی کونی عقد اولنان یاش معاهده سیله محاربه به نهایت ویراشدره .

۱۲۱۶

مصرسفری — فرانسزلر ۱۲۱۳ سنه سنده مصری استیلا ایلشرایدی.  
 ۱۲۱۴ سنه سنده صدر اعظم قوجه یوسف پاشا براردو ایله مصرک استردادینه  
 مأمور اولوب اولاً موفقی اوله مامش ایسه ده صکره دن انکایزلرک بحراً وقوع  
 بولان معاونتلی وعساکر عثمانیه ودونمای هایونک ده موفقیتلی اوزرینه  
 ۱۲۱۶ سنه سنده فرانسزلر خطه مصریه بی ترکه مجبور اولمشلردر . بومصر  
 سفرنده جزار پاشانک عکا قلمه سنده بوناپارت ایله ایتدیکی محاربه مشهوردر .

۱۲۲۱

روسیه سفری — روسیه دولت علیه نک بوناپارت ایله متفق اوله رق  
 کندی اوزرینه هجوم ایتسنه میدان ویرمه مک اوزره علی الغفله خوتین و بندر قلعه لرینی  
 استیلا ایتش و افلاق و بغداد و ویووده لرینی حمایه ایتک ایستیمی اوزرینه طرف سلطنت  
 سنیه دن روسیه یه اعلان حرب اولمشدر . انکاتره دولت علیه نک فرانسه اتقاقندن  
 فارغ اولسی شرطیله خوتین و بندر قلعه لرینک روسیه دن استردادینی تعهد  
 ایلش ایسه ده دولت علیه بوکا حواله سمع اعتبار ایتدیکندن ۱۲۲۱ سنه سی  
 شباط آتی ظرفنده انکاتره دونمایی قلعه سلطانیه بوغازندن بالورور استانبول  
 اوکنه کلش ، ایقاع تهید ایلش ایسه ده مجبور رجعت ایدلش ، صدر اعظم  
 ابراهیم حلمی پاشا اردوی هایون ایله طونه بوینده روسیه نک مقابله سنه کتمشدر .  
 بوندن صکره سلطان مصطفای رابع حضرتلرینک جلوسی وقوع بولوب  
 محاربه بوزوق دوزن دوام ایتش ، اردوی هایونده یکچیری اغاسنک عزاندن  
 طولایی قاریش قلمقلر ظهور ایلش ونهایت سلطان محمود خان ثانی حضرتلرینک  
 جلوسلری اوزرینه بقیه حرب جنتمکان مشارالیه حضرتلرینک عهد هایونلرینه  
 انتقال ایلشدر .

عهد سلطان محمود خان ثانی

روسیه لیلر طونه نک بری یقه سنه کچوب بعض یرلری استیلا ایلشله سه ده  
 سلستره جوارنده مغلوب اولدقلرندن نهایت قارشلی ساحله رجعت مجبور اولمشلردر .  
 فقط اسماعیل و ابرائیل قلعه لرینه امداد اولنه مدیغندن بوایکی قلمه ید اعدایه  
 دوچار اولمشدر .

ایرتسی سنه ایلك بهارده روسیه لیلر تکرار قوه کایه ایله طونه بی چکه رک عساکر عثمانیه بی طرف طرف مغلوب ایلدکن صکره سلستره وروسه حق قلعه لرینی ضبط ایتمش و نیکیبولی اوزرندن بالقانلره طوغری بر فرقه عسکر کوندرمشلردر . صکره دن روسه حق تخلیص ایدیله بیلش و بو صره ده بونا پارت روسیه لیلره اعلان حرب ایلش اولسایله دوام حرب دولتجه جبر مافاته وسیله تشکیل ایده بیلیرسه ده ناپولیونک دولت علیه حقنده کوستردیکی و فاسزلفه مقابله بودفعه ده دولت علیه محاربه ده دوام ایتمیوب بکرشده روسیه ایله عقد مصالحه ایلشدر . (۱۲۲۷)

۱۲۴۳

ناوارین — محاربه بحریه — یونان قترتی اثناسنده فرانسه انکتره و روسیه دولتری دفع اغتشاش ایچون دولت علیه تکلیف ایتمکاری موادی قبول ایتمیره مدکارندن برنمایش اولق اوزره موزه سواحلنه برر فیلو دونما کوندرمشلردی . بودونمار ۱۲۴۳ سنه سی ربیع الاخرنده دونمای هایونک بولندی بی ناوارین لیمائی آغزینه کلرک کویا بریا کشلقدن طولایی دونمای هایون اوزرینه آتش ایتمکه باشلامشلردر . بو حالده دونمای هایونده مقابله به مجبور اولوب اوچ بچق ساعت دوام ایدن شدتلی بر محاربه نتیجه سننده الی قطعه سفن حربیه عثمانیه دن اوئی غرقه اوتوز آلتیسی محترق اولوب متباقیسی ده باشدن قره ایتمکه مجبور اولش ، یالکز یا طرونه چنکل اوغلی طاهر بکک سوار اولدی بی سفینه قورتیله بیلشدر .

۱۲۴۳

روسیه سفری — ناوارین محاربه سننده دونمای هایونک پریشانلی اوزرینه دول ثلکه مورده قترتیه دائر اولان تکلیفلرینی تشدید ایلیوب حکومت سنیه ایسه بونلره موافقت کوسترمدیکندن ۱۲۴۳ سنه سی شوالنده روسیه عسکری پروت نهرینی مرور ایدرک دولت علیه اعلان حرب ایلشدر .  
بو محاربه ۱۲۴۵ سنه سنه قدر دوام ایدرک روسیه لیلر هر طرفده غالب کلدکارندن و بر مقدار عسکرلری ادرنه به قدر کاه بیلدیکندن نهایت سنه مند کوره ربیع الاولی اواسطنده ادرنه معاهده سیله حربیه نتیجه ویرلدی .

۱۲۶۹

روسیه سفری، قریم محاربه سی — دور جنتمکان عبدالمجید خان زایده دولت  
 علیه ک مادی و معنوی استحصالی ترقیاتی ضمننده مصروف اولان مساعینک ثمره دار  
 اولدینی چکه مین خصم ای خارجیه نیک تحریکیله اولا قره طاغ محاربه سی ظهور  
 ایدرک دولت علیه بی ایجه اوغراشدیردقدن صکره نهایت روسیه دولتی  
 قدسده کی مقامات مبارکه حقنده بعض تکالیف درمیان ایتمش و بوتکالیفک  
 نبولنی متضمن اوله رق بر معاهده نامه یه وضع امضا ایلمسنی دولت علیه دن طلب  
 ایلمش ایسه ده بویله بر معاهده یه وضع امضا ایلمسنی حقوق و استقلال سلطنت  
 سنیه یه موافق کوریه مدیکندن روسیه نیک تکلیفی رد ایلمش و روسیه ایله  
 دولت علیه آراسنده کی اختلافک چاره تسویه سنی بولاق اوزره ویانه ده منمقد  
 و نفرانسک پروتوقولی ده دولت علیه جه شایان قبول کوریه و ممش اولدیفندن  
 برحالبوکه بو قونفرانسک انعقادندن اول روسیه عسکری پروتو نهرینی بالمرور  
 مملکتینی اشغاله تصدی ایلدیکندن بو حرکت نقض عهد اولق اوزره بالتلیقی  
 روسیه عسکرینک اون بش کون ظرفنده مملکتیندن چکامسی و چکامدیکی تقدیرده  
 حرکات حربیه یه ابتدار ایدیله جکی حقنده سردار اکرم هم پاشا طرفندن  
 روسیه قوماندانه بر تحریرات کوندرلشدر . بو سفزده وقوعه بولان محاربات  
 مشهوره شونلردر :

اولتا نیچه محاربه سی (۳ صفر ۱۲۷۰)، چتانه محاربه سی (فی ۵ ربیع الاول  
 ۱۲۷۰)، موقف اوغلی آطه سی محاربه سی، قره لاش محاربه سی، زشتوی  
 محاربه سی، نیکبولی محاربه سی، ماچین محاربه سی، ایساجلی محاربه سی، قلعات  
 محاربه سی (اشبو محارباتک جمله سنده عساکر عثمانیه غالب کلشدر .)

سلاستره محاصره سی — روسلر سلاستره قلعه سنی ضبط ایچون سکسان بیک  
 قدر عسکر سوق ایتمشدری . محافظ قلعه سلا نیکی موسی پاشا سکز اون  
 بیک نفر عسکرله دشمنه دلیرانه مقاومت ایدرک هر هجومی پوسکورتکه موفق  
 اولمشدر . کرچه محاصره اتناسنده محافظ مشارالیه شهید اولمش ایسه ده روسلرده  
 فنا حالده هزیمته اوغرامش اولدقلرندن نهایت فی ۲۱ رمضان ۱۲۷۰ تاریخنده  
 سلاستره محاصره سی ترکله طونه نیک اوتکی جهته چکامکه مجبور اولمشدر .

سینوب محاربه بخریه سی — فی ۲۷ صفر ۱۲۷۰ — روم ایلی

و آن طولی سواحلی محافظه ایچون بدایت حربده قره دکزه چیقان و بش  
قالیون ایله برر واپورن عبارت اولان دونمای هایون فورتنه مناسبیله سینوب  
لیمانه التجا ایلش اولدیغی صرمدده روسیه دونماسی بغتة لیمان مذکور آغزینیه  
کله رک محاربه یه باشلامش ، کندیسسی ایجه خسار دیده اولمش ایسه ده دونمای  
هایوندرده اوز ایکی سفینه غرق و محترق اولوب یالکز طائف واپوری  
قورتیله بیلشدر .

۱۲۷۱

سواستوپول محارباتی — روسیه نك عثمانلی دونماسی سینوبده پریشان  
ایتمش اولسی فرانسه وانکاتره دولترینی سلطنت سنیه ایله تجاویزی و تدافعی  
برمماهدده اتفاقیه عقدینه سوق ایلدیکندن (فی ۲ جمادی الاخره ۱۲۷۰) ایکی  
دولتک دونما و عسکرلی در سعادت کلمش ایدی . دول متفقده دونماسی قره  
دکزه چیقهرق رجب اواسطنده اوده سادده کی حرب لیمانی طوبه طوته رق  
استحکاماتی و کبای تخریب و احراق ایلشدر .

بو آرا عساکر عثمانیه روسلری مملکتینده مغلوب ایدرک بکرشی  
اشغال ایلدکلرندن و آوستریا ایله سلطنت سنیه آراسنده منعقد مقاوله نامه  
موجبه روسیه ایله عقد مصالحه ایدیلنجیه قدر آوستریا لیلر مملکتک اشغالی  
تعهد ایلدکلرندن روسلر بتون بتون مملکتیندن چکامشدر . بو حالدده دول  
متفقده قریمه هجوم ایتمک قرار ویره رک وارنه و بالیقندن بشیوزی متجاوز  
حرب و نقلیه و مهمات سفائیلله قریمه متوجها حرکت ایتمش و قریمک سواحل  
غریبه سنه یاناشوب کوزلوه بی اشغال ایلشدر . قریم جزیره سنده سیواستوپول  
لیمانی مهم وضایت مستحکم بریر اولدیغندن دول متفقده قوماندانلری اوراسنک  
ضبطنی اخص آمال اتخاذا ایلشدر .

المالو محاربه سی — (۲۷ ذی الحجه ۱۲۷۰) بو محاربه ده پرنس منچیفوف  
قوماندده سنده بولنان الی بیگ روس عسکرلی عساکر متفقده طرفندن هزیمت  
مده شهیه دوچار ایدلشدر .

بالقوله محاربه سی — ۳۱ صفر ۱۲۷۱) قریمده بالقوله موقعنک محافظه سی  
رستم پاشایه احاله ایدلش اولدیغی حالدده پرنس منچیفوف عساکر کلیه ایله  
اورایه بالمجوم اردوگاه عثمانی بی باصمش ایسه ده دول متفقده عساکری امداده  
یتشه رک لشکر اعدایی هزیمت کلیه یه دوچار ایلشدر .

ایتکرمان محاربه سی — ( فی ۵ کانون اول ) سیواستوپولی محاصره  
ایتمکده اولان عساکر متفقہ بی آرقہ دن اورمق اوزره روسلر جنرال غورچا  
قوف قومانداسیله هجوم کوستردکاری کبی سیواستوپولده محصور بولنان عساکر  
دخی دیشاری به هجوم ایلشدر وانکایزلی ایلک هجومده مغلوب ایتشلسده  
عساکر عثمانیه ایله فرانسز عسکری درحال امداده یتشهرک زوسلری پریشان  
ایلشدردر .

کوزلوه محاربه سی — ( فی ۲۹ جادی الاولی ۱۲۷ ) سردار اکرم صهر  
پاشا کوزلوه موقعنده عساکر عثمانیه بی تنظیم و ترتیب ایله مشغول بولنمقده  
اولدنی صرهدده روسلر قوه کلیه هجوم کوسترمشلسده کوردکاری مقابله  
شدیده اوزرینه مجبور رجعت اولشدردر . بومحاربهده عساکر عثمانیه اودرجه  
مأثر دلیرانه کوسترمشدرکه فرانسز اردوسی باش قوماندانی جنرال قاتروبر  
بومأثری بیاننامه مخصوص ایله اردوسنه اعلان ایلشدر .

تراقتیر محاربه سی — ( فی ۱۶ آغستوس ) درتیوزی متجاوز محاصره  
طویله سیواستوپولی تضییق ایلکده بولنان عساکر متفقہ اوزرینه چرنابه  
درهسندن آلتش بیک قدر روس عسکری تکرار هجوم ایلش ایسهده تلفات  
کلیه ویره رک مجبور رجعت اولشدردر .

صوک سیواستوپول محاربه سی — سیواستوپول محاصره سی ۱۸۵۴  
سنه سی تشرین اولنک طقوزنده بدأ ایلدیکی حالده فی ۸ ایلول ۱۸۵۵ سنه  
قدر دوام ایلشدر . یوم مذکورده قلمهیه قارشی بر هجوم همومی ترتیب  
اولندی بوهجومده انکایز عساکری ریدان طایبه سنه وفرانسز عساکری ده  
ملاقوف طایبه سنه هجوم ایتدیلسده انکایز لر مظفر اوله مدیلر . فرانسز لر  
قاتلی بر محاربه دن صکره ملاقوفی ضبط ایتکده . موفق اولدیلر . لکن بوموفیتی  
احراز ایدنجه به قدر یکریمی بش بیک تلفات ویرلشیدی .

مؤخرأ ریدان طایبه سی ده ضبط اولندیغدن روسلر آرتق سیواستوپولده  
طوره میهرق شهرک جنوب طرفی احراق و ترک ایله شمال جهته چکلدیلر .  
بونک اوزرینه محاربه نتیجه لشمدر .

۱۲۷۲

قارص محاربه سی — سنه مذکور محرم و صفر وربیع الاول ایلرنده



روسلر قارص قلعه سی اوزرینه شدتل هجوملر کرسر مشلر سه ده قوماندان و اصف پاشا عساکر دشمنی دفع و تنکیله موفق اوله رق النفات پادشاهی به مظهر اولمشدر .

قریم محاربه سی نهایت فی ۳۰ مارت ۱۸۵۶ وفی ۲۴ رجب ۱۲۷۲ سنه سنده عقد اولمان پارس معاهده سیله ختام بولمشدر .

### ﴿ یوز سنه اولکی عثمانلی سنجاقلری ﴾

« مفصل » سرنامه لی تاریخ حاجزینک برنجی جلدینک حاشیه لری میاننده « توغ و علم » سرلوحه لی بر مقاله مخصوصه واردر که ۲۳۲ نومرولی صحیفه دن بدأ ایله برقاچ صحیفه یی اشغال ایدر . بومقاله ده بر صورت همومیه ده بایراقلر ایله توغلره دائر ایچمه معلومات ویرلشددر . مسلمان و عثمانلی بایراقلرینه بالطبع دها زیاده اهمیت ویریلوب ذات رسالتیناه جناب احمدینک تأسیس بیوردقلری ایلك سنجاچ شریفدن بدأ ایله تنظیمات خیریه اناسننده دولت ابد مدت عثمانیه مزك رایت جلیله سی دخی تنسیقی ایدیلنجیه قدر اک مهم دول اسلامیه نك بایراقلری حقتنده جمع ایدیله بیلن معلومات یازلشددر . شمدی شومقاله یی مطالعه بیوره جق اولانلز اول باول برکره « توغ و علم » حاشیه سنی اوقورلر ایسه اشغال ایده جکمز زمین نظر تبعلری اوکنده دها زیاده توضیح ایدر . مع هذا حاشیه مذکورده دن رایات اسلامیه یه دائر لازم کان بر خلاصه یی بوراده دخی بوجه آتی ایراد ایدلم :


اسلامك ایلك سنجاغی برنجی سنه هجریه ده طرف جلیل رسالتیناهیدن ابومر شده اعطا بیوریلان علم ایضدر . صحابیء مشار الیهی بر سریه یه مأمور بیوردقلری صرده قوماندانلق علامتی اولق اوزره اشبو سنجاچ شریفی احداث بیورمشلرددر . مورخلك روایتده کوره حضرت عایشه رضی الله عنهانك اورتوسندن یاللمشدر . آندن صکره غزوه خیبر اثناسنده سیاه رنگلی بر بیوک لوای شریف دها احداث بیوریلوب « رایت » تسمیه ایدلمشدر . ملوک امویه بیاض سنجاچ کشادی سنت سنیه سنه اتباع ایدوب عباسیلر ایسه مبادیء ظهورلرنده سیاه

سنباق کشادی سنتنی التزام ایتشلردره. انجق براز صکره مأمون خلیفه بریشیل بایراق احداث ایله مشدر. بیاض و سیاه ویشیلدن عبارت بولنان اشبو الویه اسلامییه هپ دوز بیاض دوز سیاه و دوز یشیل اولوب فقط بونلر اوزرینه کربک ایک و کربک صیرمه ایله کلمه توحید و بعض آیات قرآنیه ایشلمکده ایمش. آندن صکره دول اسلامییه تک سنباقلرنده کی الوان تکثیر ایله مشدر. الوان معلومه تک همان گاه سی اسلام بایراقلرنده کورلشدز. حتی بعض بایراقلرده بعض اشیانک صورتلری ترسیم اولمق عادتق دخی ظهور ایتشدر. تیمورک سمرقنده رکز ایندیکی بایراق اوزرنده اژدر و دولت ایرانیه و مؤخرأ دولت سلجوقیه بایراقلری اوزرنده شیروخورشید رسم ایدلیری بوجله دندر. علاءالدین سلجوق طرفندن بانی بنیان سلطنتمز اولان جنتکان حضرت عثمان خان غازی یه طبل ایله برابر کوندریلن علمک دخی بیاض اولدینی مرویدر. ذاتاً سلجوقیلرک بایراقلری دخی شیروخورشید رسمنی حاوی اوله رق بیاض ایمش. حضرت عثمان غازی یه کوندریلن علم اوزرنده بورسملرک بولمیدینی قویا مجزومدر. چونکه شیروخورشید اوزمان آنرجه علامت حکمرانی اولوب یالکز سلجوقیلره مخصوص عد اولنه جفی طیبمیدر. یکچیرینک بایراغی قرمزلی اولوب هاسرکی بعض مورخلر بونک قان رنگی اوله سندن طولایی ترجیح ایلدیکنی بازارلر ایسه ده ایلک عثمانیلر نزدنده طائفة عسکریه ایچون قرمزلی سرپوشک قبول ایلدیکی حقیقده کی فقره تاریخیه تخطر ایدیله ایسه یکچیرینک قرمزلی بی انتخابنده کی حکمت دهها طوغری دوشونیه بیلور. بو طائفة عسکریه تک علویلیکی حسیله بایراقلرینه ذوالفقار رسم ایتش اولدقلری دخی معلومدر. فقط بو بایراق یکچیرینک عمومی بایراغی اولمق لازم کاور. زیرا هر اورتته تک کندیسنه مخصوص اوله رق دخی بایراقلری بونوب بونلرک الوانی متخالف اولدینی کی اوزرلرنده چفته بالقی و تک و چفته قلیچ کی اورتلره مخصوص علامتلر دخی منقوش ایدیله.

ایشته مسلمان و عثمانلی سنباقلری خقنده « توغ و علم » حاشیه سندن ایده جکمز خلاصه بوندن عبارتدر. رایات عثمانیه اوزرنده کی شکل هلاله کانه : « توغ و علم » حاشیه سنده شکل هلالک دول شرقیه و اسلامییه نزدنده تبولی قدیم اولدینی بیان ایتش ایسه کده مفصلاک نشرندن صکره کذار ایتش اولان اون اون بش سنه تک تبهات شمعی بوسوزمده ثبات و اصرار جسارتی آزالتمده در. قبح قسطنطینیهدن مقدم دول سائره اسلامییه ده شکل هلالک



جنتمکان سلطان عثمان خان ثانی حضرتلی

موجودیتی آنلره مخصوص اولان مسکوکات اوزرنده کورلمکده ایسه بو حقیقتک  
میدانه قونلسنی نومیزماتلر مزدن [۵] رجا ایدرز . بز ایسه آلمانیا دولت  
فخیمه سنک مجلس امور صمیه ده وکیلی بولنان فاضل دوستمز دو قتور موسیو  
مورتماندن ایتدی کمز تحقیق اوزرینه شو حقیقتی میدان قویق ایسترز که: 

[۵] مسکوکات قدیمه تدقیقاتیه اوغراشانلر .

شکل هلال نام قدیمی « بیزانس » اولان بلده قسطنطینییه مخصوص بر طراز اولوب بونک دولت علیه عثمانیه طرفندن قبولی دخی علامت فتح اولوق صورتیه حضرت فاتح طرفندن امر اولمشدر . دو قنور مورتمان استانبولک بعض آثار قدیمه سی حقیقه کی تحقیقاتی حاوی تألیف ایتمش اولدینی برکتابی اوزرینه بیزانسک قدیم آرمه سنی دخی ترسیم ایله مشدرکه بو آرمه ده شکل هلال کورلمکده در . حتی بر مصاحبه مزده شو نقطه اوزرینه دخی نظر دقتمزی جلب ایله مش ایدی که : دولت علیه عثمانیه نک سنجاقلری بالاخره الوان واشکالی چو خالتمش لر ایدی . آل ویشیل رنک لک مقبول الواندن اولوق اوزره مائی وسائر رنک لک دخی وار ایدی . بورنک لک ایله ملون اولان سنجاقلرک بر طاقنده کلمه مبارکه شهادت و یا خود توحید و بر طاقنده بعض آیات کریمه ایشله نوب دیگر بر طاقنده ایسه شکل هلال سراسیم بولنور ایدی . فقط شکل هلالی حاوی اولان سنجاقلردم الفاظ مبارکه منقوش اولمایوب بو الفاظ مبارکه نک منقوش اولدینی رایتلردم دخی شکل هلال رسم اولمز ایدی . حالا دخی اویله در .

دول اسلامیه نک طراز لری میاننده شکل هلاله مشابه بشقه بر شکل دها وار ایدی که آنی بوراده اخطاری لوازمندن عد ایدرز . اوشکل ایسه « قرنین » یعنی چفته بوینوز شکایدرکه یان یانه قونلش ایکی اوکوز بوینوزندن شو نما صورتنده متشکلدر . تا قدمای مصریه زمانندن بری قرنین علامت حکمرانی عد اولنه کلشدر . قوت وشوکت وزور بازو حکمنده اولوق اوزره کتب توراییه ده دخی در میان اولمشدر . بوشکل سنجاقل کوندر لری بالاسنه طاقلق اسلام نزدنده دخی امتیاد ایدیلوب حتی بو قرنینک آرمه سننده کی بوشلفه بر لفظه جلال و یا خود جمله « ماشاء الله » دخی رسم اولمشدر . شکل مذکور عثمانلیلق مالمجه دخی بالقبول اوتاغلرک ، چادر لک دیرکاری تپه سنه دیکلدیکی کی جوامع شریفه وسائر قبه لری اوزرینه ده وضع اولمشدر . احتمال که شو قرنینک تشکیل ایتدکاری شکاک بر از محرفجه سی بعض مسکوکات قدیمه اوزرنده کوریلوب دول شرقیه و اسلامیه نزدنده شکل هلالک موجودیتی حکمی دخی بونک اوزرینه ویرلمشدر .

« توغ و علم » سرنامه لی حاشیه نری یازدیغمز زمان الده بر قیمتلی ماخذ دها بولندیغی خاطر مزه کلامش که دونمای هایونه چکلمکده اولان سنجاقلر حقیقه دخی بعض معلومات علاوه سیه اومقاله بی اکمال واتمام ایده مامشز . بو قیمتلی

مأخذ مشهور دیده رونك فرانز لر ایچون بوندن یوز سنه مقدم طبع ایتدیرمش اولدیغی آنسیقلو پیدر . قرق درت عدد بیوک جلدلی حاوی بر اثر عظیم که اشکال متنوعه بی حاوی اولان صوک اوچ جلدک برنجیسندنه اوزمان دول موجوده تک کشیده ایتمکده بولندقلری بایراقلردن ایکی یوز اوتوز سکز نوعنک اشکالی بالتسیم الوانی دخی خبرویردیکی سرده اوزایکی نوع عثمانلی سنجاقلرینک اشکال والوانی دخی خبر ویرمکده در .

بولردن برنومروایله اشارت ایله دیکمز شکل سلاطین عظام حضراتنه مخصوص اولوب بیرتاجلی بیجمده دوزیشیل رنکده ایمش . اوزرنده اوچ شکل هلال صرقم کوریلپورکه بولر بیاض قلابدان ایله ایشلمش ایمش . ایکی نومرو ایله اشارت ایتدیگمز شکل دخی سلاطین عظامه مخصوص اولوب بودخی بیرتاجلی بیجمده اولدیغی حالده رنکی دوز قیرمزی اولوب فقط اورته سنده شکل بیضیده یشیل رنکی بر زمین تشکل ایدر ایمش که آنک اوزرنده دخی صاری صیرمه ایله بربری حداسنه موضوع اوله رق اوچ هلال ایشلمش ایمش . اوچ نومرو ایله اشارت اولنان سنه ق دخی کدک سلاطین عظام حضراتنه مخصوص اولوب طقوزی یشیل و سکزی قیرمزی اولق اوزره اون یدی اک قوماشدن متشکل ایمش . بوسنهای اوزرنده شکل هلال کورونمپور . آنجق بو آل یشیل زمین اوزرنده آیات کریمه و یاخود کلمه شهادت وتوحید کی خطوط منقوش اولدیغی حقنده ده دیده رو طرفندن بر خبر ویرلیور . دیده رونک نامنه نشرایدلمش بولنان بوه عظیم آنسیقلو پیدی برچوق ذی اقتدار ارباب تدقیقک انضمام معاونتیه یازلمش اولدیغی بیلدیگمزدن ویردیکی خبرلک صحتنه تمامیه امنیت ایله به بیلورز . زیرا یازدیغی شیلر یاکندی کوزلرله کورلمش و یاخود جهانک هر طرفنده کی مخابرلی طرفندن ینه بویله رأی الهمین مشاهده اوزرینه یازلمشدرلر . اگر بو آل یشیل سنهای اوزرنده خطوط منقوش اولسه ایدی انی کوروب اخبارایدن ذات البته بونی ده خبر ویر ایدی . مادام که بویله برشی خبرویرلیور بز دخی بوسنهای بویله دوز بر آل یشیل سنهای اولق اوزره تلق ایدرز .

درت نومروایله اشارت ایله دیکمز سنهای دیده رو طرفندن «برترک پاشاسنک» اولق اوزره خبرویرلیور . بودخی بیرتاجلی بیجمده اولوب فقط دوزمائی ایمش . آنجق بونک اورته سنده صاری رنکی ومستدیر الشکل برلوحه اوزرنده کی اوچ شکل هلالدن ماعدا بیرتاجدن کوندره طوغری ینه صاری رنکی برصلیبک

آقیریلادیغنی دیدهرو یازدیغنی کبی بو حال شکاده دخی کوریلپورکه شویله برپایراغک برمسلمان پاشایه منسویتنی عقل قبول ایده میور . عجبا افلاق وبغدان کبی ولایتله فنارلی روملردن تعیین اولنان والیلره مخصوص برپایراقیدر ؟ بونی عقله ملایم بولیوروز . رنکنک مائی اوله سی ده بو ظنزه قوت ویریور . توارینجده مسطور اولدیغنی اوزره اوزمانلر افلاق وبغدانه نصب اولنان روم والیلرک دائره لری خلق ولایات ساژه والی دائره لری کبی ایمش . حالا بعض محلرده کوریلن لوحه لر دخی بونلرک البسه واسلحه سنی اوصورتده اراثة ایدرلر . احتمال که اویرل اساساً خرسیتیان اهالی طرفندن مسکون اولدقلری کبی بایراق صاحبک امرای نصرانیة عثمانیه دن اولسی دخی بوشکل صلیبه لزوم کوسترمش اوله . بوندن عسکره کی مورخلر البته بومسئله بی حل ایدرلر .


بش رقیله اراثة ایله دیکمز شکل دیدهرو طرفندن « ترک سنجاغی » دیه خبر ویریلیور . زمینی دوزقیرمنی اولوب ایکسی بوقاریده وبریسی اشاغیده واوچنک دخی اوچلری سنجاغک نهایتنه متوجه اوچ بیاض هلالی حاوی ایمش . الی رقیله اشارت ایله دیکمز سنجاغ دخی « ترک سنجاغی » تمبیرله خبر ویریلوب فقط زمینی مائی ایمش . حاوی اولدیغنی اوچ هلالک وضیمیتلری دیکرینک عینی اولوب رنکلری دخی بیاض ایمش . یدی رقیله اراثة ایله دیکمز شکاک عثمانلی قالیونلرینه چکیلور برسنجاغ اولدیغنی دیدهرو خبر ویرمکده در . بیرتاجلی بیجمده اولوب رنکی قیرمنی ایمش . جمله سی برصره یه ترتیب ایدلمش اولان اوچ هلال دخی صاری صیرمه ایله ایشلمش ایمش . سکز رقیله اشارت ایتدیکمز شکل ینه قالیونلره چکیلور دوزقیرمنی برسنجاغ اولوب منتها سی سیوریلکده اولدیغنی کوریلپور . بونک اوزرنده شکل هلال بولمادیغنی کبی یازیلر منقوش اولدیغنه دائره دیدهرو طرفندن بر خبر ویریلیور . احتمال که بوبایراق قالیون هایونلرک هرکون چکدکلری حادی بایراق اولوب بوندن اولکیسی ایسه جمعه وایام ساژه صیدیه ده چکیلن الای سنجاغی اوله . طقوز رقیله اشارت ایتدیکمز بایراغی دیدهرو « طرابلس فرب ولایتنه مخصوص بایراقدر » دیه خبر ویریور . اوزمانلر اوروپاده دخی دولترک همومی بایراقلردن ماعدا بعض ولایتلرک وبعض بیوک شهرلرک کنیدیلرینه مخصوص بایراقلری اولدیغنی ینه دیدهرونک بومجهندن اکلاشلمکده در . کذک اوزمانلر طرابلس غرب ولایتنده « قرمان اوغلاری » نامیه برعائله ولایتک بعد مسافه سندن طولایی پدردن اولاده اراثاً انتقال صورتیه والیک ایتدکلری

معلومدر . اما بوقره مان اوغللری حضرت فاتحک مغلوبی اولان مشهورقره مان اوغللری ظن اولغاملیدر . کندیلری دها مناسی « قره مانلی اوغللری » دنیلک اوزره عن اصل قره ماندن کلش آدملر اوللیدرلر . صکره لری ولایت مذکوره طوغریدن طوغری به استانبولدن کوندریلن والیرایله اداره اولغنه باشلادینی ایچون حسب التنظیمات عموم ولایات شاهانه یه کشیده ایدیلن سنجاق بونک مقامنه فام اولمشدر .

اون رقیله اشـرت ایتدیگمز سنجاغی دیده رو یالکز « ترک سنجاغی » دیه خبرویریورکه اوست کوشه سی قیوریق اوله رق ترسیم ایدلمش بولغنه سندن دخی آکلاشیه جفی وجهله شکلی اویماجلی ورنکی قرمزیدر . آرقه آرقه یه مرسم اولان اوچ هلالک رنگلری ره بیاضدر . اون بر رقیله کوستردیکمز بایراغی دیده رو استانبوله مخصوص اولق اوزره خبر ویریورکه رنکی یشیل اوچی سیوری وحاوی اولدینی هلالر صیرمه ایله منقوش ایمشدر . اون ایکی رقیله کوستردیکمز بایراق دخی دیده رو طرفندن ازمیر شهرینه مخصوص بر بایراق اوله رق خبر ویریلوب اوچی یشیل ایکیسی بیاض بش اکدن متشکلدر .

شو سنجاقلرک هیچ بریسنده یالکز برهلال مرسم اولدینی کبی هیچ بریسنده شکل کوکب دخی مرسم کورلدیکندن شمدیکی سنجاغمزک شکلی جنتمکان سلطان محمود خان عدلی حضرتلری طرفندن تجدیداً تأسیس بیورلمش اولدینی حقتده بعض ذوات محترمه دن ایشتدیگمز خبرلرک صحتی دیده رودن آلدیفمز شو معلومات ایله تحقق ایدیور دیمکدر .

اهم مرصفت



## ❁ عسکر بر عاله در ❁

دنیاک هیچ بر طرفنده بر جاده دن عسکر کچمزکه آنی کورن اهالی حیران قالمسون . اوکنده موزیکه سی چالنه رق و موزیکه نک آرقه سندن بیکباشیسی قول اغاسی طابور امام وجراحی آتلی اوزرنده یوری به رک « سلاح اوموزه » حال وطورینه کچن طابور مطلقاً و همه حال هر کسی حیران حیران کندینه باقغه مجبورایدر . کچن عسکرک قطه سی دها زیاده بیورایسه مثلا کچن عسکر پیاده دن

عبارت اولیوب سوارپسی و طوبیجیسی ایله برابر چکر ایسه خلقك احتیاساتی دها بشقه لاشیور . آرتق یالکز اوجاده اوزرنده کی خانهلر ودکانلر اهالیسی دخی ایچ و آرقه سوقاقلر کرکی کبی اوزاقچه محلهلر اهالیسی بیله ایشلرینی کوچلرینی براقوب مرور ایدن عسکری تماشایه قوشارلر . هرکسك قانده خوش برغلیان حاصل اولور . هرقلیده لطیف حسلر اویانور . اما بو حال چکن عسکرک آتی تماشایدن خلق ایله ملیت و دیانت خصوصنده اشتراکنه مخصوص دکدر . هانکی قومه ؛ ملته ، هانکی دینه ، مذهبه منسوب اولور ایسه اولسون هر خلق کندی منسوبیتنه مخالف اولان عسکرک مرورینه مقابل بو احتیاساته دوچار اولور . او ا شیهه یوق که چکن عسکر او خلقك اولادی او خلقك دینك اخوانی اولور ایسه بو احتیاس دها پک بشقه بر صورت لطیفه ده تجلی ایدر . او چکن دولت و وطن قوزیلرینی انسانك اوخشایه جنی ، او په چکی کلور . بوتماشادن حاصل اولان رفته مقاومت ایده میهرک کوزلرندن یاش ترشح ایدنلر بیله چوق اولور .

عجبا بو حال نه دندر ؟

بو حال بسیقولوژینك اوقدر دقیق بر نقطه سنی تشکیل ایدر که نقطه هندسه کی هر ضدن ، طولدن ، عمقندن مجرد اولان و صافی روحه هاندبولنان اوتقطه یی حل ایده بیلک قولای ایشلردن دکدر .

برهسکر مروری اثناسنده اک زیاده حالله نلرک بریسی دخی بنم ، اوزمان بنی عجیب و غریب و هربری بر بشقه صورتده لطیف نیجه حسلر ، نه قدر مطالعهلر استیلا ایدر و بوراده آنلرک جمله سنی بحق بسط و تمهید ایتمککم لازم کلسه شو جلدی یالکز بو مجمله طولدیرمه لییم . بناء علیه بو احساس متنوعه دن یالکز بریسنك بروجه آتی بر پارچه جق بسط و تمهید بنی تجربه ایده جکم :

گذر کا همدن بر طابور کچدیکی زمان بن آنی بر فاملیایه تشبیه ایدرم . اما فصل فاملیا ؟ « فاملیا » دینلدیکی زمان وهله خاطره کن صورتی قادین وارککدن متشکل بر هیئت همیشه اولور . دکلی ؟ اوزمان بنم خیالمدن چکن هائله ده قادین بو قدره . یالکز ارککاردن متشکل بر هائله ! اما « فاملیا » دینلدیکی زمان آنک حس تمیشتی ایچون مقتضی اولان خدماتک اک بیوک قسمی قادینلر اللریله کورماک لازم که جک ایش . بنم قارشومدن مرور ایدن هائله عسکریده ایسه آنک تمیشتی بختیارانه سی ایچون احتیاج کوریلن خدماتک کافه سی ینه ارککار اللریله



کوریلور هم نه قدر منتظم بر صورتده که اگر انتظامک بودرجه سی نوعیت بشریه یی تشکیل ایدن عائله لره همم ایده جک اولسه مسعودیت نوع بشرک دها بشقه بصورت تأمینیه بولش اوله جغه هیچ شبهه قانز .  
 اوککزدن پکن طابوره شوپله برامان ایله نظر ایدیکز که : افرادینک وجودی منتظم استمهام سایه سنده ترتمیزدر . صاحب لری قیر قلمش ، چک لری تراش ایدلمشدر .  
 اثواب لرنده سوکوک بیرتیق بولماز . ترتمیز سوپوریله رک کییلشدر . چیزمه لری تازه بویانوب سلاح لری تمیزلندیکنندن جمله سی پاریل پاریل پارلار . مطلقاً صباح طامانی تناول ایدرک یوله چیمش بولندقلری ایچون هپسنک قرنلری ده طوقدره .  
 قوجه طابورده اوپله برنظافت وانتظام کوررسکز که برآن ایچون بونک برعسکر طابوری اولیوبده بریوک مکتب شاگردانی اولدیغنی فرض ایده جک اولسه کز بومنتظم هیئتک شو خدمت لری کورمک ایچون کیم بیلور نه قدر خدمتچیلره لزوم کورلیدیکی دوشونورسکز . بونی بویله دوشونمه کزی کوکلم ینه آرزو ایدر .  
 بونی دوشونمه لیکز که عسکرک برعائله اولدیغنی حقنده بنم خیالمدن پکن شیلرسکز خیالکزه دخی اوغراسونلر ، بونی بویله دوشوندیکنز زمان اول باول خاطر کزه کله جکدرکه بوعائله عسکریه نک هیچ خدمتچیلری یوقدر . کندی خدمت لری کندی لری کوررلر .

« کندی خدمت لری » دیه قولایچه سوپله یی ویردیکنز خدمت لره قدر چوق نه قدر متنوع اولدیغنی دخی متعاقباً دوشونمیه جک اولور ایسه ک تخیلمزده کی لطافت تمامیه تعین ایده مز . دوشونمه جکزه بو هیئتک کیرلیسی تمیزلنه جک ، چیک پشه جک ، سوکوک ییرتیغنی دیکیله جک ، خسته سی باقیله جق ، والحاصل برعائله ایچون خاطره کان خدمت لره کافه سی کوریله جک . اما بو خدمت لره نصل برانتظام اوزره کوریله جک ؟ اصل بونی دوشونمه جکزه . اگر بریسنک چاشور ییقادیغنی زمانده دیکری سوکوک دیکه جک وبربشقه سی اورتله ق سوپوره جک اوته کیسی بک پیشیره جک اولور ایسه ایشه اوپله برانتظام سزاق طاری اولورکه ایچندن چیقلیق ممکن اوله مز .

بوراده خدمات داخلیه یی اوزون اوزادی به تعریفه کیریشه جک دکاز . آنلر نظامات مخصوصه ایله تعین وتحدید قلمش اولدقلرندن سراق ایدنلر بونلرک مطالعه سیله بوبابده بر فکر مخصوص پیدا ایدرلر . هم بونی سراق ده ایتمه لیدرلر .  
 بوانتظام اوقدر حیرت بخشای عقول بر کیفیت عجیبه درکه آنی تبهه کیریشنلرک

زحمتی هیچده بوشه کیتش صایله من . عسکرک عالمی ! عسکرک حیاتی !  
 بوحقیقه واسع برحالم ، بوحقیقه شایسته تبع برتعیشدر . شومقالهده بوکاداژ  
 قارلرمنه اک کوچوک برفکر ویره بیلک نیم ایچون اک بیوک بختی اراق صایله جقدر .  
 عسکرک برعائله اولدینی تصور و تخیل ایچون کوزمزی کوزمن اوکندن  
 یکمکده بولنان طابوزه دیکمیهلم . نظرمنی آدن صرف ایدهم . کوزمن  
 اوکنه بر بلوکی کتورهلم . زیرا شو اشتغال ایتدیکمن نقطه نظر دن اصل طائله  
 عسکریه طابور دکل بلوکیدر .

بر بلوکل همیشهنده کی انتظامی نظره واحدهده کوره بیلک ایچون بر قاج  
 نفرک قوغوشه کیردیکنه و یاخود قوغوشدن چیتدینه باقلیسکز . پاپوشلقده  
 سکسان یوز چفت قوندوره موضوع اولدینی حالده قوندوره سنی آرایان نفرک  
 الی طوغریجه کندی قوندوره سنه کیدر . قوندوره سنی چیقاران نفر دخی  
 آنی طوغریجه هر زمان قویدینی یره قویار . بر بوکاباقالی برده دوکون و یاخود  
 ضیافت کبی یکریمی اوتوز کیمسه نک بر یکدیکی برده حین عودتده آباق قابلرینی  
 بولوب کیه میا لمرک حالرینی دوشونمهل ! سکسان یوزیناقلی بر قوغوشده هر نفر  
 کوزینی قاپامش بیلله اولسه طوغریجه کندی یتاغنی بولور . اول مقدار تفنکارک  
 صیره لاشمش اولدینی سلاخلغه ال صالحه طوس طوغری کندی تفنکنی آلور .  
 بونلر ایچون کندی آرادینی اشیایی بوله میهرق بشقه لرینک اشیاسنه ال صونمق  
 قاریشلفی یوقدر .

نوبت محارنده قره غول بکله مکدن بدأ ایله مطبخده سبزه آییقلامفه قدر  
 خدمتلی متنوعدر . بونلرک هیچ بریسنی علی الدوام بر آدم یامز . مثلاً قوغوشنی  
 سوپورمک یالکیز بعض کیمسه لره و حاللری تمیزله مک دائمًا دیگر بعضیلرینه  
 دوغمز . مانع الله کور قویمغه و یاخود صوبالری یاقغه قندیل و لامبالری  
 تمیزله مک و الحاصل مطبخه کیدوب یمک کتورمکه قدر یوزدرلو خدمتک هر بری  
 « نوبت » تحتنده در . بوکون قوغوش سوپورمک نوبتی بم ایسه یارین ابدستخانه  
 خدمتی او برکون قاراوانه بیقامق خدمتی ودها او برکون دهابشقه بر خدمت بم  
 نوبتم اولور . بو نوبتلر او قدر منتظمدرکه هر خدمت بم نوبتمه قاج کونده  
 بر کله جک ایسه اصلا شامز .

بر بلوکیدن عبارت اولان طائله عسکریه هپ معین ساعتلرده او یقودن  
 قالفار . معین اولان ساعتده صباح طعامنی تناول ایدر . خسته خانه خدمتلیرینه



### فاتح بغداد جنتمکان سلطان مراد خان رابع حضرتلری

وارنجیه به قدر او کونکی خدمات نوبتچیلری و کندی نوبت ساعتلرینه قدر  
 تعلیمه چیقیمیجه قلمر وار ایسه آریلوب باقیسی مین اولان ساعتده تعلیمه  
 چیقار. ساعت مینهنه سنده آبدست بوریلری اوریلوب معصلات اووظائف دینییه  
 ایفا قلمور. اقشاملری ینه تمین اولنان ساعتلرده یوقلمه ایدیلوب مآذونلرندن  
 بشقه بتون قوغوش خلقی اقشام یوقلامه سنده حاضر بولنور، کیجه لری دخی  
 مین ساعتلرده بو اراد حائله یاتاقلرینه کیررر. بوایشلرک جمله سی جمله برلکده

کوردلیکی کبی چاشور کونی جمله برلکده چاشور بیقانور ، دیکیش ویامه کونی جمله بوایش ایله اشتغال ایدیلور الخاصل هرایش جمله برلکده یاییلور . ایشته سزه برهائله که جسم واحد حکمنده .

سکساندن یوزکشی به قدر برخلق شو عائله عسکریه به منسوب اولیوبده « باشی بوزوق » تعبیر اولنان افراد عادیه دن بولنسه لر ایدی آنلرک مسکنلرنده کی احوال معیشتی نصل تصور ایدر ایدیکز ! طبیعیدر که سواقا لرده کوردیککز شخصلرک احوال ذاتیه لرینه مناسب بر صورتده ! یعنی کیر ایچنده ، حتی کهله ایچنده ! بوکبی احوال کریهه یی عائله عسکریه ده قطعاً کوره میه جککزه امین اولمیسکز . زیرا بو عائله ده هر خدمت نوبت تحتنده اولدینی کبی احوال عمومی تنظیمیه و تطهیریه دخی بر نوبت تحتنده در . نوبتلی صیره سنجه . لازم نانی و ملازم اول ویوز باشی دائماً قوغوشلری کزوب یالکیز نظافت وانتظامک صورت ظاهره سنی دکل چانظه لرده کی اشیا یی و حتی وجود لرده کی کوملکی ده نفتیش ایدرلر . نظافت عسکریه به مغایر ذره قدر بر حال کورسه لر احوال بر نفرده کوریلور ایسه اون باشی یی و اون باشیده کوریلور ایسه چاوشی ایقاظ ایدرلر . اصلا شبهه ایتمیکز که بر عسکرک قوغوشی نظافت جهندن اکتمیز عد اولنان یرلرک بریسیدر . زیرا یوقلامه وظیفه سی یالکیز یوز باشیده بتمش صایلیوب لزوم و نوبتانه کوره قول اغاسی و بیکی باشی دخی بلوکاری کزه رک یوقلامه لرینی اجرا ایدرلر .

عائله عسکریه نك شوحالی قشلا نشین اولدینی زمانکی حالیدر . حال بوکه بوانتظام معیشت بووجهله عیناً اردو کاهده دخی واقعدر . او ! عسکرک اردو کاهه یی دهها بشقه برانتظام حالنده درکه اوده صورت مخصوصه ده جالب نظر دقت بر کیفیتدر . بر بلوک افراد وضابطانیله برابر قاچ چادرده اقامت ایده جک ایسه اوچادرلر اولدن مرتب برپلان موجبجه رکز ایدیلورلر . هرکس بکندیکی یره چادر قوره رق دکل ! بر طابورده بویله در برالای ده ، بر فرقه ده ! او قدر منتظم برپلان که افراده وارنجه به قدر هرکس کندی بلوکنک سمتنی سواقاغی بیله رک طوس طوضریجه کندی چادرینی بولمده ذره قدر ترده دوچار اولاز . اردو کاهده دخی عسکرک خسته خانه لری مطبخلری حماملری ممکن اوله بیلدیکی قدر معیندر . هر خدمت قشلا ده اولدینی قدر منتظماً ایفا اولنور .

بر اردو کاهده براون باشی چادرینک قپوسندن ایجری به باغله نه شاعرانه ، نه قهرمانانه بر منظره ارا نه ایدر . سلاحلر دیره ک اطرافنده بر طوتمش لردر .

چادرك زميننه اينجه طاللی ميشه يپراقلری وياخود اكرلتي اوتلری ، اوت ، صامان نه بولور ايسه فرش ايدلمش وآنك اوزرينه بکلكر يعنی سهجاده لر سريلشدر . چانطه لر طوربه لر ياصدق اولق اوزره چادرك محيطنه چپ چوره قونولشلر وكوندوز ايسه ياغمورلقلر دخی آنلرك اوستنه وضع ايدلمش لر دركه كچه‌لری يورغان اولق اوزره اورتونه چكردر . نفرلر ياتدقلری زمان اون چيغت آياق چادرك ديره‌کی اطرافنه ديزيلوب اون وجود دخی محيطنه طوغری شعاغرل تشكيل ايدرلر . بونلر اوزرينه اون ياغمورلق اورتلدیکی زمان هر ياغمورلق ابکی نفری ستره كفایت ایده‌جکی جهتله هر وجود برايکی قات ياغمورلق ايله اورتلمش اولور . قشلاده پانتالون ايله ياتمق معیشت عسکریه مقتضاسندن اولوب اردوده ايسه چيزمه‌لر دخی چيقارلمزلر . بواون كشینك شوخالده ياتمه‌لری نه قرداشجه سنه يتوت ايسه اويانق اولدقلری زمان ياتاقلری ايچنده اوتوروب مصاحبه‌لری دخی اوقدر قرداشجه سنه در .

معیشت عسکریه حقنده خلاصه‌ الحلاصه‌سی شوندن عبارت بولنان فکر وحس هیچ بروقنده بدن آيرلزده هر نه زمان کوزمک اوکندن برقطعه عسکریه مرور اید. جنك اولسه بوفکرلر بو حسلر ذهنده برعائله منتظمه تشكيل ايدرلر . اوزمان کندی کنديمه دير و تصديق ايدر مکه عسکر برعائله در .

اصغر مرصت

## ❁ جنك آرابه‌لری ❁

خلاصه : آت و جنك — پيازه و سواری آره‌سنده مقایسه — جنك آرابه‌سی نه‌در؟ — عادی جنك آرابه‌لریله آلاي جنك آرابه‌نری — جنديلكك فوقنده آت جانبازلخی اولدیغی کبی جنك آرابه‌لریك سوقندکی مهارتکده بر جانبازلقی درجه‌سنه وصولی — یونان و رومانك جنك آرابه‌لریه قیاساً ایران و سوریه و فنککه و مصر و بنی اسرائیل جنك آرابه‌لریك تزیدت نسلیعاتی — قدامک نیم معبودلرینه دخی جنك آرابه‌لریك اسنادی — تام معبودلریسه بیله اسنادی — ژوپیتور ، دیان ، ژنون ، مینه‌روا ، آپوللون ، وه‌نوس ، معبود و مه‌بوده‌لریك جنك آرابه‌لری — زمانزده‌کی طوب آرابه‌لری ازمئه قديمه جنك آرابه‌لریك اخلاقیدرلر — قریب الورود بر مستقبلک جنك آرابه‌لری — فیلمیپینده آمریقاییلرک ایجاد واستعمال ایتدکاری جنك واغونلری — انکلتزده بر طوپیچی ضابطنک ایجادینه چالشدیغی جنك اوتوموبیلی .

حيوانات وحشيه دن نوع بشه ك انك اول كندينه آيشديرديغي حيواناتك برسي آت اولمق قويا مجزومدر . انك اخلاق حقمنده وقوع بولان تنيمات فلاسفيه نظراً آت نه كدى كې نازكور نه كوپك تدر دريادلدره صاحبي بر قماز . فقط كنديني اوران الى ه اوپز .

جنك آرابه لرندن باحث اوله حق بر مقاله نك مدخلي « آت » اولمق ضرورياتنددر . جنك آرابه سي ديمك آت ديمكدر . بونلر آره سنده كي نسبت لزوميت ملزوميت نسبتنك ده فوقنده در . جنك نقطه نظرندن واقعا آرابه يه آت لازم ايسه ده آته آرابه لازم اولمايه بيلور ، آتسز آرابه جنكه صالح اولماديغي حالده آرابه سز آت جنكه بك صالحدر . آت جنكه او قدر صالحدر كه انسانلر آتي محضا جنك آتي اولمق ايجون كنديلرينه آلشديرمش اولدقلىرني بك قوتلى بر صورتده ظن ايده بيلورز . يا جنك ايجون يا خود ينه جنكك بدرلوسى همده ايلك درلوسى اولان صيد وشكار ايجون ، هله بيجاره يي ايكديش ايدر ك يعنى فضيلت مردانه سنى محو ايله بهرك يوك آلتنده ازمك ايجون آلشديرلماديغي هازده محققاندرن عدايلرز . زيرا تاريخك وقوف واطلاعاتمزه دلالت ايده بيلديكي الكاسكي زمانلرده آتلىرى هب جنك اورلرك التنده ودشمن ايزنده ويا خود صيادلرك التنده صيد وشكار آرقه سنده . كوربيورز . مركب ، قاطر ، اوكوز ، دودكې حيواناته كوردريلن حمالق ايشنك ملل قديمه نژنده آتله كوردريلديكنه دائر بك ده اثر بوله مايورز .

آت آلشديرمقده جنك مقصدى او قدر تامدر كه انسان قسمي كندى ايكي باجاقلى آره سنه درت باجاقلى بر آت صيقشديرديغي زمانه قدر كنديني تام بر جنك اور عد ايده سز ايدى . كندى جسيم ناتوانى بر توانا آتاك بلى اوزرينه يرلشديرديكي آنده كنديني حيوانات ساثره يه بالوجوه فائق بولديغي كې كندى ابنای نوعنه دخى فائق بولدى . اما نه قدر فائق ؟ آره لرنده قياس يوق . آته بين انسان درت آياقلى حيوانلرك هپسندن زياده قوشار اولدى . ذاتاً باشقه مفترس حيوانلرده كوردبيكي پنجه كې ، ديش كې بوپنوز كې سلاحلى تقليد ا كنديسى دخى اغاجدن ، كهيكدن ، چاقاق طاشندن ، طونجبدن ، تيموردن والحاصل ادوار ترقيسنه كوره مقتدر اوله بيلديكي . مواددن خنجر ، قليج ، مزراق ، اوق فلان تداركيله آنلردن زياده مسلح اولمش دكلى ايدى ؟ بواسطه ايله مسلح و بر آته راكب اولان انسان ارسلانلره بيله فائقيتنى تأمين ايتمش اولدى . كندى ابنای نوعندن كنديسى قدر مسلح اولانلر اكر آنك كې بر آته راكب

دکل ایسه‌لر اكا نسبتله هیچ منزله‌سندده قالورلر . اوت بر پیاده ایله بر آتلی آره‌سندده همان زمانزه قدر قیاس قابل دکل ایدی . یکر می پیاده‌بی بر آتلی‌یه ترجیح ممکن اوله‌ماز ایدی . هله یوز آتلی بر یره‌کلدی می؟ آرتق پیاده‌نك هیچ بر مقدارینه قیاس اوله‌ماز ایدی . کندی مقدارلرینك اوتوز مثله‌ه مساوی پیاده اوزرینه صالدره‌جق اولسه‌لر او پیاده‌بی پراکنده و پریشان ایده‌جکارینه اینامق لازم کلور ایدی . بونی ناپولیون محاربات مصریه‌ده کوله‌منلره قارشو پك آجی بر صورتده تجربه ایتدی . پیاده‌سنی قلعه نظامنه قویدیفی و طوپلرله تأیید ایتدیکی حالده کوله‌من سواریمی بر پیاده جمعیتی براز اورسه‌له‌یه‌له‌جك اولورسه پیاده‌لر ایچون قلیچ آغزندن قفا و مزراق اوجندن آرته قور تارمق قابل اوله‌مایور ایدی . پیاده‌نك سواری اوزرینه تفوقی و سوارینك پیاده‌یه قارشو انکسار غروری آتق زمانزه اسلحه‌جیدده سایه‌سندده میسر اوله‌بیلدی . بوسایه‌ده برتک پیاده برتک سواریه‌یه معادل طوتلق شویله طورسون فائق بیله طوتلق لازم کلدی . هله بردیزی یعنی درت پیاده نفری آرته آرته‌یه و یره‌رك بر قلعه‌جق تشکیل ایده‌جك اولورلر ایسه بونرك اوزرینه بش‌التی سوارینك هجومی حکمسنر عدواتق لازم کلدی . اسلحه‌جیدده دن پیاده‌نده اولانلرك دها کوچوک قطعه‌ده‌کیلری سواری‌نده‌ده و اراما بوسلاحلر اوقدر طوغری قورشون آتیورلرکه متحرک حیوان اوزرنده سوارینك قورشونی اولسه اولسه راست‌کله اصابت ایده‌بیلدیکی حالده پیاده‌نك قورشونی هرایسته‌دیکی یره یاپشه‌بیلور . اکر سواری کندی اسلحه‌جیدده‌سنی حامل یعنی یالکز مزراق و قلیچ ایله مجهز اولسه پیاده‌نك یانه‌بیله صوقوله‌ماز که بونلری استمه‌مال ایده‌بیلسون . شمدیکی تفنکارک قورشون منزلی اولان بر یردن سواری طولی دیزکین هجوم ایتسه پیاده‌یه واصل اولنجیه‌یه قدر پیاده اكا دقتلی اولمق شرطیله اون بش یکر می قورشون آته‌بیلور . هله تمام یا قلاشدیفی زمان پیاده‌نك تفنکی خزینه‌سندده ره‌وولور قورشونلری کبی یکدیگرینی تعقیباً آتلق اوزره درت بش قورشون حاضر بولنیور . یا آت یا خود آتلی البته اوریله‌جق . بناء‌علیه آره‌لرنده‌کی بونستزلکی ممکن مرتبه آزالتمق ایچون بردیزی سواریدن اوچی آتدن اینوب آتلینی دردنچی‌یه بالتسلیم کندیلری پیاده اوله‌رق تفنك آتمق یولی بولیورلر .

بونکاه برابر سواری حالا درت بش بیک سنه‌لك اهمیتنی محافظه‌یه غیرت

ایدیور روس ارباب سیف و قلمندن جنرال دراغومیروف حربك بعض امورینه کوره بوکون دخی سوارینک اهمیتتی اردو قوماندانلری نزدنده قابل انکار اوله میه جغنی اثبات ایله یور .

سرنامه منر « جنک آرابه لری » اولدیفی حالده آت وسواری و پیاده بختلرینی اوزاتدیغهمزدن طولایی صدوددن چیقدیغهمز حکم اولماسون . صددمنر جنک آرابه لری ایسه ده دها اوصدده کیرمدک . آت حقنده انظار دقتی براز تهیته ایتیه جنک اولور ایسه ک صددم مذ کوره هیچ ده کیره مه یز .

عندالقدما آتک جنکه نسبتی یالکز هجوم حالنده آتلی بی دشمنه ایصالدن وفرار حالنده آتلی بی دشمندن تخلیصدن عبارت دکلدر . یونان قدیم جنراللرندن اولوب تاریخ قدیمده مشهور اولان « اون بیکار رجعتی » نک قوماندانی بولنان و کندیسسی دخی ارباب قلمدن اولمق حیثیتیه اهمیتتی آرتان قسه نوفون واقعا آته یالکز بوتسریع حرکت خدمتندن طولایی ده پک بیوک اهمیت ویریور . « خسرو نامه » سنی وقتیه لسانزه ترجمه ایتش ایدک . ایران سرایلرینک احوالی اولیه برمدته تصویر ایدیورکه بوکون الک مقتدر بر قلم دخی یازسه یازسه انجق اوقدر یازه بیلور . لکن قسه نوفون دخی انکار ایتدیکی کبی تاریخ قدیم برچوق آثار ایله اثبات ایله یورکه آت یالکز برواسطه انتقال اولمق وانتقالاننده سرعت عظیمه صاحبی بولمق ایله جالب اهمیت اولامشدر . بلکه انسانه برده سلاح اوله رق خدمت ایتدیکی ایچون اهمیتتی برقات دها آرتمشدر . اوت ! آت هم واسطه انتقالدر همده سلاح ! برسواری مفرزه سی بر پیاده قطعه سنی یالکز آتلیرینه چیکتمک صورتیه دخی پریشان ایدیه بیلور . « اعدای بد کردار پامال خیول جنکاوران اولدی » طرزنده کی تعبیرلر پک اسکیدرلر .

ایشته آتک جنک آرابه سنه نسبتی دخی اصل بویله سلاح خدمتتی کورمک یوزندن ظهوره کلش بولمسه سی بومسئله ده اصل جای دقت اولمق لازم کان شیدر . بر جنک آرابه سی نه در ؟ ۱ نومرولی شکمز بونی قارلر مزه واضحاً کوسترر . بوشکل مر مردن معمول بر جنک آرابه سیدرکه حالا روماده پایا حضر تلرینک و اتیقان سراینده کی تاریخ موزه سنده محفوظدر . مر مردن معمول اون بو آرابه نک حیوان قوش و لوب جنکه سوق ایدمک اوزره یابیلادینی اخطاره بیه محتاج دکلدر . وقتیه روما ابنیه عالییه سندن بریسنه زینت اولمق اوزره یابیلش اولدیفی آشکار اولوب فقط اوزمانلر آجاج وسائر دن یابیلان آرابه لرک



هیچ بریسی زما نمره قدر طایانامش و جمله سی چورویوب محو اولمش بولندقلری ایچون الده نمونه صحیح اوله رق بو آرابه قالمشدر . بوکا باقنجه کوریلورکه جنک آرابه لری بر دینکله ایکی کوچوک تکرک طاقیلوب اودینکله صودا برده اوق اوزاتمقدن و دینکل ایله بو اوق اوزرینه برده صندق قومقدن عبارتدر . بو صندیفک اوك و یان طرفلری قاپالی اولوب آرقه طرفی آچیقدرکه آرابه یه بنوب اینک قولای اولسون دیه . بو آرابه لره الك آزی ایکی واک چوغی اون آت قوشیله جق و بونلرک کافه سی یان یکا برصیره تشکیل ایتک اوزره قوشولوب آرابه ایچنده آیاقده طوران بر آدم بونلری سورده جک ، دشمن ایچنه سوق ایده جک . بوهجومدن مقصد نه اوله جنی اکلایشیلوریا ؟ دشمن افرادینی بو آت لری آیاقلری التنده ازمه جک . ایشته کوریلورکه بوهجومده آت برواسطه نقلیه اوله رق قوللانمایوب عادتاً سلاح اوله رق قوللانلیور .

بعض محکوکات قدیمه اوزرنده جنک آرابه لری نه یکریمی آت قوشلیدیگی کوریلورسه ده ارباب تدقیق بورسملرک مؤداسی آثار سائره تاریخیه ایله تصدیق ایدلیدیگی کورمدیکندن بونی مبالغه یه حمل ایدیورلر . شاعرلرک خیالی هرشیده مبالغه یه مائل اولدیگی کی عندالقدما بومیلک صنعتکاران خیالنده دخی بولندیغنی ظن ایدیورلر . احتمال که بورسملرده مبالغه دخی یوقدر . برادمک اون حیوانی سوق ایده بیلدیگی قبول اولندقدن صوکره یکریمی حیوانی سوق ایده بیله سنده محالات عقلیه دن عد اوانه جق هیچ برشی یوقدر .

جنک آرابه لری نیک دینکلرینی و اوقلرینی متانت مسلمه سندن طولانی اکثریا میسه اناجندن یاپارلر ایمش . تکرلرک رینی ده میسه کی قوتلی اغا جلدن یاپارلر ایمش . تکرلرک اکثریا درت پارمقلی اولوب بعضاً بش و بعضاً التی و سکنز پارمقلی اولور ایمش . اما بونلر کوچوک و پک خفیف شیلر اولوب بعض شعرانک تصویراتندن اکلشلیغنه کوره برادمک برارابه یی اوموزلایوب کوتوره بیله سی ممکنساتدن ایمش . قدیم یونان و رومادن ماعداننوا واصطخر و مصر و فنکه محکوکاتی و رسملری کوستریورلرکه جنک آرابه لری بوملتلرک اردولرنده مستعمل ایمش . تورانک تصویر ایتدیگی محاربه لرده بنی اسرائیلک دخی بونلردن استعمال ایتدیگی کوریلور . اردوسنه کوره یوزلرجه بیکارجه جنک آرابه لری تعداد اولنیور . انجیق هر زمان و هر پرده برارابه اوزرنده یانکز برادمک ایاقده طور دینی کوریلور . عسکرلک ترقی ایتدیجه آرابه ل اوزرنده ایکی ادم بولمغه .

باشلامش . بریسی یالکز حیوانلری سوق ایدیور و دیگرلری بالذات جنک حاضر بولنیور . ارا به بی سورن اوکده جنک حاضر بولنان انک ارقه سنده ایاقده طورییور . اکر دشمنک جم غفیری اوزرینه هجوم اولیور - سوروجی دشمن عسکرلرینی پامال خیول ایتمه اوغراشدیغی ائشاده جسکاور دخی صاغه صوله ولزومنه کوره آرقه یه طوغری اوق سرپیور واکثریا صیریقلر ایله آتلر اوزرینه صالدرمغه چالیشان دشمن پیاده لرینه اوق آتیور، سزراق چالیور، قلیج اودیور . معلوم اولدیغی اوزره او زمانلر بعضاً محاربه لرده اک بیوک قهرمانلر تک تک مبارزه دخی ایدرلر ایدی . اکر بویله ایکی قهرمان جنک آرا به لری اوزرنده بربرینه راست کاورلر ایسه ایکسی دخی آرا به لریدن اینوب پیاده اوله رق جنک ایدرلر ایش .

بیوک محاربه لرده جنک آرا به لری قوماندانلره یالکز بنک آتی خدمتنی دخی کورمکده ایدیلر . قوجه بر محرابی طولدیران جسیم اردولرک هرجهتنی کورمک ایچون قوماندانلر جنک آرا به لرینه بینه رک کررلر ایدی . بو جولانلرنده آرا به بی کندیبی سورمک ایله باشقه بریسی سورمک شان و شرفجه مساوی ایدی . زیرا بو آرا به لری قوللانق هرکشینک کاری اولمایوب جنکده مبارت صحیحه ناصل بعض ممتازلره مخصوص شانلردن شرفلردن ایسه جنک آرا به لرینی سورمک دخی بعض ممتازانه مخصوص اولان شانلردن شرفلردن ایدی . آرا به بی سورن دخی آتک ارقه سنده طوران جنکاور قدر معتبر اولوب بر قوماندان ایچون کندی آرا به سنی سورمک ایسه ذل اولق شویله طورسون زمانمزه کندی بینه یکی آتی قوللانمهی توعندن بر حرکت بر مهارت عد اولنور ایدی .

بورایه قدر ذکر ایتدیگمز جنک آرا به لری طوغریدن طوغری یه جنکده مخصوص شیلر ایدیلرکه بونلر اولجه دخی دیدیگمز وجهله ساده جه آغاجدن معمول و تزیناندن قاری ایدیلر . حال بوکه ینه جنک آرا به سی اولدقلری حالده جنکده قوللانمایوب محاربه دن عودتده تشکیل اولنان ظفر آلا یلرنده و یا خود سائر مراسم عسکریه ده قوللانق ایچون یک سوسلی آرا به لر یاییلور ایدی . هله روده ایمراطورلری زماننده عادتاً صافی آلتوندن و ذیقیت طاشلرله مرصع جنک آرا به لری دخی یابنلش لردرکه آلا یلرده ایمراطورلر بونلره قوشیلی اولان سکز اون حیوانی آله بیلدکارینه سوروب توزی دومانه قاتارلر ایدی ده یوز بیکلرجه اهالی و عسکر کمدیلرینی آلتشلار ایدی .


بر نقطه نظر دن جنگ آرابه‌لرینی بینک آتله‌رینه و بونلرک سوق و اداره‌سینی جندیله تشبیه ایله‌مش ایدک . بوتشبه‌مز پک طوغریدر . معلومدرکه جندیله‌لرکک اک عالی بدرجه‌سی آت جانبازلغه نجر اولور . ماهر سواریلرک آله‌بیلدیکنه قوشان آت اوزرنده اکر بوشالته‌لری و برآیاغی اوزنکیده اولدیغی حالده دیگر آیاغیله یر اوزرنده — آتک سرمتنه کوره — سکرک سکرک آدیملر آت‌ه‌رق یردن برشی آله‌لری وحقی یره آیاق باصمق‌سزین بیله اکر بوشالتمق نوع‌سندن برحرکتله اکیلوب یردن برشی قایمه‌لری و آله‌بیلدیکنه قوشان آتک اوستنده آیاغه قالمه‌لری والحاصل بو قیلدن بیک درلو هنرلر یامه‌لری آت جانبازلغتنک مقدماتی دی‌ک اولوب جانبازلر ایسه بوه‌نرلی برقات ده‌ا ایلویه کوتوروب آله‌بیلدیکنه قوشان آتک اوستنده پرنده آتقی درجه‌لرینه وارد یردق‌لری کبی جنگ آرابه‌لرینی سورمک دخی بویله بربرندن کوچ مراتبه قدر وارمقده ایدی . بعضاً جنگاورلر آله‌بیلدیکنه کیدن آرابه‌لر دن آشاغی به اینرلر و یاخود اوسرعتله کیدن آرابه‌لره بینرلر و بعضاً دخی آرابه او سرعتله کیدر ایکن حیوانلرک قوشیلی اولدیغی اوق اوزرندن یورویوب باشلری حذاسنه قدر کیده‌رک آتله تعرض ایدنلری قلیچدن کچوررلر ایدی . حال بوکه روماده غایت واسع آت جانبازخانه‌لرنده بوجنگ آرابه‌لری اوزرنده هر درلو رقصلر پرندهلر اجراسنه قدر مقتدر ارباب هنر کورونور ایدی . بویولده کی هنرلرک ، معرفت‌لرک ته‌لکه‌دن سالم اولمادیغی بدیهی و آشکاردر . آت جانبازلرندن تیه آشاغی یره دوشوب سقط وحقی هلاک اولانلر نادر اولمادق‌لری کبی جنگ آرابه‌لریله اجرای هنر ایدنلر دخی بو یولده کی قضالردن - سالم دکل ایدیلر . ۲ نومرولو شکلز بو قضالردن بریسی کوسترمکده‌در . بو شکل ویانه موزه‌سنده محفوظ بر طوپراق کوب اوزرنده مرسمدر . روما جانبازخانه‌لرنده درت آت قوشیلی بر آرابه ایله اجرای هنر ایدن کردونه سوارک دوچار اولدیغی قضایی کوسترر . آرابه‌نک اوق بزم کوزلرک آالشامش اولدیغی قدر اکلی ونسبتسز اولسی او هنورک بو اوق اوزرنده دخی کره‌سی ، قوشمه‌سی ، پرندهلر آتمه‌سی ایچوندر . ذاتاً جنگ آرابه‌لرینک اوق‌لری هپ بو مقصدله بویله یعی واکلی یاییورلر ایدی . آت‌لرک ایکیسی زمانمزدی کی ابکی آتلی آرابه‌لر کبی اوقه قوشولوب دیگر ایکیسی ایسه روم ایلی آرابه‌جیلرینک تعبیرنجه « لوغوی » اصولنده اوقسز اوله‌رق یان طرفله قوشولورلر ایدی . ایشته کوربیلورکه آرابه دویرلمش ، اوق

هوايه قالمش، آرابه جي یره سريلش، اوقه قوشيلان ايکي آتله ديز اوستي دوشوب لوغوبلرک بريسي شاخلامش وديکري آرابه نك صاغ طرفندن صول طرفنه قدر فرلامشدر. خدمه دن بريسي امداده قوشوب يالکز شاخلانان آتي ضبط ايتمه چالشسيور. يالکز دزت بارکيرلي بر آرابه نك اداره سي بو يولده کي قضاره سببيت کوستره جک قدر مشکل اولورسه اون بارکير قوشيلي آرابه لرک و بو خصوص خيال اوليوبده صحیح اولق لازم کلديکي صورته يکرمي آتيليرينک اداره سي نه بيوک هنر اوله جني ملاحظه يه محتاج قالور.


جنگ آرابه لری حقنده بورايه قدر وپرديکمز معلومات يالکز يونان قديم ايله روماليلرده کوريلن احوالندرلر. حال بوکه ايرانيلر آسييا ملل قديمه سي نزدنده بوجنگ آرابه لرينک محاربه لرده موجب اوله بيله جکاري تخريبات برقات دهها آرتديرلمش ایدی. آرابه نك اوق اوچنه جسيم بر فارغی تیموری ربط اولنور ایدی که اوکنه راست کله جک انسان وحيوانی دلسون ديه. ديشکک ايکي اوچلرينه دخی طرفان تیمورلری باغلانور ایدی که برجم غفير ايچنه هموم ايدلديکي زمان بونلر انسانلره وحيوانلره چارپسونلرده کسسونلر بچسونلر ديه. الحاصل آرابه لرک شوراسنه بوراسنه چنکالر طاقيلوب تخريبه اولان استمدادلری آرتديريلور ایدی. اسکندر کبير ايران شاهی دارا ايله آسيای صغراده محاربه ايتديکي ائنده بو آرابه لری ايرانيلر اسکندر اردوسی عليهنه استعمال ايتمشلر ايسه ده يونان مورخلرينک روايتلرينه کوره اسکندرک معلم ومنتظم اولان عسکرينه قارشو بوشيشلردن چنکالردن وظرپان تیمورلردن همان هيچ بر استفاده ايدماملر. اردبيل ميدان محاربه سنده اسکندرک عساکر منتظمه سي اوزون صيرقلر ايله بو آرابه لرک او يولده کي اسلحه سنی پک قولای کسر وازاله يه موفق اولمشلر. بو اسلحه دن بر فائده مأمول اولسه آنلری يونانيلرک دخی تقليد ايدم جکاري درکار ايکن شایان تقليد بولماملر. فقط جنگ آرابه لرينی يوقاريدم تعريف ايله ديکمز ساده بر صورتده استعمال ايتمشلردر.

يونانک اک قديم شاعری اولوب اسناد اولنديغي فصرتاريخ قديمک قسم قهرمانيسنه منسوب بولنان هومر بالطبع کندی عهدينه قریب اواق لازم کان و «نیم معبود» عد اولنان برطاقم قهرمانلرک دخی جنگ عربهلری استعمال ايتمش اولدقلرينی يازمقده در. ارباب تاريخه معلوم اولديغي وجهه عند القدا «نیم معبود» عد اولنان ذوات هرکول، تهزه، بوللوقس، آشیل وقاستورکي


بنی نوعه خدمات قهرمانانده بولنش اولاندردرکه بولنرک شوخدمتلیخی تقدیر  
ایدن اهالی او خدمتلیک مکافات و کندی منتدارلقلرینک علاماتی اولق اوزره  
آنلری نصف معبود اولق درجه سنده تألیه ایتشلردر . ذاتاً بولنردن بوللوقس  
وقاستور و هرکول کبی بعضلری معبود اعظم ژوپیتته رک بعض نسوان اهل ارض  
ایله اجتماعلرندن متولد اولدقلری معتقد ایدی که یالکز شواعتقاد بیله بولنری  
نیم معبود عد ایتدیرمکه سبب اولیور ایدی . آشیل و تهزه کبی بعضلری ایسه  
قرال زاده اولقله برابر ژوپیتته ززاده لرک قهرمانلقلرینه مقابل قهرمانلق کوسترمش  
اولدقلری ایچون خلقک او درجه زاده تعظیمنه مظهر اولمشلردر . بو دوردن  
عصر لرجه مدت صوکره رومالیرک همان هر ایمراطوری تحصیل تألیه ایتش  
بولنهلرینه نظراً ادوار قدیمه یونانیه ده معبود زاده لرک نصف نسبتنده تألیه  
ایدله لرینه او قدر شاشمق بیله لازم کلز . بو فقره لرک بزم جنگ آرابه‌لری  
نقطه نظرندن حائز اوله جقلری اهمیت شو ادوار قدیمه یونانیه ایچون بیله  
آنلرک وجودی تخیل ایدلمش اوله سی جنگ آرابه‌لرینک پک چوق قدیمی بولندیغنی  
کوستردیکی ایچوندر . حال بوکه ینه هومر درجه سننده قدیم اولان دیگر  
شعرا یونانیه نک تصویر اتندن دخی اکلاشلدیغنه کوره بوس بوتون اهل آسمان  
اولدقلری معتقد بولنسان معبود و معبودلر ایچون دخی قدما یونانیه جنگ  
آرابه‌لری تخیل و تصوراتیشلرایمش . معبود اعظم ژوپیتتهر ایله آنک برادری اولوب  
زیر زمینده جهنملرک حاکمی عد اولنسان پلوتونک جنگ آرابه‌لرنده دردر آت  
قوشیلی اولدقلری تخیل ایدلمکده در . همده ژوپیتتهر سما کبی مضی و منور بر  
طالمک صاحبی اولدیغنی ایچون آنک جنگ آرابه‌سنده کی آنلر بیاض و پلوتون  
ایسه اسفل سافلین اولان بر عالم مظلمک حاکمی اولدیغنی ایچون آنک آنلری  
سیاه اولق اوزره تخیل ایدیلور ایمش . بولنردن ماعدا دیگر بعض اله واله لرک  
جنگ آرابه‌لرینه دخی منسوب اولدقلری طالمره و کندیلرینه اسناد اولنسان  
طالمره کوره حیوانلر قوشلدیغنی تخیل ایدلمکده در . مثلاً دیپیان معبوده سی  
ایچون تخیل ایدیلن جنگ آرابه‌سنه بعضاً ایکی آت قوشلدیغنی روایت ایدلدیکی  
مثلاً بو معبوده صید و شکاره نسبت ایدلدیکندن بعضاً دخی آنک آرابه‌سنه  
درت کییک قوشیلوب چکدکلری تخیل ایدلمکده در . کدکک ژوپیتتهرک زوجه سی  
اولان ژونون ازدواجلره نسبت اولنور بر معبوده اوله سیله وارکاک طاووسلر  
ایسه الوان کونا کون ایله مزین بر لباسه بورونمش بولنمه سیله طاووس کلینه




[شکل ۲]  
دوز قرمزی، اورتہ سی یشیل




[شکل ۱]  
دوز یشیل




[شکل ۶]  
دوز مائی، ہلالر بیاض



[شکل ۵]  
دوز قرمزی، ہلالر بیاض




[شکل ۱۰]  
قرمزی، ہلالر بیاض




[شکل ۹]  
قرمزی، ہلالر بیاض


[۸۳، ۸۲، ۸۵ صحیفہ لردہ کی تہہ یافتہ مراجعت]




[شکل ۲]  
دوز مائی، اورتہ سی صاری



[شکل ۴]  
طاقوزی یشیل، سکزی قرمزی چیز کیلر




[شکل ۸]  
دوز قرمزی



[شکل ۷]  
قرمزی، ہلالار صاری صیرمہ



[شکل ۱۴]  
اوچی یشیل، ایکسی بیاض



[شکل ۱۱]  
یشیل، ہلالار صیرمہ

وکلین دخی زونونه نسبت ایدیلهرک ژونونک جنک آرابه سنی درت طاووسک چکدیکی تخیلی حقیقه میتولوژی دورینه هاند اولان تخیلاتک اک کوزلرندرد. ینه بو قدر کوزلرندن بریسی ده معبوده مینه روانک جنک آرابه سنه بايقوشلر قوشلدیغی حقنده کی تخیلدر. «تعفف» نام رومانمزدده اوزون اوزادی یه شرح وایضاح نلنمش اولدیغی وجهله مینه روا عقل و حکمته منسوب اولوب بوملکه لک طرازی دخی بايقوش عد ایدلدیکندن مینه روا هیکنک یاننه دایما بر بايقوش قونلدیغی کی آنک جنک آرابه سنی بلوطلر اوزرنده بايقوشلره چکدیرمک دخی پک مناسب وپک لطیف دوشره. مرکور فصاحت و سرقت مؤکلی اولمقله برابر فصاحت و سرقتک نتیجه حاصله سی دیمک اولان تجارتک دخی مؤکلیدر. اویله دکلی؟ زیرا بر مشتیدن بش اون غروش زیاده چاریمق ایچون نه بیوک قومه اقتناعیه یه لزوم وارددر. طرز تجارت ایله قوج برعد اولمشدر. دریسنه توکنه کیکارینه بوینوزلرینه طرناقلرینه وارنجه یه قدر هر اجزاسی نافع و بناء علیه امتعه دن معدود اولدیغی ایچون تجارت یوزندن حاصل اوله حق ثروت و سامانک طرازی دخی آلتون ییساغیلی قوچدر. بوحالده مرکورک آرابه سنی ده درت قوچه چکدیرمک خیالی میدان آلمشدر. آپوللون معبودینه کلنجه گاه هاتقلره گاه اطبایه مؤکل اولوب کندیسنه شعر و صنایع نفیسه و حتی حیوانات سوریلری وکوندوز و آنک سبب حصولی اولان کونش دخی نسبت ایدلدیکندن قدرت ذاتیه سنده بویله برچوق ملکاتی جمع ایتش اولان معبود مرقومه طراز ایتک ایچون قومه خیالیه آنجق غریفونی ایجاد ایده ییلشدر. غریفون دنیلن مخلوق قولاقلری آت قولاغنه و فقط صاحبلی بالی قنادلرینه و باشی و قنادلری قرتال قوشنه و وجودی ارسلانه بکزر برانجوبه دره. بناء علیه آپوللونک جنک آرابه سنی ده روی سماده بو غریفونلر چکر دیه تخیل ایدلمشدر. الحاصل اهالی آسمان اولدقلری معتقد بولنان معبود و معبوده لک کافه سنه نسبت ایتدکاری شیلره و طراز عد ایلدکاری حیواناته کوره برر جنک آرابه سی و آنلره قوشبله حق حیوان تخیل ایدیله ایدیله نهایت ملاحت و جمال معبوده سی اولان. وه نوسک جنک آرابه سنه دخی هوا وهوسک و سودا و محبتک طرازی عد اولنان قومیلر قوشلدیغی تخیل ایدلمش و بو یولده کی تخیلاتی مصور اولان رسملردن بورسمک لطافتی آنی بومقاله یه درج ایتکه بزی تشویق ایله مه سیله ۳ نومرو ایله ترقیماً بو شکل دخی درج اولمشدر.



اشبو جنگ آرابه‌لی تاریخک یالکز ازمنه قدیمه قسمک مخصوصاتندن اولوب قالمشدر. تاریخک ازمنه متوسطه قسمنده برچوق آلات و ادوات حربیه ایجاد ایدلدیکی صرهده بر آره‌لق درت و آتی وحتی دهازیاده تکرارلکر اوزرنده متحرک و اخشابدن معمول حصار وقله کبی شیلر یا بلش وقلعه محاصره. لرنده برچوق آدملر بونلرک آرقه‌سنه کیزانه‌رک ایته ایته قلعه‌یه مطلوب اولان قربه قدر یا قلاشدیرلمش وبعده اوستنه چیقهرق اورادن قلعه محافظلرینه اوق و طاش آتلش ایسه‌ده بونلر استهماله غیر صالح اوله‌جق درجه‌لرده بطلال و آخر شیلر اولدیغندن واوزاجق یرله سو‌قنه او زمانک یولاری دخی مساعد اولمادیغندن قوللانیله مایوب ترک اولنمشدر. باروتک ایجادیله اسلحه ناریه حربک احوالی بانکابه دکشدیردیکی و طوبجیلق صنعتی میدان آلدیغی زمان طوب قونداقلرینه‌ک ایکی تکرلک اوزرینه بندیرلمه‌سی و بو‌حاله دیگر ایکی تکرلک اوزرنده موضوع اولان ججخانه صندیغنه ربط ایدلمه‌سی تجدیدات عصریه‌یه متناسب بر جنگ آرابه‌سی عد اولنه‌بیله‌جکی محتاج تفصیل دکلددر. و قعما اشبو طوب آرابه‌لرنده دشمن افرادی چیکسنه یوب از مک مقصدی بولنه‌ماز ایسه‌ده «جنگ آرابه‌سی» دنیلن شی بر واسطه نقلیه اولیوب بر سلاح دیمک اولدیغنه کوره بو صنعت طوب آرابه‌سنه دخی تمامیله تعاق ایده‌بیلمکده‌در. اسلحه جدیده‌نک اک قوتلیسی طوب اولدیغنه اشتباه ممکن اولمایوب بر طوبه قوشیلان آتی توانا بارکیر ایله طوب نومرولرینه‌ک (طوبجی نفرلرینه‌ک) برکچید رسمنده انسانک کوزی اوکندن مرورنده‌کی هیئت ازمنه قدیمه‌ده بر جنگ آرابه‌سنک مرورنده‌کی هیئته قات قات فائقدر.

طوبجیلق صورتنده جنگ آرابه‌لی الحاله هنده موده‌سندن دو شمش اولق شویله طورسون بونلرک کیت‌کجه اکیانه دخی سعی اولنمقده‌در. اخیراً فرانسه وانکاتره و باخصوص المانیا فابریقه‌لی بر طاقم سریع اتشلی صحرا طوب‌لی اعمال ایدره‌ک بونلرده اوقدر مکملیت کورلمکده‌در که بومکملیتلرندن کنایه اوله‌رق «ساعت کبی» دیمک دخی آز کلکده‌در. یکپاره چلیکدن معمول اولان اوقوجه و آخر استوانه همان برال طلبانجه‌سنده‌کی سرعت و سهولت قدر ایسته‌نیلن طرفله توجه ایدله بیلکدن فضله انداحتلرینه‌ک یکدیگرینه تعقیب‌لی دخی حادثا قویروقدن طولار تفنکر سرعتنده اولدیغنی کورنلرک حیرت‌لرندن پارمق‌لی اغزلرنده قالمقده‌در. قدماتک خیال پرور اولان شعرا‌سی بونلری کورسه‌لر ایدی

معایید مخیله لرندن هانکیلرینه بوارابه لرك هانکی درلورلینی اسناد ایده جکاری وانلری دیو نوعندن نه کبی حیوانات مخیله به چکدیره جکاری تصوراتنده دوچار حیرت اولورلرایدی . زیرا انلرك بیلدکاری جنك ارا به لری برادمك اوموزلا یوب قالدیره بیله جکی قدر خفیف اولدولرندن بونلری خیالخانه لرنده براز دهه . خفیفلندیرنجه قومریله دكل آ کابکاره بیله چکدیرمك ممکن کوریله بیلور . لکن اوزرندن چکدکاری قالدیرمك طاشلرینی صارصان بوکونکی جنك ارا به لری خیالخانه دهه براز دهه بیولتوب ا لاشدیرنجه ارتق اولور اولماز اتلره دخی چکدیرمك خیالی تباعد ایدر کیدر .

سریع اتشلی صحرا طوپلری بوکونکی جنك ارا به لری تشکیل ایتدکاری . حالده بزدن پك بعید اولمیان بر مستقبلك جنك ارا به لری مقدماتی دخی ایکی صورتده کورمك باشلاق .

بونلرك برنجی صورتی فلپین آظه لرنده آمریقا ایلرك شمندوفر خطلری اوزرنده یوروتدکاری جنك واغونلریدر . «آ کینالدو» نامنده بر چوجنك اطرافنه طوبلانمش دیگر بش ازن چوجقندن عبارت بولنان قوماندانلره تابع اون بش یکر می بیك قدر بر ایلرك حکومات متحده آمریقا کبی بر دولت معظمه نك تسلطنه قارشو کوستردکاری مدافعه شوپله بر سطحی نظرله دخی نه درجه لرده حیرت بخشای عقول ایسه محارباتک تفصیلاتنه طوغری سوق ذهن ایتدکجه بو حیرت برقات دهه آرتتمده در . واقعا فلپین جزائرنده میلیونلرجه اهالی وار ایسه دهه اورته دهه دونن اکاذیبیدن قطع نظرله حقیقت حالی یازان غزته لرك ویردکاری خبرله کوره فلپینلیرده کی تفنكک مقدراری اون بش ایله یکر می بیك آره سنده اولوب مهمات حربیه جه نقصانلری ایسه یا قه جقلری باروتی کندیلری اعماله مجبور اولق درجه سنده در . بر نفر مجروح ویا مقتول اولدقجه آنک تفنكکی باشقه بر صاغلام نفره ویرمك احتیاجنده بولندقلرندن محاربه میدانلرنده مجروحلرینی مقتوللرینی ترك ایده بیلدکاری حالده هیچ بر فنكک ترك ایتمك مجبوریت قطیه سی آلتنده درلر . طوپلری دخی آمریقا ایلره نسبتله ینسه بویله همان یوق درجه سنده در . آمریقا ایلره کلنجه طوپ و تفنكک اک مکمللریله مسلح اولدقندن فضله نهرلر ایچنده کردیردکاری طوپ چکر دوبهلردن ماصدا شمندوفر خطلری اوزرنده کزدیرمك ایچون دخی جنك واغونلری یامشلردر . بو واغولر میل اوزرنده دونر و بر عدد طوبی حاوی اوفاجق بر



چنگان غازی سلطان مصطفی خان ثانی حضرت‌لی

قله شکننده اولوب بر لوقوموتیفه ضربوطاً خطلر اوزرندن ایسته‌نیلن محله قدر  
سوق اولنورلر واوراده زرهلی قله صورتشده هر طرفه طوب آتیه‌یلورلر  
ایمش . روایت کوره آمریق‌ایلر هر زرده ملیپینیلرله غلبه ایده‌یلشله ایسه  
بو چنگ و اغونلری سایه‌سنده غلبه ایده‌یلشله و آلدقلری یرلی دخی آنجق  
بونلرله مدافعه و محافظه ایتمکده بولمشلردره بو خبر اورویایه انتقال ایدر ایتمز

بعض فابریقه جیلرک او یولده جنک واغونلری یامغه نیتلندکلی غزته لک جمله روایاتندندر. شمندوفر دنیلن شی بو عصر ترقینک یوللری وواغونلر او یوللرده سیر و حرکت ایدن آرابه لری ولوقوموتیفلر دخی بو آرابه لره قوشدقلری آتلی اولدیفندن شو جنک واغونلرینک عندالقدماستعمل اولان جنک آرابه لریندهده عندالمعاصرین قوللانیلان طوب آرابه لریندهده خیرالخلف عد اوانه جقلری درکاردر .

مستقبلک جنک آرابه لرینک ایکنجی صورتی ده انکتردهده ظهور ایتمش دیه خبر آلدق. معلومدرکه اوره پاده بر زماندن بری « اوتوموبیل » نامیله کندی کندیسنه کیدر برطاقم آرابه لر ایجاد اولنه رق استعماله باشلانمشدره بو آرابه لر بارکیر قوتیله دکل الکترقی قوتیله تحریک ایدلمکده درلر . بعضلری یالکز بر ایکی آدم کوتوره بیله جک درجه لده نارین ایسه لده بعضلری یکر می اوتوز آدم ویا خود ایکی اوج بیک اوقه یوک کوتوره جک قدر متین وقوی اولیورلر . اورالده بوتون یوللر شوسه یه تحویل ایدلمش اولدقلرندن بو آرابه لر شوسه لر اوزرنده فریح فخور سیر وحرکت ایده بیله کدن ماعدا شوسه سز یرلده ومثلا بیچلمش برترلا ویا خود غیر منتظم بردره ایچنده دخی سوکوب کیده بیلیورلر . انکلیز ارکان حربیه سندن بر ذات شو اوتوموبیل طرزنده بر طوب آرابه سی یامغی دوشونمش . بر دکل بر قاچ دانه سنی یامش . طوبجی ضابطانی حضورنده تجربیه دخی اولمش ، فزته لر مطلوبه موافق چیقما دیغنی سویله یورلر ایسه ده حقایق احواله اطلاع دعواسنده بولنان مخبرلر بو سوزلری کتم اسرار ایچون اویدیرلمش بر سوز عد ایدیورلر . لکن بو کتم اسرار دن نه فائده حاصل اوله بیلیور؟ بو کبی شیلرده اسالاساس آنجق بر فکردن عبارتدر . بر کره او فکر شایع اولدقدن سوکره بیک موجود بیک مخترع دوشونه دوشونه اوشیتک بیک درلوسنی یاپارلر . انکتردهده کی طوبجی ضابطی فی الحقیقه موفق اوله مامش ایسه باشقه یرده کی بر مهندسک موفق اوله بیله جکی ممکنات عادیه دندر . ایمدی یک یقین بر زمانی تخیل ایده بیلیورزکه بر فرقه ویا اردونک کچید رسمنده التیسر آت قوشیلی طوب آرابه لرینک بالدر کولدر کمال هیبت وعظمت ایله سرورلینه بدل قوجه قوجه طوبلری سسز صداسز اوتوموبیللر کوزلرینک اوکنندن کچیروب کوتورسونلر . لکن تماشاده کی لطافتک بزم طوب آرابه لرینده کوریلن

لطافت درجه سینه دکل آازمنه قدیمه استعمال اولنان جنک آرابه لرنده یی  
 لطفت درجه سینه دخی تقرب بیه ایده میه جکی حادثا شمیدن تخمین اولنه بیلوره



## عصر جناب پادشاهیده ترقیات عسکریه

تاریخ عثمانینک دلائله ثابت اولدینی اوزره عثمانلی دولتی بدایت تأسیسندن  
 بری بر دولت قویه عسکریه اولشدره. تاریخک تربیه عسکریه سی اک مکمل  
 اولوق اوزره کوستردیکی ملتر میاننده عثمانلیلر بو تربیه نك جلائل فضائله  
 مالکیته جدا تمیز ایتشدره.

استعداد عسکری عثمانلیلرده جبلیدره. ملل ساثره افرادینی بر تربیه مدیده  
 ایله عسکر ایتک لازم کادیکی حاده عثمانلیلری مکمل بر عسکر ایتک ایچون  
 بالکنز الارینه بر سلاح ویرمک کفایت ایدر. عسکرلکه اولان شو استعداد  
 مخصوصی سایه سنده درکه عثمانلیلر ادوار تاریخیه لرینک همومنده شرف و شان  
 عسکریلرینی محافظه موفق اولشدره. آنجق زمانمزده هرشیده اولدینی کبی  
 عسکر لکجه ده تحولات عظیمه وقوعه کلشدره. شجره فنون حاضره نك جمله سی  
 عسکرلک مرکز تکملنه طوغری کوک صالمش اولدینندن بر ملت افرادی  
 جبلة نه قدر استعداد عسکری بی حائز اولورسه اولسون ینه فنون عسکریه ده  
 تمامیه احراز مکملیت ایتسی ضروریات حکمنده دره. جنتمکان سلطان محمود خان  
 ثانی حضرتلرینک عهد هایونلرندن اعتباراً هیئت عسکریه منزی فنون عسکریه  
 ایله ده آراسته ایلک اوزره صرف اولنان همات عالیه جدا شایان شکران  
 بر مرتبه ده بولنش ایسه ده بو باده دخی اک بیوک موفقیات سائر جلائل  
 اجرات کبی عصرانور حضرت ملوکانه یه منحصر اولوق مقدر بولندیفندن خورشید  
 فکرت هایونلری هر خصوصه بو ملک ودولته بدرقه سلامت اولان پادشاه  
 منورالافکار افندمن حضرتلرینک اضافه عنایات جلیله ومجمله حضرت پادشاهیلریله  
 یکریمی بش سنه دن بری ترقیات عسکریه منز جدا رهین مکملیت اولشدره.  
 آنجق شو ترقیات عالییه بی بحق تقدیر ایده بیلک شعبات ترقی برر برر  
 تعداد ایتک ایله ممکن اوله جفندن اولباده معلومات آیه نك اعطاسی لازمه  
 خالدن بولنشدره.

عرفان حکمت نشان هایونلری قوای اساسیه ملک و دولته تقویت بخش اولوق جهت خیریه سنه معطوف بولنان ظل الله فی العالم افندمن حضرتاری جلوس میامن مانوس حضرت ظل اللهیلرینی متعاقب عسکرلکک تعالیسنه هر شیدن زیاده وقف آمال بیورمشلردر .

ثمره عنایات حضرت ملوکانهلری اولوق اوزره اول امرده عصر حاضر عسکرلککک روح الروحی عد اولنان ارکان حربیه تنسیقاتی ساحه آرای موفقیت اولمشدر . بو سایه ده درکه ارکان حربیه عثمانیه ده عسکرلککجه اک مترقی دولتارک ارکان حربیه لری کبی جسم جسم عسکریمزک قوای فکریه سنی تشکیل ایده جک بر مرتبه مکملیتی احراز ایده ایلمشدر .

ثانیاً انتظامات عسکریه یی جداً بر مرتبه بالاترینه ایصال ایدرک او باده بتون اورویا ملتیرینه تقدم ایتمک شرفنی احراز ایلش اولان آلمانرک معلومات وسیعه عسکریه سندن عثمانلی هیئت عسکریه سنی مستفید ایتمک جهت خیریه سنی ده جه دن اول لایح خاطر معالی مظاهر حضرت ظل اللهی اولمشدر . او زمان آلمانیا صندالی ایمبراطور یسنده بولنان ایمبراطور برنجی ویله لم کندی مملکتنده عسکرلکک احیاسنه موفق اولوق حسیه دولت ومملکتک تربیه ومعارف عسکریه سنی رهین مکملیت ایده جک اسباب ووسائلی تخری بیوران مقاصد جلیله جناب پادشاهینک نه قدر علوی اولدیغنی درحال تقدیر ایتمش اولدیغندن آمال علویت اشتمال جناب تاجداریه کوره امور عسکریه تنسیقاتنده افکار ومعلوماتلرندن بزى مستفید ایتمک اوزره کوندره جکاری امرای عسکریه یی حقیقه آلمانیا امراسنک الکناملری میانندن انتخاب ایله در سعاده کوندرمشلردر . بو امرای بنامک دلالت عرفانلریله بر طرفدن نظامات ودیگر جهت زنده معارف وتربیه عسکریه نک اکلنه او مرتبه صرف اجل همت بیورمشدرکه عصر جناب پادشاهینک بو بابده کی موققیاتی باشلی باشنه جلدلر طولدیرمغه کفایت ایدر .

صنوف ثلثه عسکریه نک تنسیقات اساسیه سنه جداً ابتدار ایددی . هله ارکان حربیه من هیئتک بر مرتبه مکملینه ایصالنه بالخاصه صرف اعتنا قلندی . مکاتب عالیه عسکریه مزدن یتشه جک ضابطان ایله بالخاصه ارکان حربیه ضابطانک معلومات نظریه وعملیه عسکریه ده احراز ید طولی ایتملرینی تأمیناً هیچ بر همت دریغ بیورمادی .

وقت حضر وسفرده احتیاجات عسکریه من نه ایسه برر دوشونیلوب بر طرفدن قانوننامه لری نشر و دیگر جهتدن بوقانونلرک جهات تطبیقیه سی توسیع ایدلدی. [°]

ارکان حربیه ضابطانمزدن مرکب هیئتلرک هر سنه حدود عثمانیه نك بر جهتنه سیاحت ایدرک توسیع معلومات ایتلری ، مواقع مهمه عسکریه نك مدافعه سی ایچون ایجابات فن حرب نه ایسه آنلره کسب وقوف ایتلری تأمین ایدلمش اولمق اوزره آلمانیا وسائر اوروپا دولتلری اصولنده ارکان حربیه سیاحتلری ترتیب ایدلدی.

هیئت عمومی عثمانیه کبی هیئت عسکریه منری ده هر درلو ترقی و تمالی په مظهر بیورمق آمال بجمله سنی حائز بولنان شهریار منورالافکار افندی منر حضرتلری ترقیات عسکریه من ایچون بو قدرینی ده کافی کوره مدکلرندن بر طرفندن ده اجمال فنون عسکریه ایتلک اوزره هر سنه آلمانیا په کایتلی ضابطان وطلبه ارسالی امر و فرمان بیوره رق بو صورتلده معارف عسکریه منرک ترقیسنه بیوک بر شاهراه عرفان بناه کشاد بیورمش اولدیله.

شو تشبثات عالیه نك یکرمی بش سنه ظرفنده حاصل ایلدیکی نتایج مشکوره بی شویله جه نظر اجمال اوکنه آله حق اولور ایسه ک محضا آبیاری عنایات جلیله جناب ولی النهمی ایله پرورشیا ب کال اولمش بر هیئت متفنه ضابطان کوریرز که بو هیئت بوکون عثمانلی دلاورلرندن مرکب اردولره میادین نصر وظفرده شان آلدیرمغه کفایت ایدر. [°°]

عصر جناب پادشاهیده نفراته وارنجه په قدر تمیم معارف جهتی ده التزام بیورمش اولدیغندن طرف طرف آلائی مکتبلری کشادیله پک بیوک ثمرات موفقیت آیات اقتطاف ایدلمشدر.

### اسلحه و مرزومات صریه نك تجرید و تشریحی

لطف جلیل خیریت دلیل جناب پادشاهی معارف عسکریه منرک تمیم و توسیعی ایچون هر درلو وسائلک ستمکمالنی تأمین بیوردندن صکره عساکر منصوره

[\*] اخذ عسکر، تدارک و شرط نقلیات عسکریه و سفر بربلک نظامه منسی وسائر کبی.

[\*\*] یکمکی بونان معارف منی بونک دلیل جلیله در.

حضرت ملوکانه لرینی نوایجاد اسلحه مکمله ایله ده تجهیز و مهمات حربیه یی تزیه بیورمق جهتیه ده التزام بیورمشلردر .

بونک ایچون شرفیاش صحیفه اصابت اولان امر و فرمان معالی اقتران حضرت تاجداریلری مقتضای جلیله آلمانیدن صوک سیستمده تفنک جلبنه ابتدار اولنوب اولبایده ماوزر فابریقه سیله مقاولات مخصوصه عقد ایدلمشدر . مذکور فابریقه دن آلمان تفنکر اول امرده بیوک چاپلی اولدینی حالدده صکره دهاکوچک چاپلی تفنکرک دیکرلرینه فائق اولدینی تحققی الملی اوزرینه برملیونه قریب کوچک، بیوک چاپلی ماوزر تفنکی جلب ایله دبویلره یرلشدیرلمش [\*] و بونلره لازم اوله جق مهمات حربیه ده یدرینی بالاشترا حفظ اولنمشدر . نمره عنایات جلیله جناب پادشاهی اولق اوزره بو کون حکومت سنیه نیک تفنک و مهمات حربیه جهتیه اولان استحضاراتی اعصار سابقه دن هیچ برینه نصیب اوله مش درجه ده مکمل بولنیور .

حالبوکه وسائط حربیه نیک استکمالی حقنده تعاقب ایدن عنایات سنیه یالکز نواصول تفنکر ایله مهماتنه منحصر قالیوب بر طرفدن طویجی صنفنک طویلری و دیکر جهتدن سواری صنفنک حیوانلری ده تجدید اولنهرق طویجیلر مزه اک صوک سیستمده طویلر و سواریلر مزه ده اک توانا حیوانلر یرلشددر .

### مهمات عسکریه نیک تکمیری

تفنیقات جدیده عسکریه مزه موجبجه قوه عمومیه عثمانیه نیک هر درلو وسائط استکمالیه یی تأمین اولنمق لازم کلدیکندن علی الصوم ردیف دواثرنده مکمل دبویلر وجوده کتیریلرک هر ردیف طابورینک ارکانی، اسلحه و مالز مه سی مکملاً بورالده جمع ایدلمشدر .

طرف طرف وجوده کتیریلن، قشله لر، خسته خانه لر، ججه خانه لر، استحکامات و مکاتب عسکریه و حدودلرده کی استناد قله لر یی تمداد اولنهرق اولسه مقداری بیکره بالغ اولور .

[\*] مذکور تفنکر یونان محاربه زائله سنده عساکر شاهانه نیک برقه مننه توزیع اولنوب

میدان محاربه ده تجربه لر یی اجرا قلمشدر .



یالکز درسمادته حیدر پاشاده در دست انشا بولنان جسیم مکتب طیبه شاهانه شمدی به قدر ممالک عثمانیه ده امثالی بولنمیان ابنیه عالیه وجسیمه دن اولوق حیثیتله منار فخر اعصار اوله حق بر اثر کرین تشکیل ایلر.  
بوکون ممالک واسعه حضرت پادشاهینک هیچ بر نقطه سی بولنمزکه اوراده کی مؤسسات عسکریه نك بالا سی طغرای غرای حضرت پادشاهی وآرمه عثمانی ایله مزین وموشع بولنسون!

### مطلب عسکریه ماکردانک تکمیری

عصر منور حضرت پادشاهیده عسکرلکک قات قات فضله اولوق اوزره اکتساب ایلدیکی شرف ومزیت بو سلك جلیک نظر اهالیده ذاتاً نك عالی بولنان قیمتنی دوبالا ایتمش اولدیغندن اهالی عثمانیه جه اولادینی مکاتب عسکریه ده تربیه ایتدیرمک خصوصی او مرتبه مظهر رغبت اولمشدرکه هر سنه مراجعت ایدن شاگردانی استیمابه مکاتب موجوده عسکریه نك بنالری کفایت ایده مدیکندن سنه بسنه توسیعات اجراسنه لزوم کورونیوره.  
مکاتب عسکریه مزده اوچ درتیوز موجودلی صنفلر نك چوقدره حالبوکه رغبت حاضره شمدیکی درجه سنده قالیوب سنه دن سنه به افزایش پذیر اولمده بولندیغندن سایه معالیوانه حضرت جهانداریده مکاتب عسکریه مز دهها زیاده رونق پیدا ایده بیله جکدره.

### بیاده عسکرلکک ضهف درجه سنه تربیری


پادشاه موفق وسایه جلیل رب الفلق افندمز حضرتلرینک تقویه مبنای عسکریه وتزید قوم جنودیه دولت علیه بی تأمیناً اجراسنی امر وفرمان بیورمش اولدقلری تنسیقات جلیله جهانک اک مقتدر معلمین عسکریه سنندن معدود فوق درغولج پاشا حضرتلری کبی امرای مقتدره نك اضافه همتلریله پیدرپی موقع اجرا به قونیلهرق احتیاط، ردیف، ومستحفظ ترتیباً تمز اولدن قات قات مکمل برحاله کلش ایدی یونان محاربه زائله سنده بکره تعالی احراز اولنان موفقیات متوالیه هب او مکملیتک نتایج مستحسنة سنندن وهنایات مجله

جناب ملڪداري آثار مشڪوره سندن اولوب ظل الله في العالم افندمن حضرت تيرينك سايه معاليوايه جناب پادشاهيلرنده آوازه شان وسطوت سلطنت سنيه لري واصل اعلاي عليين اولمشدره.

يونان محاربه سنده هر درلو تكملات عسكريه من رهين مرتبه ثبوت اولمغه برابر اوروپا اور دولرينك بر قاندها تزبيدي و تأمين تكملې باشنده على الدوام صرف اولنان مساعي نظر دقته آله رق سلطنت سنيه عثمانيه جه دخي قواي عموميه جنوديه نك لزوم تزبيد و تكثيري حس ايدلمش اولديغندن شرفپاش صحيفه اصابت بيوريلان امر و فرمان جناب ملڪداري منطوق منيف تاليسي تنفيذاً مقام معلاي سر عسكريه اجلال انداز ايهت و اقبال اولان دولتو عطف و فتلو رضا پاشا حضرت تيرلي دولتو فون درغولچ پاشا حضرت تيرينك پكنده نشر اولن بر مقاله عسكريه لرنده بيان بيورد قلري وجه ايله سفر برك نظامنامه سنه توفيقاً رديف و مستحفظ دورلرينك بالجله اسكي صنف لرنده بولان فضله و قابل سوق و استخدام افراددن تشكّل ايتك اوزره علاوه طابورلري نايله بر تنسيق مهم عسكري اجراسنه موفق اولمشركه ينه مشاراليه فوز درغولچ پاشا حضرت تيرينك ديدكاري وجه ايله بو طابورلرك تشكيلي وقت سفرده و قطعي بر محاربه وقوع بوله جنبي زمانده جلب و سوق ايديله جك صوك بر قوده كلييه وجوده كلمسي تأمين ايلمشدره بالعموم اردوي هايونلر دائره لرنده تشكّل ايدن علاوه طابورلرينك مقداري ۶۶۶ يه بالغ اولمشدركه بو وجه ايله عثمانلي اردوسنك قوه عموميه سي بر نصفي درجه سنده تزايديتمش يعني سلطنت سنيه نك وقت سفرده ۱۳۴۸ طابورلق بر قوه عظيمه عسكريه سوق و استعمالنه قدرتياب اولسي امكان داخلنه كيرمشدره.


شو حسابه كوره هر طابورك موجوديني سكر يوز اولمق اوزره فرض ايدنه جك اولور سهق ياكيز بياده قوتمز بر مليون يوز بيك كشي راده سني بولمش اولور .

سوارينك تزبيدي حقنده اك صكره اتخاد بيورلمش اولان مقررات مصيبه يعني سواري رديف تنسيقاتي ده نظر دقته آله حق اولور سه جلائل موفقيات بر كزیده حضرت ظل الله انظار شكرانده دها زياده جلا ساز اولور .  
قواي جنوديه عثمانيه بي بو مرتبه كاله ايصال ايدن مؤثر عالي ملوهمت ملڪداريدن بنقه بر شي دكادره.



(شکل ۱)

[تعریفاتی ۹۴ نجی صحیفه ده]



(شکل ۲)

[تعریفاتی ۹۷ نجی صحیفه ده]

فون درءولج پاشا حضرت تلمرینک «مایتار و وحنبلاط» غزته سیمله نشر ایتمش  
 اولدقلری مقاله ده بیان ایلدکاری وجه ایله عثمانلی قوای عسکریه سفی بویله  
 برتدبیر محیرالمقول ایله ضعف درجه سنده تزید ایدیش بتون جهان عسکرینی  
 حیرتده پراقه جق بر موافقت اولشدر .

## اوبوس آلايلرى تشکيلونى

و

### هنس فرسك اصوميد مارال تشکيلي

اوروپاچه ترقیات عسکریه نامنه هر نه وجوده کایرسه بونلرک درحال بزجده موقع تطبيق واجرايه وضعنده التزام مسارعت ايدلك مقتضای امر واراده اصابت حاده حضرت ظل الالهيدن اولسيه بوندن اوج درت سنه اول طوپچيلىق تنسيقاتمرك مدار استكمالى اوله رق اوبوس آلايلرى ده تشکيل بيورلمش ایدی . بو آلايلرک تشکيلي قوه جنوديه سلطنت سنیه نك بر سلاح مکمل ايله دها تجهيزيني وبو يوزدن مکنت وشوکت عسکریه نرک تکميلي تأمين ايلش اولديغندن بوبابده کی موفقيات جناب پادشاهی ده مستلزم شکران اوله جق درجه يي بولمشدر .

طوپچی وسواری يه شمدي يه قدر اقتضا ایدن حیوانات مجارستاندن روسيه دن اشترا قلمش واوبابده کی لوازم عسکریه نر سايه مکملیتوايه حضرت تاجداریده تمام واکمال قلمش ايسه ده نخبه آمال خيريت اشتمال حضرت پادشاهی ممالک محروسه داخلنده جنس فرسك اصلاحیه مطلوبه موافق حیوانات يتشديرلسی وبو يوزدن ده خارجه عرض احتیاجدن وارسته قالمسی جهت مهمه سنه معطوف بولنديغندن ره مونت آلاي تشکيلي وچفته لر چفتلك هايوننده بر مکمل حارا وجوده کتيرلسی صورتيله بوامنيه طاليه نك ده وسائل حصولی استكمال بيورلمشدر .

### طوپ وباروت وفشنگ فابريقه لر نك

مکمل مشربلسی

عصر انور حضرت جهانبايده ساحه آرای موفقيت اولدقلى بالاذه درج ستون افتخار وممنونيت قلمش اولان ترقیات واستکمالات عسکریه میاننده محضا اثرهت و عنایت حضرت جهانداري اولق اوزره طوپ وباروت وفشنگ

فابریقہ لرنجہ وجودہ کتیرین آثار موفقیقہ بالخاصہ بر آوردہ لسان تقدیر  
و منت ایلک لارمدر .

سایہ جلیل حضرت پادشاهییلرنده طوب ، باروت و فشنک فابریقہ لرنجہ لرنجہ الكصوك  
سیستمہ آلات و ادوات مکملہ ایلہ تجهیز قلنق ایچون تقدأ نه قدر فدا کارلق  
اختیاری ممکن ایسه اجرا قلنقش اولدیغندن بوکون طوبخانه حاسره فابریقہ لرنجہ  
قربوب طوبلرنجہ معادل اوله رق وجودہ کتیردیگی مختلف النوع طویلر حقیقہ  
مدار افتخار و مباحات اوله جق درجه ده در . بکن یونان محاربه سنده طوبخانه  
حاسره فابریقہ لرنجہ معمولاتندن بولنان طویلرک نه قدر ایشه یارامش اولدق لرنجہ  
بالتجربه ثابت اولدیغندن بزجه الكبیوک آثار موفقیات حضرت ظل الاهی میانده  
بولنلری ده امداد ایتک مقتضیات نعمت شناسیدنر .

•  
•

### تلفراف و شمندوفر بلوکاری تشکیلی

ترقیات حاضرہ عسکریه اقتضاسنجہ اوروپا دول بریہ سنک جملہ سی ، اردولرنده  
تلفراف و شمندوفر بلوکاری تشکیلی ایتش اولدیغندن ولی نعمت بیمنت افندمر  
حضرتلری بولوکارک اردوی هایونلرجه ده وجودہ کتیرلمسنی امر و اراده  
بیورمش اولدق لرنجہ اولجه تلفراف بلوکاری وجودہ کتیریلوب کسب مکملیت  
ایتش اولدیغنی کبی اخیراً شمندوفر بلوکاری وجودہ کتیرلمسنی ده فرمان بیوریله رق  
جق اک علوی ، اک مقدس مأثر مبروره جناب خلافتینناهییدن اولق اوزره  
انشای امر و اراده بیورلمش اولان خطہ مبارکه حجازیه شمندوفر خطنک ده  
مذکور بلوکار معرفتیه وجودہ کتیرلمسنی جملہ ارادات حکمت غایات جناب  
پادشاهییدن بولنمشدر .

حالبوکه تزید قوای جنودیه حقنده توالی ایدن آثار عنایات سنیه بولنره  
مخصر اولیوب ، لاه طابورلرنجہ تشکیلندن یدی سکز سنه اول ولایات  
بعیده شاهانه ده حال بداوتده بولنان و جندیلاک استمدادیه تولد ایدن قبائل  
و عنائر افرادینک ده تربیه متمایزه عسکریه و صفت فاخره جنودیه بی حائر  
اوله رق مرقات مدنیتده بدرجه دها یوکسله لرنجی تأمین ایدمک تدابیر اتخاذ  
بولنوب حمیدیه سوارزی آلایلی وجودہ کتیرلمسندی بو ترتیباتک منافع

وفوائدی آریجه شایان تذکار اولدیغندن بزبونی ده عطاوتلو احمد مدحت افندی  
حضرتلری طرفندن قلمه آلمش اولان بر مقاله مخصوصه ایله آتیده انظار شکران  
عثمانیانه عرضه لزوم کوردک :

### ﴿ حمیدیه سواری الایلری ﴾

پادشاه فاروقچاه شوکتلو افندمن حضرتلرینک تبه شاکره عثمانیه لرینک  
تربیه مدنیه سی امرنده موفق بالخیر بیوردقلری موفقیات سنیه ترقی پرور لرینک  
الکیوکلرندن بریسی « حمیدیه سواری الایلری » نک تشکیل امرامی اولدیغنه  
هیچ برهاتل قدرشناس شهه ایده منر . بو موفقیات عظمای ملوکانه نک قدر والاسنی  
شونقظه نظر حکمتدن تقدیر ایده بیلیرزکه : آسیای عثمانی و عربستان اهاالیسنک  
بریوک قسمی اصول معیشت قدیمه لری الجا آتیه قونار کوچر طاقدن اولوب  
شو کوچبه لک حالی انلرک تنظیمات مدنیه دن حصه مند اوله لرینه ممانعت کوسترمکده  
ایدی . مواسمه کوره حیوانلرینی بارندیروب رعی ایتمک ایچون یازین یا یلاقلره  
چیتمق وقیشین قشلاقله ایتمک مجبوریتندن طولایی بریده صورت دائمه ده  
ساکن اوله منلرکه اهایء مقیمه نک نائل اولدقلری انتظامات وترقیات ملکیه  
ومدنیه دن کندیلری دخی حصه مند اولسونلر . معارف ابتدائی دن بیه  
حصه مند اوله منلر ایدی . بونلر وادیء بداوتده پویان اولدقجه حکومت سنیه نک  
امن و آسایش همومی بی تأمین ایچون بذل و بیدریغ بیوره کلدیکی همم و عنایاتدن  
دخی حصه مند استفاده اوله میهرق کندی کندیلرینی ینه کندی کندیلرندن محافظه  
مقصدیه ذاتاً مسلح بولمغه مجبور ایدیلر . اوت ! ینه کندی کندیلرندن محافظه  
زیرا اهایء مقیمه نک بونلره تعرضلری تصویره بیه صیغمیوب قورقدقلری تعرض  
ینه کندیلری کبی اهایء سیاره طرفندن وقوه کله بیلک احتمالنه قارشو مسلح  
بولمغه مجبور ایدیلر . حالبوکه منازعه مسلحه یا کز کندی آرملرنده دخی  
قالیوب بعضاً اهایء مقیمه یه ده تعرض ایتدکلری کوریلور ایدی که شو حالده  
حکومت سنیه بونلرک تأدیبلرینه مجبر اولور ایدی . ایدی مقدار هم میسی  
میلیونلره بالغ اولان وجهه سی اسلامدن بولنان بو عشایرک قومشولری بولنان  
اهایء مقیمه یه تعرض ایده مدکدن فضله کندی آرملرنده کی منازعه یه دخی

نهایت ویردرک سلطنت سنیہ نك سایہ امن و حمایہ سندنہ یاشامہ لری و پیدرپی  
کندیلرینك دخی نعمت مدنیته تنیم ایتمه لری ایچون بر طریق اسلم بولمق  
شمدی یه قدر عادتاً هیچ برکسه نك خاطر و خیالندن بیله چکماش اولدیغی حالده  
بوتدیر عظیم مجرد شهریار حکمت آثار و خلیفه فاروق اقتدار شوکتلو قدرتاو  
پادشاهمز افندمز حضر تلرینك افکار حکمت آثار خسروانه لریله میدان تحفته  
چیتمش و ایشته اون اون بش سنه لك تجارب موفقیته کارانه بواصر مسعودده کی  
اصابی واضحاً و ماده کوسترمشدر .

زرد حکمت وفد ملوکانه ده بواهالی عشایر قوللرینك تربیه مدنیه لری ایچون  
بولنان تدبیر سلاح طوته ییلنلرینك منتظم عسکر صورتنده تنظیم و تنسیق  
وسواری ضابطانك تحت تعلیم و تربیه لرینه وضعی قضیه مهمه سیدر .  
بونی دخی شو نقطه نظر دن تتبع ایتمه لیدرکه : شهره ترقی و تمدنه یینه بیکی  
خطوه انداز سلوک اولان بر خلق ایچون خدمت منتظمه عسکریه اك بیوك  
مدار تربیه در . بو حالده کی بر خلقك اك نافع مکتبی قشالاردر . هر شینك عجمیسی  
اوله رق قشایه کن بر نفر مدت نظامیه سی ا کمال ایتمه کی زمان کویده براقدیغی  
همه شهر یلرندن هیچ بر یسنه قیاس قبول ایده میه چك قدر تربیه لی بر آدم اوله رق  
کوینه عودت ایدر . خدمت نظامیه نك تأسیسندن یعنی اوچ ربع عصر قدر  
بر زماندنبری ولایات اها لیسنك تربیه مدنیه لرینه عسکر لکک ایتمش اولدیغی خدمت  
اصلاً نظر اهل ایله تلقی اولنه مز عشایر اها لیبی ایسه صورت دائمه ده مسلح  
اوله لرندن طولانی ذاتاً خلقی و جبلی عسکر اولدقلرندن انلرک تربیه لرینه عسکر لک  
یولندن باشلامق حقیقه ده اسلمی بولمه میه حق بر تدبیر مستحسن اولدیغنه شبهه  
ایدیله مز .

ایمدی افراد عشایرک تحت تربیه عسکریه یه انمه لری بولنرک سمادت مدنیه لرینی  
تأمین ایلدکن فضلہ کندیلری ذاتاً آتلی اوله لری حسبیله ایوم قوم عمومیه  
عثمانیه یه التمش بش آلا ی سواری علاوه ایتمشدرکه نفع بر بالای نفع دیمک اولان  
شومنعت بتون افکار عسکریه اربابی دخی اك لطیف رحیرت منتدارانه ایله  
حیران ایلمشدر . زیرا صنوف عسکریه نك اك مصرفلیسی اك کفلیسی سواری  
عسکر ی اولوب بناء ملیه اك بیوك دول عسکریه نك بیله التمش بش آلا ی  
سواریسی بولمدیغی حالده بزم مجرد تدبیر جلیل جناب عبدالحمید غازیده نظامیه

سواریمزدن بشقه التمش بش آلائی حمیدیه سواریسنه نائلیمز قوه مدافعه منرک  
اهمیتنی پک زیاده آرتدیر مقده در .

معلومدرکه حمیدیه سوازی آلایلری میاننده ضابطان دخی اغلیبیتله کیندیلرندن  
تعیین اولنمقده ایسهده هر آلایده لزومی قدر نظامیه سوازی ضابطان وامراسی  
دخی موجوددرکه بونلر عساکر مذکورہ نك اصول نظامیه به آلاشدیرلرینه  
مأموردرلر . اوقات معینه سنده بلوک و آلائی تعلیملری اجرا ایدرلر . حتی بونلرک  
مانوره لرینی کورنلر انتظامات عسکریه لرینک درجه مطلوبه به چوقدن واصل اولمش  
بولندیفنی حکم ایتمکده درلر . فقط تربیه عشایر امرنده کی همت و عنایت جلیله  
جناب خلافتیناهی یا لکز بونلرک نظامیه صورتنده تنسیق عسکریلرندزده عبارت  
دکلدره . بر بیوک لطف و عاطفت سنیه بونلرک معارف جهتدزده تعلم و تربیه لرینی  
تحت تأمینہ آلمشدر .

بوندن مقدم حروف هجانک موجودیتندن بیله خبردار اولماق درجه سنده  
امیت حالنده قالمش عشایر نادر اولدیفنی خالدہ سایه احسانویه حضرت  
پادشاهیده بونلردن پک چوقلری نزدنده مکاتب ابتدائیه کشاد ایدلمشدرکه  
خانہلری کبی مکتبلری دخی قشلاقدن یا بلاغه و یا یلاقدن قشلاغه نقل اولنهرق  
اطفال اطفال عشائر بو مکتبلرده معارف ابتدائیه به نائل اولورلر . انجق لطفه  
واحسان پادشاهینک اک بیوکی در سعادتده کی عشیرت مکتبیدر . عشائر رؤسا  
و معتبراننک اولادندن یوزلرجه بیی در سعادتده جلیله بونلر بر مکتب حالیده  
حقیقه اولاد کباره لایق اوله جق بر صورتده اسکان و اکسا و اطعام و اعاشه  
ایدیلورلر و معارف تالیه دن بدأ ایله معارف عالییه به قدر تدریسات نافعه  
داخلنده تربیهلری اتمام اولنهرق یته عشیرتلری نزدینه عودت ایلدکاری زمان  
مؤدب، متمدن و یا عسکریه و یا خود ملکیه رتبه لرندن حالرینه مناسب بر رتبه  
ونشانی حائر و حامل اولدقلری خالدہ کیدرلر . خدمت عسکریه بی ترجیح ایتمش  
اولانلرک بعضلرینه فخری یاورلک عنوان سفخرتی دخی ویریلور . ایشته بو  
کنجملر کندی عشیرتلری اولاد و اهاالینک اکال تربیه لرینه سعی و غیرت ایتدی  
طرف سلطنت سنیه دن کوردکاری لطف و عنایتک مقتضای منتداریسنندن  
اولدیفنی فکر و غیرت نعمتشناسی و منتداریسی ایله کیتدکاری ایچون عهد قریبده  
اهالی سیاره منرک دخی تبعة عثمانیه کبی انوار معارفله منور و انتظامات مدنیه



ایله منتظم و مترقی برحاله کیره جکارینی اولا الطاف سبحانیه دن و متماقباً پادشاهمز ولی الامر والاحسان افندمز حضر تلیزیک مظهریت مخصوصه لرنده اولان موفقیات جلیله لرندن امید وانتظار ایلرز .

### ◀ زمانمز اسلحه سیله مر میلرینک تاثیراتی ▶

پارسلده « مجروحین عسکریه یه معاونت » جمعیتنک مرکز اجتماعنده ویریان برقونفرانسلده ( اوتل دیوو ) خسته خانه سی سریریات جراحیه مدیری طیب ( غازن ) زمانمز اسلحه سیله مر میلرینک مجروحین اوزرنده حاصل ایلدکاری تاثیراتدن بحث ایلدیکی صروده دیمشدرکه :

— زمانمزده اسلحه نك منزلی او درجه یو کسلمشدرکه. اوج بیک مترو مسافه دن وقتیه غرا تفنکنک یومشاق قورشونی بر آدمک وجودنده خفیف بر بره بیله وجوده کتیرمزدی . شمندی لوبل تفنکاربنک محروطی و سرت قورشونلری بر آدمک وجودینی دلیک دشیک ایده بیلور . لکن بو قورشونلر داخل وجودده تحویل شکل ایدوب پارچه لانمق صورتیه ملتهب قورشونلر کی تاثیر کوستریورمی کوستریورمی بوراسی شایان تدقیقدر .

اسلحه جدیده نك مر میاتیه وجوده کلن یاره لرده بر یایله استعدادی وارددر . قورشون نفوذ ایلدیکی محله کی اتلری پارچه پارچه خارجه فیرلاتمش اولدیغی کی ایچرلرده راست کلدیکی کمیکاری ده صیرچه پارچه لری حالنه کتیرمش بولنور شو احواله باقهرق حقوق بین الملل قواعدنجه استمالی غیر مجاز قورشونلر نوعندن اولدیغنه احتمال ویرمه ملیدر . بو قورشونلر مر میات ملتهبه دن دکلدرلر . فقط قوه نفوذیه لری زیاده اولدیغندن داخل اولدقلری وجودده بر کیکه تصادفله بونی پارچه لارسه بو پارچه لره قورشونک ویردیکی سرعت آنلرکده اتلر ایچنه نفوذ ایتمسه و بو صورتله یاره نك دائره سنی بویولتمکه باعث اولیور .

قورشونلرک طرز اعمالیه آتلمش اولدقلری مسافه یاره دائره سنک توسمی عدم توسمی امرنده بک زیاده تاثیر کوسترز .

اوجی کاملاً معدنی ایچنه برزار ایله مستور یکی نورمال قورشونلر ۲۵۰ مترودن  
 آزر بر مسافه دن نفوذ ایتمکجه او یله وسعتلی بر یاره حاصل ایده جک تأثیرات کوستر منلر .  
 بو قورشونلر ۳۰۰ ایله ۱۲۰۰ متر و مسافه آراسنده اسکی قورشونلردن ده  
 معین فقط دهها آز تهلیکلی یاره لر وجوده کتیریر . لکن مسافه چو فالدجه  
 قورشونلرک تأثیرات مخربه یی ده زیاده لشیر . عثمانلی یونان محاربه سی آراسنده  
 ۱۴۰۰ متر و مسافه دن نفوذ ایدن بر قورشونک بر کبکی اون یدی پارچه یه  
 آیردیمی ، ۲۰۰۰ متر و مسافه ده ایسه غایت مهلك یاره لر وجوده کلدیکی  
 مشاهده قلمشدر .

کوچک چاپلی تفنگلرک دانه لر یله حاصل اولان یاره لر ی تدقیق ایتمش اولان  
 جراحین عسکریه مذکور دانه لر داخل و جرده نفوذ ایدر ایکن بر مهحجه  
 شریانه تصادف ایتمکلی زمان موجب اولدقلری وسعتلی سیلان دمه بالخاصه  
 عطف نظر دقت ایلملردر . حالبوکه بویله بر سیلان عظیمک سبب وقوعی پک  
 قولایلقه آکلاشیله بیلیر . اسکی یومشاق قورشونلر شریانلری که جک یرده  
 آلری از لر و شریانلرده بر یاره وجوده کسه دخی قان پختیلری بونلری  
 قاپارل ایدی .

حالبوکه کوچک چاپلی تفنگلرک دانه لر ی پک زبده سرعتی حائر بولندقلرندن  
 تصادف ایلدیکی شریانی زنبرکه متحرک ایتمش کی دفعه کسوب قالدیره رق بو  
 صورتله سیلان عظیم وقوعسه میدان و پرپور . حالبوکه بو کی دانه لر غایت  
 کوچک اولوب نفوذ ایتمکلی یرلده آچدقلری مجرا دخی او نسبتده طار  
 اوله جفندن سیلان دم خارجه چیمتمق امکائی بوله میرب داخل یا تیلق صورتیه  
 وخامت جراحی بر قات دهها آرتدیریر . قورشون وجودینک بر طرفندن کیروب  
 اوته کی طرفندن چیقان آدم محتاج معاونت اولقنیزین ینه یوریه بیلیر . فقط  
 مجروح بردفمه یره دوشه جک اولورسه سیلان دم داخلی تأثیر یله بهمه حال اولور .  
 بعض اطبا محاربات مستقبله ده مجروحینک نصفی بو صورتله تلف اوله جفی اندیشه سنده  
 بولنیورلر .

ماتم قورشونلر کی تأثیرات مدهسه حاصل ایتمک آنجق دانه لرک نفوذ  
 ایلمکلی محله شکلرینی دکشدیروب پارچه لانملرندن ایلری که جکینی سولیشیدک .  
 زمانزده استعمال اولان قورشونلر اوزر لر نده کی معدنی زار لر مناسبتیه داخل  
 وجوده پارچه لانمق شایه سندن بر درجه یه قدر مصوندرلر . فقط بر جوق



(شکل ۳)

[تعریفاتی ۱۰۲ نجی صحیفه ده]

تجربه لر بونلرکده کیمکاره تصادف ایتدیجه پارچه لانه بیله جکارینی کوسترمشدر .  
چونکه اویله برحالده معدنی زار پارچه لانبوب حاصل اولان ثقبه دن قورشون اشکال  
غیر منتظمه ایله دیشاری یه پاییلقدده در .

فقط شو حال مستثنا کی برشیدر . اکثر احوالده کوچک چاپلی تفشکک  
دانه سی وجودک برجهتندن کیروب دیگر جهتندن خروج ایتسه ده مجروحک صفت  
حربدن چیمسنی مؤدی اوله جق قدر تأثیر کوسترمز . آفریقاده ساموری  
محاربه لرنده بولمیش اولان بیکباشی (توتن) سودانلیلری اتلاف ایتک ایچون  
برقاج دفعه جریحه دار ایتک لازم کلدیکنی سولمشدر .

اخیراً آلمانیا عسکری بودجه سنک حین مذاکره سنده حربیه ناظری جنرال

فون غوسل یدی میلیترو چاپنده پیاده یه مخصوص ماوزر تفنکنک بر درجه دها چاپنی کوچولتمک غیر ممکن اولدیغنی بیاندن صکره دیمشدرکه :

« اسپانیا تفنکاریله حاصل اولان یاره لک مذکور تفنکار غایت کوچک چاپلی اولسندن طولایی هیچ حکمنده بولنش اولدیغنی آمریکا اسپانیا محاربه سنده جالب نظر دقت اولمشیدی . بوکون ایسه ترانسوال محاربه سنده غایت اینی اولان بوئر تفنکارینک قورشونلریله وجودده حاصل اولان یاره لک پک خفیف اولدیغنه وپک آز زمانده التیامینیر اولتمده بولندیغنه دقت ایدلمشدر . شو حالده غایت کوچک چاپلی تفنکارک دانه لری انسان و حیوانات جسملرنده مدت مدیده دوام ایدمک درجه ده یاره حاصل ایتیمور دیمک اولور .

کوباده اسپانیوللرک یدی میلیترو لک قورشونلری وجودده یالکز اتلره تصادف ایتدیجکه پک آز تأثیر ایدیوردی . بو کیفیت حبش محاربه سنده ایتالیا نلرک ده نظر دقتنی جالب ایلدی . حتی بونلر سبب مغلوبیتلرینی آتدقلری قورشونلرک دشمنلری اولدیره مدیکنه عطف ایتک ایستمشلردر .

هندستانده چیترا ل محاربه سنده ده انکلیزلر قورشونلرندن ممنون اوله مدیلر . چونکه بو قورشونلرله برقاچ یرندن جریحه دار اولان یریلر برمدت صکره ینه میدان محاربه یه چیتور لر ایدی . بونک ایچون انکلیزلر دوم دوم قورشونلرینک استمهالنه لزوم کوردیلر مذکور قورشونلرک قسم محروطیسی منتهاسندن اعتباراً اوزرنده کی نیکل زاری چیقارمش اولدقلرندن بو کیفیت قورشون وجوده داخل اولور اولماز مانتارکی یاوانلق پیدا ایدرک ملتبه قورشون درجه سنده مهلک یاره لر وجوده کلسته باعث اولور . قورشون داخل وجودده متعدد پارچه لره انقسام ایدوب اطرافه یاییش اولدیغنی کبی اوزرنده کی نیکل زارده پارچه لانه رق اطرافه یاییلدیغندن داخل وجودده او قدر تخریبات وجوده کلیرکه قورشونک محل نفوذ و خروجی ارتق کورولمز . انکلیزلر اوزماندن بری دوم دوم قورشونلرینی تبدیل ایله انک یرینه اوجی اویوق قورشونلر استمهالنه باشلامشلردرکه تأثیرجه بو قورشونلرده دوم دوم قورشونلری درجه سنده درلر . مع مافیه انکلیزلر بو قورشونلری صرمیات ملتبه دن عدا ایتک ایستیمورلر . فقط مدنی برمت ایله حرب ایدمک اولورلر سه خصملرینک ده عین قورشونلری استمهال ایله جکرنده شبهه یوقدر .

الحاصل محاربات مستقبله ده فن جراحیك مداخله سنه میدان قالمقمزین سرعتله اولومی موجب اوله جق یاره لر چوق کوریله جکدر . فقط میدان حربده اولیوبده خسته خانهلره نقل اوله جق یاره لیلرک مضاد تعفن وحفظ الصحه قواعدینک حسن تطبیق سایه سنده کثرتله قورتاریله جقلمی ده محققدر . بوندن اوتوز سنه اول خسته خانهلرده شبهه سز اولن بیکرجه آدملرک زمانمزده محافظه حیاتی تأمین ایتمک ممکن اوله جقنی عالم انسانیت ایچون بیوک بر مدار تسلی اوله جقدر .

### اسلحه نئه نشانجیلنی

حقنده

#### بر ایکی سوز

معلوم اولدینی اوزره عسکرجه « اسلحه نئه » دینلدیکی زمان پیاده وسواری وطوبجی اولقی اوزره عسکرک صنوف اساسیه نئه سی اکلاشیلور . فقط نشانجیلقدن بحث اولدینی زمان بو تعبیرک مدلولی تفنک و طبانجه وطوب اولدینی بیلملیدر . ذاتآده تفنک پیاده یه و طبانجه ده سواری یه وطوب دخی طوبجی یه مخصوص سلاحلرکبی تلقی اولندیغندن صنوف نئه عسکریه یه « اسلحه نئه » تعبیری دخی بو نقطه نظر دن تنسیب ایدلمش اولدینی قویاً ظن ایده بیلورزه . زیرا تفنک سوارینک سلاح مخصوصی اولیوب حتی تفنکک کوچکی دیمک اولان فلنطه بیله سواریدن یالکز بر قسمه عائد اولدینی و اساساً مزراق و قلیج ایله مسلح اولان سوارینک ینه بونلر درجه سنده کی بر سلاح اساسی دخی طبانجه ایدوکی محتاج تفصیل اوله یان شیلردندر .

نیجه ترقیات علیه وصناعیه نمره سی اولقی اوزره زمانمزده عسکرلرکک آلمش اولدینی حال و صورته نظراً تفنکک اهمیت طبانجه شویله طورسون من جهة طوبه بیله تفوق ایتمکده در . زیرا طوبک کوره جکی ایش یالکز دشمن افرادی قیرمقدن عبارت قاله جق ایسه طوبلرک جسماتی انلردن منتظر اولان خدمت

ایله متناسب دوشمزه. واقعا درت بش بیک مترو مسافه یه قورشون کوتوره چک تفنک هنوز ایجاد اولمادیغندن دشمنی او قدر اوزاقدن قارشولامق ایچون طوپ دانه لرینه مراجعت ایدیلور ایسه ده بومراجعتدن دشمنه تلفات ویردیرمک امرنده پک آز بر فائده استحصال ایدیله بیلور. طوپ آتشنه رغماً پیاده ینه کندی سربیلرینک منزله قدر صوقولور. اندن صکره ایسه پیاده یه مقابل طوبجینک موقعی دخی کرکی کبی مشکلاته دوشر. الحاله هده آفریقای جنوبیده انکیزلر ایله بوئرلر آره سنده دوام ایدن محاربه تک تمه دیک بزه کوسترمش اولدینی اک بیوک مشالارک بریسی جنرال بولارک بوئرله اون بر قطعه طوپ تسلیم ایتش اولدینی ماده سیدر. تلغرافلرک ویردکاری معلوماته کوره بوئر نشانچیلری بو طویلری چکن بارکیلرک کافه سنی اولدور دکارندن انکیزلر حین رجعتده طویلره قوشه جق بارکیر بوله مامش لکه آنلری قاچیره بیلسونلر. بس بلای پیاده لری دخی پراکنده رجعت ایتدکارندن بویله زمانلرده مراجعت ایدیله بیله چک تدایردن اولمق اوزره بر طوپه بر بلوک پیاده قوشوب چکدیرمک یولنده کی صوک چاره یه دخی مراجعت ایدیله مامش اوله لیدر. ایشته تفنکک بو اهمیتنه مبنی نشانچیلقده آنک ذکر یی تقدم ایتک ضروریدر.

اهالی نزدنده تفنک استعمالی بزم عثمانلیق طالمنده شایع اولدینی قدر جهانک هیچ بر یرنده شایع دکلدرد. آرنالوودلر کبی اهالی ساکنه دن الکزده یوروکله کردلر کبی اهالی سیاره یه وارنجه یه قدر صنوف اهالیز بویلرینی تفنک ایله اولچهرک بویومک درجه سنده بزده تفنک چوقدر. صید وشکار محللاری دخی کبارک یدانحصارنده بولنه یوب عموم آو سراقیلری هر یرده آولانه بیلدکارندن بو دخی تفنک استهمالک شیوعنه یاردیم ایدر. بو شیوع بزدن بشقه هیچ بر یرده بولنه یوب فرانسه و آلمانیا وانکلترده عسکره کله یین اهالی بی دخی تفنکک آشدیرمق ایچون یوزلرجه نشانچیلق انجمنلری تأسیس ایدلش اولدینی حالده بیله عسکرلک نقطه نظرندن بولرک اوقدر فائده لری کوریله مامکده در. چونکه خلقک قسم کلیسنی تشکیل ایدن دوام طاقی بورالره یاناشه میوب بو نشانچیلق یالکز کبار طاقنه بر اکتبه اولمده وبولرکده حین محاربه ده اردولره هیچ بر خدمت ومنفعتی اوله میه جفی دائماً کورلمکده در. بناء علیه اورویا هیئات عسکریه سنده افراده تفنک ایله نشانچیلق اوکرتمکک پک بیوک اهمیت ویریلور. ازجه فرانسه ده بر نفرک هر سنه ایکوز یتش تفنک

آتمه سی نظامی اقتضاسندن اولوب بونلرک یوز بکر میسی قورشونلی  
 یوز الیسی قورشونسزدر . قورشونسز فشنگار «طاقم آتش» و «بلوک  
 آتش» و «تابور آتش» کی قوماندالی انداختلر ایله برده ایسته دیکی کی  
 طولدیروب آتمهده سرعت پیدای تعلیملرینه مخصوص ایسهده هر بلوک یوزباشیسی  
 کندی تحت تلمیم و تربیه سنده بولنلر افرادک بویوزدن اولان احتیاجنی بیله جکلرندن  
 قورشونلی قورشونسز فشنگارک عددنی ایسته دیکی کی ترتیب ایده بیلور .  
 لزوم کوررایسه ایکی یوز یتش فشنگارک نلنانه قدرنی قورشونلی اوله رق  
 آتدیره بیلور . لکن نشان تعلیملرینه بوقدر اهمیت ویرلدیکی حالدهده المارک  
 عسکرلری بزم عثمانلی افراد شجاعت نهادی درجه سنده نشانچی اوله بیلورلری ؟  
 بوکا هیچ بروقنده «اوت ۱» جوابی ویریله من ! زیرا بکر می یاشنه قدر تفنگ  
 کورمامش اولان برچفتجی به برچوبانه اوچ وباخصوص بش سنه خدمت نظامیه  
 ظرفنده واقعا عسکرلک اوکرتیله بیلور ایسهده قشلایه ذاتا کرکی کی نشانچی  
 اوله رق کلش اولان عثمانلی نفری قدر مکمل اوله میه جنی کی قشلا دن کوینه  
 کیتدکن صکره اوروپالینک نشانچیلی اونومه سنه مابل عثمانلی ینه کندی  
 تفنگنه عودت ایتش اوله جفندن افراد ردیفه و مستحفظه جه عثمانلیرک نشانچیلغه  
 هیچ بردولتک عسکرلی چیقیشه من .

بونلکه برابر زده نشانچیلی عموماً و مکمللاً حاصلدرده ارتقانی تکرار  
 تحصیله کیرشمک عبثدر دیه ادعا ایده بیله جکمی یز ؟ «قوت رمیده در» دیه  
 بر مقاله مستقلده بو صنعت شریفه نک طرف ذیشرف حضرت پیغمبریدن نه بیوک  
 اهمیتله امر و توصیه بیورلمش اولدیغنی کوسترمشدر . یالکز بوا مر جلیل جناب  
 رسالتپناهی بیله نشانچیلغه متمادیا و مستمراً اهمیت ویرمک خصوصنده کی مجبوریتیزی  
 بزه احساس ایدر . هله اسلحه ناریه نک بوکونکی مکملیتی اوروپانک انزوموقیتی  
 اولوب بوسلاجلری حسن استعمال امرنده ینه او مملکتک اورته یه قوبعش اولدیغنی  
 نظریاته هیچ بوجهه استغنا کوستره میز .

بعض مراملری ترس طرفندن اکلامق شانندن بولانلر برده حیت عثمانیه نی  
 فنکارک (شوونیزم) دیدکاری مرتبه افراطه واردیرمش اولورلرایسه شو  
 مقاله ده کی نیت خالصه منزه قارشو «مکاتب عسکریه مزده اونظریات مکمللاً  
 کورلیورمی که سزک سویله به جککز شیلره احتیاج کورلسون !» دیه بیلیرلر .  
 یز بویولده کی اعتراضات کج اندیشانه به جواب بیله ویرمک ایسته میز . یالکز

نیات خالصه اربابنه ایشک شوجھتی عرض و اخطار ایلرزه : « نوسال » من یالکز سلاک جلیل عسکریده بولنانلره و باخصوص عسکرلکی اکا مخصوص اولان مکتبلرده اوکرنلره مخصوص دکلدنر . فعلاً و ماده اومسلاک پرفیوضاته منسوب اولمه دقلری حال حسب الاسلامیه هموماً عسکر اولالمره دخی اوافق تفنک معلومات عسکریه و یرمک بونوساله ترتب ایدنلرک آمال اساسیه سندندر .

ایمدی تفنک انداز اوله جق برعجمینک انه تفنک ویرلدیکی زمان « درجه لی نشانکاه » نه اولدیغنی اکلایمق اداول ویریله جک درسدر . بونشانکاهک ماهیتنی بوراده تفصیله حاجت یوقدر . چونکه تفنک اوزرنده ماده کورلکده در . اوزرنده ۱۸۰۰ و ۲۰۰۰ متره یه قدر رقلر محکوک اولان بر مستطیلک اوستندن یوروین دمیر پارچه سنک اورته سننده برچنتیک واردرکه ایلک منظر یوچنتیک اولوب انی مستطیلک یوقاروسنه طوغری قالدیردقجه نقطه نظر یوکسلش اوله جقدر . برده تفنکک اوجنده کی « آرپه جق » نشان خطنی تشکیل ایدن ایکنجه نقطه اولوب صول کوز قپالی اولدیغنی حالده یالکز صاغ کوز ایله باقلدیغنی زمان نظر نقطه سیله آرپه جق و برده اوزاقده کی نشانکاه اوجی بر استقامتمده اوصاغ کوز ایله کوریله جکدر . اما بواوچ نقطه اوقدر بر حدایه کله جکدرکه اوجی بر حکمنه کیره جکدر .

اسکی یکی بالمله تفنکارده نشانجیلکک اس اساسی ایشته بواوچ نقطه یی صاغ کوزک شعاع مستقیم رؤیتی اوزرنده برلشدیرمکدن عبارت اولوب یکی تفنکارده نظرکاهک بویله یوکسله سی مسافه لرینک زیاده لکندن ناشیدر . ایکی بیک مترویه کیده جک اولان بر قورشون (سرعت ابتدایه سنه کوره) بش آتی ثانیه ده هدفه آنجق واصل اوله بیلور . بوقورشونه او مسافه یی بر خط مستقیم ایله قطع ایتدیرمکه امکان یوقدر . زیرا جاذبه ارض طرفندن مجذوبیت ایله اوقورشون هدفه وارمقسزین یره اینوب طوپراغه صاپلانور . آیاقده طوره رق تفنک آتان آدمک قورشونی تفنک آغزندن چیقدیغنی زمان باروت طرفندن او قدر سرعتله رفع ایدلیوبده تفنکک آغزندن طوغریجه یره دوشسه نه قدر زمانده دوشه جک ایدسه باروت طرفندن رفع ایدلیکی حالده دخی ینه او قدر زمانده یره دوشه جکدر . حالبوکه ینه اوقدر زمانده هدفه وارده میه جغمی ایشته آپ آشکاره کوریلورکه بر ایکی بوز مترو ایلروده طوپراغه صاپلانی ویره جکدر . بو حالده درجه لی نشانکاه ایله باقرق تفنکک اوجی یوقارویه



قالقه لیدرکه قورشون دخی اولا هوایه طوغری یوکسلوب بعده آشاغی یه طوغری اینکه میل ایدرک بر قوس شکنده کیتسون ده هدفه اصابت ایله سون. نشانک اس اساسی اولان بو ماده اسبی یکی بالجه اسلحه یه شامل اولدینی سویله مش ایدک. حتی یالکز تفنکه دکل فلنطه وطبانجه وطوب نشانلرنده دخی اس اساس بودر. لکن نفرک بو نقاط نلته یی او وجهله جمع ایده بیلمک اقتدارینی پیدا ایتمش اولدینی نه ایله اکلاشیله جق؟ آتدینی قورشونله اکلاشیله منر. چونکه او قورشونک هدفه اصابت ایتمه سی ایچون دها بر جوق اسباب واردر. بناء علیه نشان تعلیملرنده عجمی نفرک شو ایلك مهارتی پیدا ایدوب ایتدیکنی اکلامق ایچون «سه پا» استعمالی لازمدر. سویله که:

تفنک بر سه پا اوزرنده ثابتدر. نظرگاه ایله آرپه جفه وبرده اوزاقده کی هدفک نقطه سی نظرده متصل برلشدیریله جکنی عجمی نفره تعلیم ایتدکن صکره شو ثابت تفنک ایله او نقطه یه نشان آله سی تکلیف اولنور. نشانی آلدکن صکره معلم طرفندن باقیلور. اکثریا اوج نقطه تک جمع وتوحید ایدیله مامش اولدینی کوریلهرک تعحیح ایدیلور. دیمک اولیوزکه قورشونک اورمامسی اسبابنک برنجیسی نشانک بحق آله مامسی ایتمش. سه پادن بشقه هیچ بر واسطه بولنه مامشدرکه عجمینک بو یا کلشنی مهله کوستره بیلسون.

نشانجیلنک شو نقاط نلته تک جمی اساسی اوزرینه متفرع بعض جهات دقیقه سی دها واردرکه بروجه آتی آنلردن دخی بر بنده جک بجه لزوم کوردک. سویله که:

بر پیاده ثابت بر هدفه قورشون آتدینی زمان نظرگاه و آرپه جق ایله هدف نقاط نلته سی صاغ کوز شعاع نظرینک خط مستقیم اوزرنده جمع ایتک ایچون پیاده تک ایسته دیکی قدر وقتی واردر. لکن یا او پیاده بر مقدار مسافه دن کرک سرعتی کرک آهسته روش ایله کچمکده بولنان سواری اوزرینه آتش ایده جک ایسه نشانک بو درلوسی ساده بر نشانجیلق درجه سی کچور. دکلی؟ آوجیلق درجه سنه واریور. پیاده یه بو مهارتی ده قازاندیرمق ایچون متحرک هدفلر استعمال اولنور. بونلرک هر درلو تعلیمه مخصوص اولمق اوزره بر جوق درلوسی واردر. اما شو پیاده تعلیمی ایچوک اک موافق شودرکه:

میلانی تک آز اولان بر بایردن آشاغی یه طوغری بر مترو قطرنده بر سطح مستدیر یووارلانور. تفنک اندازل دخی بو سطح مستدیرک اوزرینه آتش

ایدرلر . روایتہ کورہ روسیہ دہ بو سطح مائل اینجه چک بر تیمور یولدن متشکل اولور ایمشده نشانکاه دخی اوافق تکرار لکار اوزرینه موضوع اوله رق بو یول اوستندن بورر ایمش . الحاصل نشانچینک کوزی اوکندن بووجهله سرور ایدن متحرک نشانکاه اوزرینه قورشون آتہ آتہ او نفر « قاچاره آتیجی » بر نشانچی اولور .

بو « قاچاره آتیجی » تعبیری آوجی تعبیرلرندندر . « اوچاره آتیجی » دخی او تعبیرلرندندر . آوجیلر دخی قاچاره آتمق ایچون بو متحرک هدفله تفنک آتمق صورتیله مشق ایدرلر . چوخقلغمزده برناپردن آشاغی یه یووارلاتدیغمز کستانه قباغی وایری قارپوز وسائر اوزرینه تفنک آتار ایدک . اوچاره آتمق مشقنی دخی بر اسکی فسی هوایه فیرلاتدیروب اکا تفنک آتمق صورتیله اجرا ایدر ایدک . بو تعلیمده ایلروله مش اولالمرضک یهورطه یی دخی اوره بیلدکلرینی درمیان ایدر ایسه ک مبالغه یه حمل ایتمه یکنر . زیرا بو حملکنر عد وقوفه عطف اولنور .

متحرک هدفلرک بر درلوسی دخی یوکسک بر آفاجک طالنه بر ایپ ایله آصلیلان هدفدر . بوکا بر حرکت رقاصیه ویریلهرک هدف صالحیاق کبی صاللانور ایکن اکا قورشون آتیلور . انجق بو هدفی تفنک ایچون نشانکاه اتخاندن زیاده طبانجه ایچون نشانکاه اتخاذا ایتک مناسبدر . ذاتاً متحرک نشانکاهلر پیاده نشانچیلغی آره سنده فصل مشترکدر . یعنی متحرک نشانکاهلری اصل سواری نفرینک فلنطه سی ایچون استهمال ایتمه لی و بونلره طبانجه ایله ده قورشون آتدیرمه لیدر . همده نفر یرده ایکن بو تعلیمه باشلاتیلوب بده آتہ بینش اولدیغی حالده طورر ایکن آتدیرمق درجه سنه وارهرق بو تدریج ایله حیوان یورور ونهایت قوشار ایکن دخی ثابت هدفله کرک فلنطه وکرک طبانجه ایله قورشون آتدیرمق درجه سنه قدر واریله بیلور .

سواری نشانچیلغنده کورمش اولدیغمز اک بیوک مهارتی اورفه ایله دیاربکر آره سنده کی چولده « رأس العین » نام محله اسکان ایدلمش اولان چیچن مهاجرلرینک بعض سواریلرنده کورمش ایدک . یره قونیلان بر ثابت هدفه طولو دیزکین حرکت حالنده تفنک ایله قورشون آتوب اورمق وبومهارتی طبانجه ایله ده کرک ترمک بونلرک عمومنده کوریلور بر نشانچیلق اولوب فقط بمضرنده التی آتشی ره وولور دخی وار ایدی ده بر صره یه دیزلمش اولان

التي ثابت هدفه التي قورشون آتهرق البته یاریدن زیاده سنی اصابت ایتدیره .  
 بیلورلر ایدی . هدفلر اوکندن طولو دیزکین بکر ایکن بو قدر نشانچیلق بزه  
 حقیقه خوارقندن کورندی . دیمک اولیورکه بونلر النده مکرر آتشیلر ماوزر  
 فلنطه لری بولنه جق اولسه انلرله ده هان بوکا یقین برمهارت کوستره بیله جکار .

طوپ انداختی نشانچیلغک مرتبه کالی عد اولنه بیلور . لکن طوپ وهدف  
 هر ایکسی ثابت اولق شرطیله ، طوپ نشانچیلغی تفنک نشانچیلغندن ده قولا ی  
 اوله جقنی ده خاطر دن چیقار ماملیدر . تفنکده اولدیغی کپی وقتسز بر نفس المق  
 وبر کوز قیق ایله نشانی بوزمق تهله کسی طوپده یوقدر . بونشانچیلغده دخی  
 اساس مهارت هانکی مسافیه آتیه جق ایسه اولا او مسافیه یی ممکن مرتبه  
 طوغری تخمین ایدرک درجه لی نشانگاه ایله ده طوپک باشنی اکا کوره قالدیر مقده درکه  
 طوپچیلر نزدنده دائما مکتبلی ضابطان بولنه جفندن بو خصوصده انلرک دلالتلرندن  
 پک بیوک استفاده اولنه جغی طیبمیدر .

فقط متحرک نشانچیلق طوپچیلغده دخی واردر . قلعه وکی طوپچیلغنده ا  
 اصل کوجلک دخی کمی طوپچیلغنده در . زیرا سواحلی مدافعه ایده جک اولان  
 قلعه طوپچیلری کندیلری ثابت اولدقلری حالده متحرک کیمیلر اوزرینه کولله  
 آتیه جقلر درکه واقعا بونده ده خیلی مهارت ایسترایسه ده کمی طوپچیلری کندیلری  
 متحرک اولدقلرندن سواحله کی قلعه ل ثابت اولدقلری حالده بیله انلر آتدقلری  
 دانه لری اصابت ایتدیره بیلمکده بیوک مشکلاته معروضدرلر . کمی یالیه حالنده  
 چالقانور ویا خود باش اورر ایکن نشان آلمق نه مشکل بر شی اوله جغی  
 دوشونیلور ایکن برده استقامت بولدیقلرندن صکره هانکی آنده آتش ایدملی که  
 دانه نک ترسیم ایده جکی قوسک مبدئی بولنمش اولسون ؟ ایشته مشکلاتک کوجی بودر .  
 ساحل طوپچیسنگ متحرک کمی اوزرینه ایده جکی انداخت پیاده نک متحرک  
 سواری اوزرینه انداختنه بکزر . زیرا آتالر ثابت ، هدفلر متحرک دیمکدر .  
 کمی طوپچیسنگ ساحل استحکاماتنه انداختی دخی سواری نک پیاده اوزرینه ایده جکی  
 انداختنه بکزر . زیرا آتالر متحرک اولدقلری حالده هدفلر ثابتدر . فقط  
 کمی طوپچیلرینک بر برینه قارشو ایده جکاری انداخت ؟ . . . اوت کیمیلرک  
 ایکسی ده متحرک ! بوده سواری نک یته سواری یه ایده جکی متحرک انداختله  
 بکزر ایسه ده مشکلاتی دیکرلرندن قات قات زیاده در . کمی طوپچیلغنده الک بیوک  
 نشانچیلق هموم انکار مسکریه اربابی طرفندن انکیز کمی طوپچیلرینه تسلیم اولمشدره .

ایدرلر . روایت کوره روسیه ده بو سطح مائل اینجه جک بر تیمور یولدن متشکل اولور ایمش ده نشانگاه دخی اوافق تکرار لکار اوزرینه موضوع اوله رق بو یول اوستندن بورر ایمش . الحاصل نشانچینک کوزی اوکندن بووجهله مرور ایدن متحرک نشانگاه اوزرینه قورشون آته آته او نفر « قاجاره آتیجی » بر نشانچی اولور .

بو « قاجاره آتیجی » تعبیری آوجی تعبیرلرندندر . « اوچاره آتیجی » دخی او تعبیرلرندندر . آوجیلر دخی قاجاره آتمق ایچون بو متحرک هدفله تفنک آتمق صورتیله مشق ایدرلر . چوخیقلمزده برنایدن آشاغی یه یووارلاتدیغمنز کستانه قباغی وایری قارپوز وسائر اوزرینه تفنک آتار ایدک . اوچاره آتمق مشقتی دخی بر اسکی فسی هوایه فیرلاتدیروب اکا تفنک آتمق صورتیله اجرا ایدر ایدک . بو تعلیملرده ایلروله مش اولالمرنک یورطه یی دخی اوره بیلدکلرینی درمیان ایدر ایسه ک مبالغه یه حمل ایتمه یکز . زیرا بو حملکز عد وقوفه عطف اولنور .

متحرک هدفلرک بر درلوسی دخی یوکسک بر آفاجک طالنه بر ایپ ایله آصیلان هدفدر . بوکا بر حرکت رقاصیه ویریلرک هدف صالنجاق کبی صاللانور ایکن اکا قورشون آتیلور . انجق بو هدفی تفنک ایچون نشانگاه اتخا ذندن زیاده طبانجه ایچون نشانگاه اتخا ذ ایتمک مناسبدر . ذاتاً متحرک نشانگاهلر پیاده نشانچیلینی آره سننده فصل مشترکدر . یعنی متحرک نشانگاهلری اصل سواری نفرینک فلنطه سی ایچون استعمال ایتمه لی و بونلره طبانجه ایله ده قورشون آتدیرمه لیدر . همده نفر یرده ایکن بو تعلیمه باشلاتیلوب بعده آته یینمش اولدینی حالده طورر ایکن آتدیرمق درجه سنه وارهرق بو تدریج ایله حیوان یورور ونهایت قوشار ایکن دخی ثابت هدفله کرک فلنطه وکرک طبانجه ایله قورشون آتدیرمق درجه سنه قدر واریله بیلور .

سواری نشانچیلینده کورمش اولدیغمنز اک بیوک مهارتی اورفه ایله دیاربکر آره سننده کی چولده « رأس الامین » نام محلده اسکان ایدلمش اولان چیچن مهاجرلرینک بعض سواریلرنده کورمش ایدک . یره قونیلان بر ثابت هدفه طولو دیزکین حرکت حالده تفنک ایله قورشون آتوب اورمق و بومهارتی طبانجه ایله ده کرک ترمک بونلرک عمومنده کوریلور بر نشانچیلایق اولوب فقط بعضلرنده الی آتشی ره وولور دخی وار ایدی ده بر صرعه دیزلمش اولان

التي ثابت هدفه التي قورشون آتهرق البته یاریدن زیاده سنی اصابت ایتدیره .  
 بیلورلر ایدی . هدفلر اوکندن طولو دیزکین کچر ایکن بو قدر نشانچیلق بزه  
 حقیقه خوارقندن کورندی . دیمک اولیورکه بونلر اننده مکرر آتشی ماوزر  
 فلنطه لری بولنه حق اولسه انلرله ده هان بوکایقین برمه هارت کوستره بیله جکار .  
 طوپ انداختی نشانچیلغک مرتبه کالی عد اولنه بیلور . لکن طوپ وهدف  
 هر ایکیسی ثابت اولق شرطیله ، طوپ نشانچیلغی تفنک نشانچیلغندن دها قولای  
 اوله جفتی ده خاطر دن چیقار ماملیدر . تفنکده اولدینی کبی وقتسز بر نفس المق  
 وبر کوز قیغی ایله نشانی بوزمق تهلکسی طوپده یوقدر . بونشانچیلغده دخی  
 اساس مهارت هانکی مسافه یه آتیه حق ایسه اولا او مسافه یی ممکن مرتبه  
 طوغری تخمین ایدرک درجه لی نشانگاه ایله ده طوپک باشنی اکا کوره قالدیر مقده درکه  
 طوپچیلر زدننده دایما مکتبلی ضابطان بولنه جفندن بوخصوصده انلرک دلالتلرندن  
 پک بیوک استفاده اولنه جنی طیبعییدر .

فقط متحرک نشانچیلق طوپچیلغده دخی واردر . قلعه وکی طوپچیلغنده !  
 اصل کوجلاک دخی کمی طوپچیلغنده در . زیرا سواحلی مدافعه ایده جک اولان  
 قلعه طوپچیلری کندیلری ثابت اولدق لری حالده متحرک کیلر اوزرینه کواله  
 آتیه جقاردرکه واقعا بونده ده خیلی مهارت ایسترایسه ده کمی طوپچیلری کندیلری  
 متحرک اولدق لردن سواحله کی قلعه لر ثابت اولدق لری حالده بیله انلره آتدق لری  
 دانه لری اصابت ایتدیره بیله کده بیوک مشکلاته معروضدرلر . کمی یالیه حالنده  
 چالقه انور ویاخود باش اورر ایکن نشان آلمق نه مشکل برشی اوله جنی  
 دوشونیلور ایکن برده استقامت بولدی رلدق دن صکره هانکی آنده آتیش ایدملی که  
 دانه نک ترسیم ایده جکی قوسک مبدئی بولنمش اولسون؟ ایشته مشکلاتک کوجی بودر .  
 ساحل طوپچیسنگک متحرک کمی اوزرینه ایده جکی انداخت بیاده نک متحرک  
 سواری اوزرینه انداختنه بکزر . زیرا آتالر ثابت ، هدفلر متحرک دیمکدر .  
 کمی طوپچیسنگک ساحل استحکاماته انداختی دخی سواری نک پیاده اوزرینه ایده جکی  
 انداختنه بکزر . زیرا آتالر متحرک اولدق لری حالده هدفلر ثابتدر . فقط  
 کمی طوپچیلرینک بربرینه قارشو ایده جکاری انداخت ؟ . . . اوت کیلرک  
 ایکیسی ده متحرک ! بوده سواری نک ینه سواری یه ایده جکی متحرک انداختله  
 بکزر ایسه ده مشکلاتی دیکر لرندن قات قات زیاده در . کمی طوپچیلغنده ک بیوک  
 نشانچیلق هموم انکاره سکر یه اربابی طرفندن انکایز کمی طوپچیلرینه تسلیم اولنمشدر .

روایت کوره انکیز کیلرنده بعض قدما و امکدار طوپیچیلر وار ایش که طالفه لی دکزلده بونلرک طوپ نشانچیلغنده کوستردکلری مهارت یوقاروده ذکر ایتدیکنز چچنلرک سواری نشانچیلغنده کوستردکلری مهارته قریب ایش .  
 نشانچیلغده مهارتک صوک درجه سنه واران بعض اوروپا کباری بومهارتی عادتا برنوع قوماربازلغه بوزارلرکه بو کیفیت عجیبه یه دائر زیزده کی «نشانچیلق قوماربازلغی» سرنامه لی مقاله منر بر فکر اجمالی ویره بیلور .

### نشانچیلق قوماربازلغی

«اسلحه نلنه نشانچیلغی» حقنده برایی سوزی حاوی اولان مقاله منرک صوکنده نشانچیلغده مهارتک صوک درجه سنه واران بعض اوروپا کبارینک بومهارتی عادتا برنوع قوماربازلغه بوزدقلرینی خبر و بو کیفیت عجیبه یه دائر شویله بر مقاله منر اولدیغنی ده بیلدرمشدر . انجق بو عجایب قومار او یوننی قارئلر منر حکایه ایتزدن اول اوروپانک بعض کباری نزدنده نشانچیلق مراقنک نه قدر ایلرویه کوتورلمش اولدیغنی حقنده بر فکر اجمالی اعطا ایتلی یز .

اوروپاده «دوئه للو» عادت عجیبه سی هنوز قالدیر یله مامش اولدیغندن دوئه للو ایسه اغلیت اوزره قلیج و میج و شیش و طبانجه ایله ایدلرکنندن اوروپا کباری اسقریم و انداخت تعلیم خانهلری دیمک اولان اسلحه سالونلرینه دوام ایله سلاح استعمالی مشقه کندیلرینی مجبور عد ایدرلر . لکن اسلحه سالونلری هر حالده عمومی تعلیم خانهلر دیمک اولوب دائره و دبده صاحی اولان کبارک کندی قوناقلرنده دخی خصوصی براسلحه سالونی بولنه رق عادتا هر صباح بو سالونده معتادی اولان درسی اکیال ایتکسزین خانه سنندن طیشاری چیمزلر . آتیمیلغی عادت ایدنمش اولانلر انداخت باطردیلری ایله خانه خلقنی بیزار ایتک ایسته منرلر ایسه هوای مضیق ایله قورشون آتان تفنک و طبانجه لردن تدارک ایدرلرکه بک اوغلنده هان دائمی حالنده بولنان تعلیم خانهلرده بونلر قارئلر منرک بک چوقلری طرفندن کورلمشدر . فقط دو مانسز و سس سز باروتلرک ایجادندن صکره بوکاده حاجت قالمش کیدر .

بو تعلیم خانهلرده طبانجه نشانچیلغی ایچون متحرک هدفلر دخی واریسه ده

«ماج» تعبیر اولنان قوما طرزنده اجرا اولنور بونشانجیاق مسابقه سندن عبارت بولنان مقصد ایچون اکثریا ثابت هدفلر ترجیح اولنورلر . زیرامتحرک هدفه بومسابقه نقطه نظرندن قورشون اصابت ایتدیره بیلک هر حالده بر اثر طالع عد اولنه بیایوب فقط ثابت هدفه اصابت ایتدیرمک طالعدن قطع نظر بر مهارت قطعیه صایبور . بویولده مشق ایدنلر میاننده بش آتشی برره و ولوه ره اسقامبیل کاغدلرندن بریشلی بی هدف اتخاذایدوب تمام انک شکلری اوزرینه بش قورشون اصابت ایتدیرنلر نوادردن دکادرلر .

ماج اویونی ایچون یاپیلان هدفلر دائره شکنده بر مقوادن عبارتدرکه مرکزینه برسینک رسم اولتمش وانک اطرائنه اکثریا الی دائره متحدالمرکز ترسیم ایدلمشدر . بوهدفک یاریسی بیاض و یاریسی سیاهدر . طیش دائره اوزرینه «۱» رقمی قونیلور بعده مرکزله طوغری هر دائره اوزرینه «۲» و «۳» و «۴» و «۵» و «۶» رقملی وضع اولنهرق مرکزده کی سینک دخی «۷» عد اولنور . ایشته بوهدف اوزرینه قاچ قورشون آتیه چق ایسه اولدن تعیین اولنوب مثلاً بش قورشون آنلقه قرار ویرلمش ایسه انلردن هربری هانکی نومرولی دائره یه اصابت ایتمش اولدیغنه کوره حساب یوروتیلور . بش قورشونک بشنی دخی «۱» نومرولی دائره یه اصابت ایتدیرن یالکیز بش صای قازانمش اولدیغنی حالده یالکیز بش قورشونک دردی نی برنجی دائره نك خارجه چیقارتوب بناء علیه غائب ایتمش اولان یالکیز بردانه سنی سینکه اصابت ایتدیرمش اولور . ایسه یدی صای قازانمش اولور . بعضاً دها اوست اولانلر هدفک بیاض قسمنه اصابت ایدن قورشونلرک قازانه و سیاه قسمنه اصابت ایدنلرک غائب ایته سی صورتنده بر مقاوله دخی عقد ایدرلر .

بو قومارده قازانچ ایکی صورتده تعیین اولنور . برنجیسی اورته معین بر مبلغ قومقدر . مثلاً ایکی مسابقه چینک هربری اونر التون قویهرق یکر می التون هدفک البته آصارلر . بونلردن هانکیسی دهاچوق نومرو قازانیر ایسه اومبلغی قازانمش اولور . ایکنجی صورت ایسه نومروشی مثلاً بر لیرایه اولق اوزره مقاوله ایتمکدر . او حالده ده مسابقه نتیجه سنده هر ایکسینک قازاندقلری نومرولر مجموعی بر بردن طرح ایدیلرک کیمک نه قدر حاصل طرحی وار ایسه دیکری اکا او قدر التون ویرمکه مجبور اولور .

نشانجیلرک قوما بازلیله تطبیقنده برده آوجیاق صورتی واردر . بوا یسه

کوکرجین اوزرینه آوتفنکریله صاحبه آتمق اویونیدر . بیوک شهرلده چاپرلق چنک برتفرجکامده صورت مخصوصده کوکرجین انداخت خانلری تاسیس اولمشدر . بونلر بیوجک برخرمین یری کبی بر محل اوزرنده اون بش یکریمی یره ترتیب اولمش یوواجهلردن عبارتدرکه هر یووايه بر کوکرجین قونمشدر . یویووالرک قباللریده اوزاقده کیزلی اولان برآدمه منتهی تلارایله کیزلیجه آچیله جقلردر . نشانچی اولان ذات بوداژنک اورته یرنده حاضر بولنه رق « قوش » قوماندہ سنی ویردیکی آندہ یووالردن بریسنک قپوسی آچیله جق واورادن بر کوکرجین اوچه جقدر . ایشته فی الحال بو کوکرجین اوزرینه آتاش ایدرک انی اورمق مطلوبدر . لکن هانکی قپاغک آچیلوب کوکرجینک هانکی طرفدن اوچه جغنی نشانچی بیله جقدر . کندی چویککنه و اوچاره آتمقده کی مهارتنه او قدر اعتمادی اوله جقدر که هانکی طرفدن قوش اوچه جق اولورسه اولسون طاورانوب اورمغه بیله جکنه امین اوله جقدر .

بو کوکرجین خانلرک درلوسی اولوب قارئلرمنه ویرمک ایستہ دیکمز فکر اجمالی ایچون شو تعریف ایتدیکمز کوکرجین خانه کافی کورلسونده برازده اویونک نه یولده اوینانیدیغنی کورهلم :

بودخی بر « ماچ » یعنی مسابقه اولوب یا مؤسسہ صاحبی و برماهر نشانچی آره سنده اجرا اولنور . و یا خود ایکی ماهر وزنکین نشانچی آره سنده ، مؤسسہ صاحبی ایله اجرا اولنه جق صورتی درلو شرائطه تابع اولور . از جمله قاج قوشه تفنک آتوبده نه قدرینی اوره من ایسه هر بری ایچون مؤسسہ یه شو قدر اچیه ویرمکه و اوردیغنی قوشلرک هر بری ایچونده مؤسسہ دن شو قدر مکافات المعه قرار ویریلور . لکن شرط و مقاوله هر نه دن ایسه بو قدر ساده اولمز . بعضاً مؤسسہ صاحبی نشانچینک منتظر اولدیغنی بر طرفدن قوش اوچورمق خصوصنده مهارتنه بالاعتماد هر اوریلن قوش ایچون اوریله میانه مقابل نشانچیدن اله جغنی جزادن زیاده مکافات ویرمکی تمهد ایدر . زیرا امیندورکه نشانچی الی تفنک آتہ جق ایسه اوننی بیله اصابت ایتدیره میوب بوشه آتدیغنی قرق ایچون جزا ویره جقدر .

حتی بومسابقه یالکز بر قوش اوزرینه بر تفنک آتمق صورتندنده عبارت قالمز . « روبله قس » دینلن یولده ایکی قوش اوزرینه بشقه بشقه برر تفنک



آتهرق ایکشردہ اورمق دعوالرینه قدر وارر . بوحالده قوشلرک یالکز  
یرسی اوریلورایسه هیچ اولامش کی نشانجی ضرر ایدر .

مؤسسہ صاحبی دخی اوریلان چفت قوشلرایچون ویره جکی مکافاتک مقدارینی  
آرتدیرر . هله بمضاده مؤسسہ صاحبی مثلا بربری آرقه سی صره بش یاخود  
اون چفت قوش اوران ایچون قرق الی بییک فرانق ویریله جکی وفقط بوکا  
موفق اوله میانلرک دخی بییک فرانق ویرمه لری لازم کله جکی طرزنده برمسابقه  
ترتیب ایدر که بویله مهم مسابقه لده یوزبیکارجه فراتقلر اورته یه دوکولوب  
غلبه ایده بیانلر یالکز مؤسسہ طرفندن قونیلن مکافاتی المقلده قالمزلر . بوکا  
مخصوص نشانلرده نائل اولدقن فضلہ بلاد سائرده کی نشانجی و آوجی  
آنجمنلری طرفندن مدالیالره تبریکره نائل اولورلر . رسملی غزته لر « فلان مسابقه نک  
قالی » دیه انک رسملرینی درج و اعلان ایدرلر . او آدم آرتق برشهرت عمومیه  
قازانمش اولور .


ایشته نشانجیلقک قومار بازلفه تطبیق بویله بزشی اولوب انجق بو مقاله یی  
یازیشمز قارئلر ضری دخی بر قومار بازلفه تشویق مقصدینه مبنی اوله جفنی ظن ایدنلرک  
خطالرینی اخطاره حاجت بیله کوره میز . واقعا اوروپا کباری بویله مهارت  
فوق العادیه وابسته اولان مسابقه لری « قومار » عد ایتیموب اصل قوماری  
انلر دخی تعیب ابتدکلری حالده بو مهارت لری هنر صایارلر ایسه ده بزم بو  
مقاله یی یازمقدن مقصدمز یالکز تحفلفندن طولانی بو یولده کی مسابقه لر  
حقنده بروقوق جزوی حصولندن عبارتدر . یوقسه قضیه نک صورت عمومیه سی  
بزم شو برقاچ سوزمزدن اکلایشیله بیله جک اولان درجه دن پک چوق واسع  
ومهمدر . بوکادائر قوجه کتابلر یازلمش وموقوت غزته ، بمجوعه لر نشر اولمقلده  
بولمشدر . انلره نسبتله شومقاله جک دریادن برقطره ، صحرادن برذره حکمنده  
بیله قاله مز . بومسابقه لر کی ترقیات مدنیه آناری بیوک کلفتلر ایله حصوله  
کله بیله جک شیلردندر . بز اوکلفتلری بومسابقه لردن ده نافع شیلرک استحصالی  
امرنده اختیار ایده جک اولورسه ق شبهه یوق که ده ازباده اصابت ایتمش اولورز .



## اخذ عسکر مجلسی تشکیلنه

و

معاینه ونومرو کشیده سی معاملاتنک اجراسنه متعلق فرمان  
معالی عنوان حضرت پادشاهی صورت منیفه سیدر:



« افتخار الامالی والاعاظم مختار الاکابر والافاضل مستجمع جمیع المعالی »  
 « والمکارم المختص بمزید عنایة الماک الدائم اعاظم رجال دولت علیه مدن »  
 « بیروت ولایتی والیس اولوب برنجی رتبه عثمانی وجمیدی نشان ذیشانلرینی »  
 « حائز وحامل اولان رشید بک دام علوه وبشنجی اردوی هایونم ردیف »  
 « التمش طقوزنجی الایک دردنجی بیروت طاہوری بیکباشیسی اولوب اخذ عسکر »  
 « مجلسنده قرعه نومروسی کشیده واجراسنه نظارت ایلمک اوزره مأمور تعین »  
 « قلنان قدوة الاماجد والاکارم صادق افندی زید مجده ومفاخر العلماء »  
 « المحققین نائب ومفتیلر زید علمهم ومفاخر الاماجد والاکارم اعضای مجلس »  
 « زید مجدهم توقیع رفیع هایونم واصل اولیچق معلوم اوله که سلطنت »  
 « سنیه مک تأیید وتزید قوت وسطوقی وسائل همه سندن اوله رق بعونه »  
 « وکرمه تعالی اجرا قلنان تنسیقات عسکریه ایجاباتندن اولق اوزره خدمت »  
 « مفروضه عسکریه تک یکرمی سنه مدت اعتبار وهر شخصک یکرمی »  
 « یاشنه دخولنی تعقیب ایدن سنه مارتک ابتداسندن بدأ وابتدار ایله ممالک »  
 « محروسة شاهانه مک بالجله اهالی مسله سنه تعمیم وتکلیفی اخذ عسکر »

- « قانوننامه هایونم اقتضاسندن اولوب کندلك اشبو قانوننامه موجبجه بيك »  
« ايكي يوز طقسان بش سنه سنه تولد ايدن دليقائلولر اوچيوز اون التي »  
« سنه سي مارتنده سن مكلفيته داخل اولمليله سنه مذ كوره به محسوبا لزومي »  
« اولان افرادجديده نك اهالي قديمه دن يالكز طقسان بش واقديجه شرفسنوح »  
« وصدور ايدن اراده سنه ملوكانه م وجهله مهاجرين موجوده دن تاريخ هجر تلو رندن »  
« اعتباراً التي سنه دن عبارت اولان معافيت مدتي اكالم ايدن لك طقسان و آندن »  
« اولكي سنه لده تولد ايدن لك سنلرينه كوره احتياط ورديف و مستحفظ صنفلرينه »  
« نقل ايديله جيكي جهتله ماعداسنك يعني بونلردن خدمت نظاميه ايله مكلف اولان »  
« طقسان بر و طقسان ايكي و طقسان اوچ و طقسان درت و طقسان بش سنه لرنده »  
« تولد ايتمش اولنلردن و بالمعاينه قسم اوله ايريله حق معينلوطا قنندن اخذى خصوصنه »  
« طرف اشرف شاهانه مه وقوع بولان عرض واستيدان اوزرينه امر و فرمان »  
« هايون تاجدارانهم شرفتملق اولسي و ترتيبات واقعه اقتضاسنجه بشنجي »  
« اردوي هايونم رديف التمش طقوزنجي الايك دردنجي بيروت طا بوري »  
« دائره سنك حاوي اولديغي نفس بيروت ايله جباع وشقيف واقليم شهومر »  
« ناحيه لرنده طقسان بش تاريخنده تولد ايدن و مهاجريندن سالف الذكر »  
« تولد ايدوب مدت معافيتي منقضيه اولان اسنان اربابندن بالمعاينه قاچ نفر »  
« موجود ايسه ثلثنك ترتيب ثانيه بالتفريق ثلثانك ترتيب اول اوله رق »  
« اخذى اقتضا ايدوب بيكباشي مومي ايله دركار اولان درايه و اهليتي »  
« جهتيله ذكر اولنان محلالده نومرو كشيده و اجراسنه نظارت ايتك ايجون »  
« تعيين قلمش اولمغين ديوان هايونم دن اشبو امر جليل القدرم اصدار و تسيار اولندي . »  
« سزكه والي مشار و نائب و مفتي و ناظر و سائر مومي اليهم سز بو ماده »  
« سلطنت سنه مك امور مهمه و معظمه سنندن اولديغنه و بوكا بالجمله مأمورين »  
« دولت عليه م طرفلرندن اعتنا و دقت فريضة ذمت ايدوكنه بناء بمنه تعالى »  
« ناظر موحى اليك او طرفه وصولنده كيفيت اراده سنه م جمله به اعلان »  
« و اشاعه اولمقله برابر كرك اهالي قديمه و كرك مهاجرين موجوده اسنان »  
« اربابندن دعوته اجابت ايتيمانلرك و نائل معافيت اولمق زعم فاسديله خدعه »  
« و دسيسه استعمال ايليانلرك و اسملرينه حضوراً قرعه نومروسي اصابت ايدنلردن »  
« اوقداشلرينك سلاح التنه جاب و دعوتنده بلا معذرت كليهرك اوتده بروده »  
« اختفا ايليانلرك و غياباً نومروسي چيقوبده اوقداشلرينك سوقى تاريخندن »

« اعتباراً طقوز ماه مدت ظرفندہ دواثر عسکریہ دن برینہ مراجعت ایتیمانلرک »  
 « افراد مزجورہ دن اولہ جقلری دخی بیان وتفہیم قلنہ رق قانوننامہ مذکور »  
 « احکامنہ توفیقاً اخذ عسکر مجلی بالتشکیل اورانک الکیوک ملکیتہ مأموری »  
 « بوجلسہ ریاست ویکباشی مومی الیہدہ نظارت ایلہ معاینہ ونومرو کشیدہ سی »  
 « مامالاتک حسن اجراسی واسملرینہ نومرو اصابت ایدہ جکلرک تسویہ »  
 « خصوصاتی ایچون بر موجب نظام خانہ لرینہ رخصت ویریلرک ختام مدت »  
 « مآذونیتلرنده لازم کلان محله طویلا نوب ردیف ضابطانی معرفتیلہ تخصیص »  
 « اولندقلری واقعہ سوق ایدلملرینہ وبو قانون مسدلتکارینک قدرینی »  
 « بیلیوبده شاید فرار ایدنلر واخذ عسکر مجلسلرندن اولنان دعوتہ اجابت »  
 « ایتیمانلر بولنور ایسہ تعقیب وتحرری ایلہ اخذ وکرفت اولتملرینہ مأمورینی »  
 « طرفلرندن اعتنا واهتمام قلمسی خصوصلرینہ صرف دقت وچونکہ خلاف »  
 « قانون ونظام احوال وقوعی موجب اشد جزا ومسئولیت اولہ جفنندن »  
 « او مثللو حالات وقوعندن بغایت تحاشی ومجانبت ایلہ سز تحریراً فی الیوم »  
 « الثامن من شهر ذی الحجہ الشریفہ لسنة سبع وثلثمائة والف . »

### قاع قورسوندہ برسی اوریورہ

ہر نہ زمان یکی بر سلاح ایجاد ایدلسہ شان انسانیت ومدنیق تجمیلدہ  
 صنوف سائرہ یہ تقدم وتفوق ایدن حکمادن بر چوقلری حیات بشری تخریبہ  
 بر آلت دہا ایجاد اولندیقندن بحثلہ انتقاداتہ قیام ایدرلر . حقلری واردر .  
 انسان قسمی کندی بنی نوعنک حیاتنہ واقعا دہا زیادہ حرمت ایتہ لیدر اما  
 نصلسہ اصل کندی حیات شخصیتہ سی قیدندہ بولنان انسان دادتاحیات نوعیہ سی  
 او قدر قید ایتیمور . انک ایچون ماکنہ علمندہ مہارتلری قدرت کشفیہ یہ قدر  
 وارانلر دائماً یکیدن یکی یہ سلاحلر اختراع وایجادی ایلہ مشغول اولیورلر .  
 طبیعمیدرکہ یکی ایجاد اولنان بر سلاح اندن اول موجود اولانلرندن دہا  
 تأثیرلی ، دہا مخرب اولز ایسہ اکا بر اختراع جدید نظریلہ باقلہ سز . اندن  
 ہیچ بر غزتہ وکتابدہ بحث ایدلز . بر سکوت عمیق ایچندہ قعر نسیانہ طوغری  
 غرق اولور بوغولور کیدر ! اولہ یا ! اندن اولکیلر دہا مؤثر اولورسہ یکی



سر عسکر عطفوفتلو دولتو رضا پاشا حضرتلری

ایجاد هانکی مزیتدن طولانی عرض احتیاج ایدیله جک؟ بو حالده هر موجد  
ایجاد ابتدییکی یکی سلاحک اسکیلردن دها مؤثر اولدیغنی اثبات ایچون قومیبیونلر  
حضورنده تجربه لره کیریشور. کندی تفنکی دیکرلردن دها اوزاقلره قدر

قورشون آتملى . هله مطلقا بر دقيقه ظرفنده ديكر تفنكردن دها چوق  
قورشون آتملى . فقط اصل بر مزيت قالدى كه شمديلرده او مزيتدن ممكن  
دكل واز كچيله مز . او يكي تفنك همده ديكر تفنكردن دهادوزكون قورشون  
آتهرق هدفه آتيلان قورشونلرك يوزده شو قدر دها زياده بي اصابت ايتمك  
جهتيله ده اسلحه ساره يه تفوق ايتملى .

بوتجربه يه اك اول يالكر بر تفنك اوززنده بالذات موجودى طرفندن  
باشلامق طبيعيدير . فقط آنك تجربه لرى نتيجه سنه امنيت جائز اولورمى ؟ موجود  
افندى تفنك آتمقده زياده مهارت پيدا ايتمش اولهرق بر دقيقه ظرفنده بشقه .  
لرندن بر قاچ قورشون زياده آته بيلور . كدلك نشانجمله قده مهارتنى آرتديرمش  
اولديغندن آتديغى قورشونلرك يوزده شو قدر زياده سنى هدفه اصابت ايتديرمك  
موفق اولور . هيچ تجربه قوميسيونلرى بو آغزله كاورمى ؟

موجود يديله اجرا ايديله جك ايلك تجربه ده كوريله جك نتايج اكر موجودى  
جسارتلنديرمك درجه سنده اولور ايسه بوتفنكردن بش اون دانه سى يايلوب  
اول مقدار نفرلر ايله تجربه يه باشلانور . بوتجربه لرك نشاييچى ايسه ارتق  
قوميسيونى دخى انصافه دعوت ايدر . پك پك بر تجربه يه دها كيريشليك ايچون  
يكي ايجاددن يوز قدر تفنك ياپيله رق بر بلوك افرادينه توزيع ايديلورده  
هر تفنك ايله بر قاچر يوز كره آتيله رق تفنكك مقابله سنده كي متانته قدر  
هرجهتى تجربه ايدلمش اولور . ايشته بوندن صكره اوسلاحك اندن اوليكي  
سلاحلردن نه جهته نفى ونه طرفنده زيانى اولديغى حكم اولنه بيلور .

اي بوضورتله تجربه اولنديغى زمان قاچ قورشونده بريسيور يورسيور ؟

زويه ؟ نشان تحتله رينه مى ، يوقسه دشمن افرادينه مى ؟

نشان تحتله رينه يوزده يتمش وحتى سكسان قورشونك اصابت ايتديكي  
كورللكده در . نه مدهش بر قدرت تخريبه دكلى ؟ صرميلرده اصابت امكانى  
بواساس اوزرينه تاسيس ايدن حكما دخى كندى خيالات و تصورات حكيمانه لرنده  
بر ميدان محاربه يه شو قدر هسكسك سوق ايتديره رك انلرك هر برينه شو قدر  
قورشون آتديرنجه واو قورشونلرك دخى يوزده شو قدر دخى دشمن افرادينه  
اصابت ايتديرنجه شو قدر ساعت صكره ارتق ايكي طرفنده صاغلام آدم قالميه جفنى  
وميدان محاربه نك مقتول و مجروحلر ايله طوله جفنى استنتاج ايدى ويرور . اى !  
تخريبك بودرجه سى او حكيمى دوچار تلاش ايتزده نه ياپار ؟

برده عسکری استاتستیکلرک نتایجنه واقف اولان برعسکر قومانداننه صورکر احتمال که سلاحلرک تأثیرسزلکنندن طولایی انی متأثر بولورسکر . احتمال که آتیلان قورشونلرک پک آزی دشمن افرادینه اصابت ایدیه بیلور دیه قورشونلرده ، آنلری آتان تفنکارهده ، هله تفنکاری قوللانان نفراتهده قباحث بولور .

بریسی قورشونلرک زیاده اصابتندن ودیکری دخی عدم اصابتندن مشتکی اولان حکیم ایله عسکر قوماندانندن عجا هانکیسی حقلیدر ؟ حکمیک اسباب شکایتی ذاتاً قبول ایتمش ایسه کز انکله اکتفا ایدرک عسکری هیچده سویلتمه یکنر . زیرا عسکر سویله مکه باشلار ایسه احتمال که اولجه قبول وقناعت ایتمش اولدیغکنر شیلردن سزی جایدرر .

« عسکر » دیوبده کچی ویرمه یکنر ؛ انکده حکمتده اشتراکی واردر . هم یالکنر بوکونکی عسکرک دکل ! من القدیم عسکرکده حکمتدن حصه سی واردر . شو :

من لم یمت بالسيف مات بغيره  
تنوعت الاسباب والموت واحد

بیتی مثالنده کی سوزل هرملتك حکمت عسکریه اربابی لسانندن سویلتمش لردر . « قلیچ ایله اوله یین قلیچدن ماعدا برسبيله ینه وفات ایدره اسباب موت متنوع اولوب موت ایسه شیء واحددن عبارتدر » دیمکدر . جواب وخطابه دعوت ایدیه جککنر عسکر سزه دیرکه : سبب موت قورشوندن عبارت ایسه اکا چاره دوشونه لم . فقط اوتوز قرق سنه دنبری محاربه ایتماش اولان ملترده وفیات عمومیه نه نسبتده ایسه ینه او ملتك برقاج سنه دوام ایدن محاربه سننده وفیات عمومیه ینه اونسبتده ایدی . طالع بووفیاتک برمقدار مناسبنی بنم صفوف حربیه اوکنده کی اعدایه ینه بنم عسکر مک اسلحه سیله ویردیره جک اولورسه بن بریوک قوماندان نامنی قازانمش اولورم دولتم وملت دخی او محاربه یوزندن بکله دکلری فائده یه نائل اولمش اولورلر . بونکله برابر انسانیت دخی وفیات حادیه سنک فوق الحد تکثیریه اوقدر مبالغه لاندیریله جق برتخریه دوچار اولمش اولماز .

حقیقت بعض محاربه لرده آتیلان قورشونلر ایله وقوع بولان مجروح ومقتولر حقیقده طوتیلان حسابلر حکیمی تأسفنده مبالغه کار وعسکری شکایتنده

حقیقی کوستره جک قدر آزر . بر کره اسکی سلاحر حقنده طو تلمش اولان  
براستا تئبقه نظر ایدهلم : ۱۸۵۹ سنه میلادیه سنده ایتالیا ده صولفه رینو نام  
محلده آو نریا ایله فرانسر عسکری آره سنده وقوعه کلش اولان بیوک محاربه ده  
آوسترایلر سکز میلیون درت یوز بیك قورشون آتمشلم . فرانسرلردن ایکی  
بیك میلیون واون بیك مجروح اولوق اوزره اون ایکی بیك تلفات وقوعه کلش .  
دیك اولورکه هر مجروح ایچون ۷۰۸ وهر مقتول ایچون ۴۲۰۰ قورشون  
آتمش . اوزمان قورشونلرک بهری اوتوز غرام ثقلنده ایمش . تفنکار ششخانه لی  
اولوق حسیله هر قورشونک ارتفاعی ده اوتوز میلی مترو ایمش . بو حالده بر آدمی  
اولدیرمک ایچون یوز یکریمی التی وقیه اعشاری قورشون صرف اولمش .  
انسانک کندی ثقلتنک ایکی مثلی قورشون !

برده اسلحه جدیده نك تأثیری حقنده کی حسابه باقهلم . صولفه رینو ده  
بر آدم اولدیرمک ایچون درت بیك ایکی یوز قورشون صرف اولندیغی حالده  
۱۸۷۰ سنه سنده فرانسه و المانیا عسکری آره سنده وقوعه کلش غراولوت  
محاربه سنده بیك اوچیوز قورشون صرف اولمش . اندن صکره روسیه و عثمانلی  
و عثمانلی و یونان و اسپانیا و آمریکا محاربه لرنده طوتیلان استاتستیکلر بونسبتی  
تأیید اتمشلم . اسلحه جدیده بی استمهال ایدن عسکرک نشانجیلقده کی مهارتی  
بو استاتستیکلر حسابنده بیوجک بر تأثیر کوستره جکینه قناعت ایتک ایسترز .  
زیرا ایوم دوام ایتکده بولنان انکلتزه و ترانسوال محاربه سنک هنوز استاتستیقی  
نشر ایدلماش ایسه ده انکلیز عسکرینک تلفاتی میاننده ضابطانندن وقوعه کلن  
ضایعاتک افراد ضایعاتنه قیاس ایدیله میه جک قدر چوقلغی نظر دقتمزی جلب  
ایده جک بر کیفیتدر . اکر بوئرلرک حین انداختده اصل ضابطانه نشان آلدقلمینه  
دائر برقاچ مخبرک اخباری اولسه ایدی احتمال که نظر دقتمزینه مجلوب اولمز  
ایدی . اما بو اخبار اوزرینه واقعا بعض قطعات عسکریه ضابطاننک اونده  
سکزی مجروح و مقتول دوشدیکنی ده انکلیزلر اعتراف ایدنجه بوئرلرک آتدقلمی  
یره قورشونلرینی اصابت ایتدیرمکده کی مهارت لرنی تصدیقه مجبور اولیورز .  
بر محاربه ده آتیلان قورشونلرک هپسی اورمق لازم کاسه و یا خود هیچ  
اولمز ایسه نشان تعلیملرنده نشان تخته لرینه اصابت ایدن مقداره کوره مجروح  
و مقتول وقوعه کلک ایجاب ایله سه بو سلاحلره ایدیله جک محاربه لره آدم  
یتشدیرمک قابل اوله میه جغنی تسلیم ایتک ایجاب ایدر اما برکت ویرسون که



بوسلاحلك قارشوسنده طوران عسكرلك طوروشلرى نشان تختلرينك طوروشلرى كې دكلدر . شمدىكى محاربه لده آتش خطلرى اسكى سلاحلرايله ايدىلن محاربه لك آتش خطلرينه بگزه مامكده در . اويله برطابورك چيت كې قائما دشمنه هدف اوله سى هان واقع اولمايوب آتش خطلرى هپ آوجى خطلرى صورتده در . آتش دخى يورى قويون يره ياتيله رق اجرا اولنيورده آنك ايچون برقاچ بيك قورشونده انجق برىسى انسانه ايليشه بيليور .

احمد صدمت

### وه لوسپيد و عسكرلك

بربرى اوكنه قونمش ايكي تكلرك ايله بونلرى بربرينه ربط وتكرلكردن برىنى تحريك ايدمك آلتلردن عبارت بولنان برنوع عربله ره « وه لوسپيد » دنيلدىكى وبونلره بيننسلرك باجاق قوتيله اوتكلركلرى تحريك ايدرك هان بر سوارينك سرعتلى يورويشى قدر سرعتله قوشديغى معلومدر .

بر آدمك وه لوسپيد ايله قوشديغنه خارجدن باقلمر انك موازنه مطلوبه يى فصل بولديره بيلدىكنه وهر آن ودقيقه دويرلك تهلكه سى موجودايكن بوتهلكه يى فصل بر طرف ايله ديكنه شاشارلر . حال بوكه انلك فرض ايلدكلرى موازنه وه لوسپيد ايچون طبيعى اوله رق موجود اولوب بوخالده موازنه غائب اوله رق راكبك دوشمه سى وهى دخى بالكيه بوشدر . بو موازنه بر اقتضاي ميخانيق وبناء عليه طبيعى اولوب قانون طبيعتده تغير يوقدركه وه لوسپيدده دخى حركتى حالنده دويرلك تهلكه سى موجود اوله بيلسون . چوجقلك چنبر چه يردكلرىنى البته كورمشسكزدر . بر دكنك ايله چنبره اوردقلى زمان چنبر كندهى مركزى اوزرنده دونه دونه سرعتله يووارلانور كيدر . انك محيطنده بر قوه من المركزيه بيدا اولوركه چنبر حركتده دوام ايتدىكجه بوقوت انى دويرلمكدن منع ايدر . بعض عوارض سببيله ايكي طرفه ساللانجق بيله اولسه ينه كندىسنى دوزلتوب دوشمز . ايسته وه لوسپيدك اساسى بو چنبردر . ماكنه نك واوزرينه بينن آدمك بتون نقاتى تكلركلك مركزى اوزرينه اصلمش ، تحمىل ايدلمش اولوب او تكلركلره باجاق قوتيله ويريلن حركت دخى چوجقلك چنبره دكنك

ضربيله وپردکاری حرکتك عینیدر. بناءً علیه وهلوسید یورو مکده دوام  
ایتدیکه کندیلکندن ممکن دکل دوشمز. یالکز طوردینی زمان دوشرکه بو حالد  
راکب آیاغنی یره باصهرق اندن اینر.

اون اون بش سنه لک بر ایجاد اولدینی حالد دنیا نك همان هر طرفنده  
وهلوسید صراقی او قدر آرتمشدرکه کوچك بیوک، قادین ارکک یوز بیکارجه  
کسه لر وهلوسید لر ایله درلو یاریش لر ترتیب ایتکه باشلامشدر. یعنی بواش  
«سپور» دینیلن وقوت ایله چویکک اساسلری اوزرینه ایتنا ایدن ادمانلر  
صره سنه یکمشدر. بر اوزون مسافه یی نه قدر آز بر زمان طرفنده قطع ایده.  
بیله جکاری کورلک اوزره ترتیب اولنان یاریش لر قوت و طیانلق مسابقه سی  
دیك اولوب فقط وهلوسید استعمالنده اصل مهارت کورلک ایچون یاریش لرک  
برده معکوسی ترتیب اولمشدر. یعنی بر مسافه معینه یی هر کیم ده ا چوق  
زمانده قطع ایدر یعنی وهلوسیدی هر کیم ده ا آخر کوتورر ایسه او قالب  
صایبلق اوزره بر مسابقه که واقعا وهلوسید سو قنجه اصل مهارت دخی بویوله  
کوریله جکی درکاردر. زیرا وهلوسید نه قدر حیزلی کیدرایسه دویرلک امکانی  
او قدر آزاله جفندن بونده هیچ بر تهله که یوقدر. اما نه قدر آخر کیدر ایسه  
دویرلک احتمالی او قدر چو غاله جفندن آغراق بالکلیه طور غونلق درجه سنه  
بالطبع وارهمامق اوزره وهلوسیدی آهسته سوق ایتک سرعتی سوق ایتکدن  
البته ده ا بیوک مهارت صاییلور.

وهلوسیدک سرعتی بر پیاده نك جناستیق آدیم یورویشده کی سرعتدن  
لا اقل ایکی قات زیاده در. بعض ماهر وهلوسید جیلرک سرعتی سواری  
حرکتنه مساوی بر سرعتله قوشدینی ده کورلکده در. بر آدمک آیاقلرینی یره  
باصهرق یورومه سیله وهلوسیدک محورینه باصهرق تحریک قدم ایته سی آره سنده  
سرعتجه بو قدر فرق بولنق کرچکن جالب نظر حیرت دکلیدی؟ حال بوکه بوده  
یک ساده بر حقیقت میخانیق در. اولاً وهلوسیدک سطح ارضه تماس ایدن  
تکرلکرینک سطح مماسی جمعاً یکون اون سانتیمتر و ربعنه مساوی اوله مدینی  
حالد یره باصیلان آیاقلرک سطح مماسی بونک اون مثلی زیاده در. دیك اولیورکه  
وهلوسیده راکب اولان بر آدمک ثقلی بو قدر وده ا طوغریسی بوندن ده ا  
یک چوق زیاده اکسیلور. ثانیاً ایکی آیاق آره سنده تشکل ایدن بر «خطوه»  
انجق الشمس بش یتش سانتیمتر و طولنده بر مسافه ایدوب بر آدیم آته جق قدر

بر حرکت ديمک اولق اوزره وهلوسپيد چرخنک بر دوره سنده قطع اولنه جق مسافه ايسه بونک اوچ مثلنه مساويدر . ديمک اوليورکه خفيقلک وهلوسپيد جيلرک چابق يوروله يوب چوق زمان دوام ايده بيله لريني وچرخنک محيطي دخي هر خطوه ده برچوق مسافه قطع ايله مه لريني تأمين ايتديکي ايچون انسان وهلوسپيد اوزرنده هم قولايق هم سرعتله مسافات بعیده قطع ايده بيليور .

وهلوسپيد استعمالی شایع اولور اولز بوندن خدمت عسکریه جه استفاده جهتی دخي اذکيای عسکریه طرفلرندن دوشونلش ایدی . اک اول کنج ضابطان بر اکلنجه اولق اوزره وهلوسپیدی مراق ایدرک بعیده معیتلرنده بولنان خدمتچی نفراته بونی تعلیم ایتشلر ایدی . او زماندن اول نفرلرک یاریم ساعتده کیدوب کله بیلدکری خدمتلی بش اون دقیقه ظرفنده کوره بیلدکری کوریلنجه پیاده امر چاوشلرینه وهلوسپيد تعلیم ایدلش ایدی که بو حالده پیاده امر چاوشلری سواری امر چاوشلرندن ده ا زیاده سرعتله ایفای وظیفه یه مقتدر اوله رق وهلوسپيدک خدمت عسکریه یه بو وجهله تطبیقندن عموماً بر خشنوداق حصوله کلش ایدی .

قطعات عسکریه ده مکتوبلر ، خبرلر ارسالی ایچون وهلوسپيدلی افرادک چوزالنه بی اولکی سنه فرانسز اردوسنده یکی بر فکر اویانديردی . بعضا پیاده نك سرعت سیرینی آرتدومق ایچون پیاده بی ده آته بینه دیرمک مسئله بی عسکرلرک معلومیدر . بوکا « ائفانتری مونته » یعنی « راکب پیاده » دنیلور . « عجبا وهلوسپيد سواری بر پیاده تشکیل ایتسه نه اولور ؟ » دنیلدی . بر تجربیه اولق اوزره موجود وهلوسپيدجی افرادک بر قاچ یوزی جمع اولنه رق بیوک مانورا ائناسنده بر وهلوسپيد سوار پیاده قطعه سی یاپلدی . بونلرک استکشاف خدمتنده پک کوزل ایشه یاره یه جقلری کورولدی . زیرا بونلر سلاحلریله جظانه لر یله بینه رک واردقلری یزده دشمنه تصادف ایدنجه وهلوسپيددن اینوب محاربه دخي ايده بیلدیلر .

شو ایلک تجربیه اوزرینه آوستریا و آلمانیا و روسیه ده دخي تجربیه لره کیریشلدی ايسه ده فرانسز تجربیه بی برقات ده ایلر ویه کوتوردیلر . پیاده ایچون بر نوع وهلوسپيد ایجاد ایتدیلر که حین حاجتده اورته سندن آیریلوب ایکی پارچه اوله رق چانطه کبی ارتیه ده آله بیلدکده در . کچن سنه کی مانوره لرده و یولده باپیلان وهلوسپيدلره بیتمک اینک واینر اینز انلری یره بر اقوب محاربه یه



طوبخانه عامره مشیری ومکاتب عسکریه شاهانه ناظری دولتو زکی پاشا حضرتلری  
 باشلای ویرمک وحقی عماربدهده . موق اوله من ایسه ینه چارچاقق ینوب رجعت  
 ایلیک کبی حرکاتک کافه سنده بیوک قولایتلر کورلمسینه بوتجر بدهده دها زیاده  
 اهتنامه دوامه قرار ویرلدی .



معیت سنیه ملوکانه ارکان حریبه مشیری دولتو شا کر پاشا حضرتلری

هر طرفه شوسه یولاری یابلیش اولان یرلده مانورا ائناسنده سوق ایچون  
اشبو ودلوسیدلی پیاده لرده سرعت بولنه جنی مسلم اولوب فقط مارضه لی  
اراضی اوزرنده مانورا اجراسنه وه لوسیدلرک کافی اوله بیله جکنه المانیا افکار

عسکریه اربابی نزدنده احتمال ویریه مامکده در . بو نقطه نظر دن وه لوسپیدی  
پیاده نك سواری قدرده نائل سهولت اوله میه جنی درکاردر . هله سوارینك بیله  
دوچار مشکلات اوله جنی طارضه لی یرلرده خفیف پیاده نك کوره بیله جکی ایتمی .  
وه لوسپید جیلردن بگامه مکه هیچ امکان یوقدر .

اهممر مرهت

آقنجیلر

آقجیلانی شرق طرفنده پک قدیم بر صنعت عسکریه در . دولت علیه ده .  
ایلك سوارینك آقجیلردن عبارت اولدیغنه وكرك غازی ارطغرل وكرك غازی  
سلطان عثمان حضراتنك خداوندكار ولایت جلیله سی داخلنده ایلك تأسیس ایتمش .  
اولدقلى امارت داخلنده بر طرفدن روملر و دیگر طرفدن تانارل ایله ایتمکری .  
محارباتده استخدام بیوردقلى سواریلرک کاملاً آقجیلردن عبارت بولندقلى نه .  
شبهه یوقدر . فقط بو حاله نظرأ آقجیلنك عثمانلی ترکیبى طرفندن ایجاد  
اولدیغنی ادمايه ده امکان یوقدر . ترکر نزدنده بو صنعت عسکریه ده پک  
چوق قدیمدر . تیمورلنك و جنکیزک سواریلری دخی آقجیلردن عبارت  
اولدقلى بونلرک اجرا ایتمش اولدقلى جوالانات عسکریه نك صورت اجرا سندن  
اکلاشیلور . بو نوع مهاجرلرک اثنای محاربه ده او قدر بیوک خدمتلى کوریلور  
ایمش که بالاخره دولت علیه عثمانیه تنسیقات عسکریه سنی اکیال ایدرک پیاده  
اولق اوزره یکچیری وعذب و سواری اوله رق دخی سپاهی و تیمارلی وزعما  
( تشدید و یا فتح لام ایله ) مسلمان صنوف ممتازه سنی میدانه کتوردکن  
صکره دخی آقجیلانی النا ایتمه رک هر بیوک محاربه به کیرشدکجه عساکر  
منتظمه سندن ماعدا آقجیلر دعوت و تدارک واستخدا منده دخی دوام ایدرایمش .  
یکچیری و سپاهی علوفه لر ایله تیمارلی وزعما کویلرک واردات عشریه سیله  
موظف و مسلمان ایسه وقت صلحه تکالیف میره دن مفاویت و وقت حربده  
تعینات عسکریه سی معین اولدقلى حالده آقجیلرک نه معاشی نه تعیین اولیوب  
اداتا پیاده باشی بوزوقلری کبی برنوع سواری باشی بوزوغی ایملر . غازی  
میضال زاده لر وقت صلحه بونلرک فخری اوله رق قوماندانی اولوب جنک

وقتنده آقچی طوپلاندینی زمان ایسه بالفعل قومانداناق مقامنی احراز ایدرلر ایمش که او زمان کندی آت وسلاحی ایله سنجاق آلتنه کان آقچییلرک بهر یوز نفری بر «صوباشی» و بهر بیك نفری دخی بر «بیکباشی» قومانداسینه ویریلهرک عمومی بردن برمیخال زاده نك سوقنه تابع اولورلر ایمش .

بونلر سائر صنوف عسکریه کبی صفوف حریبه میاننده محاربه ایتمزلر ایدی . بلکه اعلان حرب اولندینی زمان دارالحرب نرهمی ایسه اورایه بقتة برهجوم ایدرک کیردکلری یرلرده بهاسی آغری یوکی خفیف اولان اشیایی اغتنام ایدرلر . باقی نه بولورلر ایسه احراق و تخریب ایلرلر ایدی . او یله بر صورتده که دشمن او یرلرده استفاده ایده جک هیچ بر شی بوله من ایدی . نه ذخیره نه نقلیات عسکریه ده قوللانه جق عربه و حیوان حتی اوت و صمان هیچ بر شی بوله میوب بو حال حوایج عسکریه امرنده دشمنی مشکلات عظیمه ده دوچار ایلر ایدی .

پارلوجیوویو نام مورخک روایتنه کوره اردوی هایون بیچ (ویانه) شهرینی محاصره ایله دیکی سرده بر میخالزاده نك قومانداسینه تابع اولان بیوک بر آقچی فرقه سی لینچ مقابلندن طونه بی کچوب تا آلمانیا درونلرینه قدر ممالکی دونمش طولانمش و هر بولدینی آثار صمرانی تخریب ایدرک بتون قلوبه دهشت ویرمشدره . بوحرکتک اورالردن ویانه یه امداد یتشدیرلهمی امکاتی محو ایچون التزام اولنمش بر حرکت اولدینی درکاردر .

قریم خانلنی دولت علیه عثمانیه یه تابع برخدیویت صورتنه کیردیکی زمانلر قریم خانلرینک تدارک ایده بیله جکاری سواری دخی روسیه ولهستان و مجارستان و حتی بعضا ایران و کرجستان طرفلرینه ایدیله جک محاربه لر ایچون آقچیلق وظیفه سنی ایفا ایله به جک بر حال و موقعه ده ایدیلر . موقعلرینک طبیعت جغرافییه سی بو وظیفه یه نه قدر مساعد اولدینی محتاج تفصیل دکلدیر . حالرینه کانهجه : واقعا تاتار سواریسی یکان یکان برر جندی ماهر ، بر سلاحشور مشهور ایدیسده ده دولت علیه نك منتظم سواریسنده کی سوق الجیش و تبعیه جیش صنایع عسکریه سی انلرده بولنه میوب انلر غایتی ترکلکک صنعت قدیمه حریبه سی اولان آقچیلق صورتیله محاربه ایده بیلورلر ایدی . اما بو آقچیلقلرندن بعضا پک بیوک استفادهلر ایدلشدر . زیرا قریم سواریسی کرک روسیه یه و کرک مجارستانه قارشو ایلرو بر موقعه ده بولنوب استانبولدن «چکدیری» دینلن و کورک

قوتيله حرکت ایتدکاری ایچون روزکار بکاهمه محتاج اوله یان خفیف کمیلر ایله حربی حر آلور آلاماز حرکت ایدرک روم ایلی طریقيله اردوی هایون دارالحربه یتشجه به قدر بونلر اورالرده برچوق تخریباته موفق اولورل ایدی ده اردوی هایونک موفقیاتنی تسهیل ایلامش اولورل ایدی .

دولت علیه عثمانیه به تابع اولان عربستان و کردستان ولایتلری اهالیسی و باخصوص اهالی عشایر همان کاملاً سواری ایکن بونلردن آقچی فرقه لری تربیتی خاطرله کلامش دکل ایسه ده غالباً اهالی مذکوردهک حال بدو تلی بوکا مانع اولمش بولمه لیدر . ذاتاً فکر و نظرلری انوار مدنیت ایله منور اوله یان و غیرت قومیه و حمیت ملیه حسیات جلیله سندن حصه آله یان بوکی خلتک حسن خدمت و صداقتلرینه بکده اعتماد اولنه میه جغی جهتله احتمال که ایشک بو بو جهتیه ده نظر آلمش اوله لیدر . هر حالده بو موفقیت عظمی پادشاهمز شهریار موفق شوکتلو افندمز حضرتلرینه میسر اولدی که دور جلیل خلافت و سلطنتلرنده خلقمزک فضائل مدنیسه سی آرتهرق کرک مسلمانلق و کرک عثمانیلق نقطه نظرلرندن مرکز خلافت و سلطنته اطاعت و محبت و دین و ملتک محافظه سلامتنه خدمت کبی وظائف مقدسه هرکسک پیشگاه انظار حکمتنده تجلی ایتکاه عشایر سواریسی « حمیدیه سواری آلایلیری » نام مفخرت اتسامیله بر تنسیق مکمل آلتنه آلدیلر .

« نوسال » مزده مستقلاً بر مقاله مهمه نک زمیننی تشکیل ایتش اولان حمیدیه سواری آلایلیری تشکیلاتندن بو مقاله ده بحث ایتکاه لزوم اوله یوب فقط شو حقیقت تاریخیه یی میدانه چیقارمغه لزوم واردرکه : مورخ شهر هامر آقچیلری روسیه نک قازاقلرینه و میخالزاده لری دخی قازاقلرک خطمانلرینه تشبیه ایتکده اصابت ایله مامشدر . معلومدرکه قازاقلرک رئیس اولان خطمانلر هپ قازاقلرک کندی جنسلرندن و کندی بکارندن اولوب بالاخره باش خطمانلق روسیه غراندوqlرندن بریسنک عنوانی اولمشدر . قازاقلر اگرچه طوغریدن طوغری به منتظم سواری دکل ایسه لرده بو حال آنلرک حرکات و سکنات عسکریه لرنده بر انتظامسزاق دیمک اوله یوب یالکز اداره و همیشه لری سائر صنوف عساکر منتظمه به بکزه مامکدن عبارتدر . روس قازاقلرینه بکزه به جک بوحتی برچوق نقاط مهمه عسکریه جه آنلره قات قات تفوق ایده جک اولان تشکیل و تنسیق ایسته حمیدیه سواری آلایلیری اولوب وقت صلحه هرکس



کدی ایشلیله کوجلریله وایام معینه سنده تعلیم و تربیه عسکریه لریله مشغول اوله رق وقت حربده جمله سی منتظم سواری حالنده اردوی هایونلره التحاق ایدرلر . حتی بونلرک محاربه لری دخی آقجیلر محاربه سنه بکزه میوب عادتا سائر صنوف منتظمه عسکریه فصل صنایع وقواعد حربیه داخلنده محاربه ایدرلر ایسه بونلر دخی اوپله محاربه ایدرلر . آقجیلر ایسه بر زمانک باشی بوزوقلری حالنده اولوب بونلرک آت یزینسه کیلره راکب اولان قسمی دخی بزده قورصانلغی وجوده کتورمشدر . یعنی قورصانلر دخی بحری آقجیلر اولق حکمنی آلمشدر .

احمد مرمت

### قوای عسکریه دول معظمه

نفسه نسبی	موجود حضری	موجود سفری
۱۰ ده ۱,۰۰۰	آلمانیا ۵۱۲,۰۰۰	۷,۷۰۰,۰۰۰
۱۰ : ۹ ده »	آوستریا ۳۸,۰۰۰	
۱۰ ده »	ایتالیا ۳۰۰,۰۰۰	
طوپ ۹۷۸ ۶ ده »	انگلتره ۲۳۰,۰۰۰	۷,۶۰۰,۰۰۰
۸ ده »	روسیه ۸۵۰,۰۰۰	
طوپ ۲۲۷ ۴ ۱۰ ده »	فرانسه ۵۸۰,۰۰۰	

وقت حضرده آلمانیا . ایتالیا . آوستریا حکومتلری یعنی اتفاق مثک دولتلری ۱,۱۰۲,۰۰۰ و فرانسه و روسیه حکومتلری ایسه ۱,۴۴۰,۰۰۰ نفر عسکره مالک بولنمقده درلر .

قوة حضریه ده پیاددنک مقداری بوجه آیدز :

آلمانیا	۴۶۸,۰۰۰
آوستریا	۲۶۶,۰۰۰
ایتالیا	۱۲۸,۰۰۰
انگلتره	۶۹,۰۰۰
روسیه	۵۸۵,۰۰۰

سوارينك مقدارى

آلمانيا	۶۵,۰۰۰
آوستريا	۶۱,۰۰۰
ايتاليا	۲۴,۰۰۰
انكلتره	۱۳,۰۰۰
روسيه	۱۰۹,۰۰۰
فرانسه	۷۷,۰۰۰

يالكنز فرانسه ايله روسيه نك سواريلرى مجموعى آلمانيا، آوستريا، ايتاليانك سواريلرى مجموعنه معادلدر.

طوپچينك مقدارى

آلمانيا	۶۶,۰۰۰
آوستريا مجارستان	۳۵,۰۰۰
ايتاليا	۳۱,۰۰۰
انكلتره	۱۷,۰۰۰
روسيه	۹۸,۰۰۰
فرانسه	۸۰,۰۰۰

اتفاقى مثلك دولتيرينك طوپچيلرى مجموعى ۱۳۲,۰۰۰ كشى يه بالغ اولدينى حالده فرانسه و روسيه نك طوپچيلرى مجموعى ۱۷۸,۰۰۰ كشى يه بالغ اولمقدهدر.

موجود سفرى موجود حضرى

آمرىقا (ضابط و كوچك ضابط مستثنا)	۶۵,۰۰۰	۱۸۰,۶۲۷
ژاپونيا	۷۴,۰۰۰	۳۵۸,۵۶۱
اسپانيا (ژاندارمه ايله برابر)	۹۸,۱۴۰	
فلنك	۲۶,۹۷۷	
بلجىقا	۴۸,۰۳۰	۱۴۲,۱۸۴
اسوج، نوروج	۳۹,۱۲۴	۲۹۰,۴۱۲
اسويجره		۵۱۰,۸۸۳
دانمارقه	۷,۱۲۱	۶۰,۱۳۴

سلطنت سنیة عثمانیه ایله هم جوار بولنان حکومتات صغیره نك  
قوة عسکریه لری

	موجود سفری	موجود حضری
رومانیا	۱۵۶,۲۵۲	۶۰,۰۰۰
یونانستان	۸۲,۱۲۵	۲۳,۴۵۳
صربستان	۳۵۳,۳۶۶	۲۱۲,۰۰۰
قره طاغ	۳۷,۲۵۰	
بلغارستان امارتی	۲۰۸,۹۶۶	۴۰,۰۰۰

رومانیا ۳۹۰، یونانستان ۱۸۰، صربستان ۱۹۲ قطعه طوپه مالکدره

قوای بحریه دول معظمه نك مقداری ده بروجہ آتیدر:

انگلتره	فرانسہ	روسیہ	آلمانیا	ایتالیا	آمریکا	ژاپونیا	آوستریا	
۴۹	۳۶	۳۶	۱۴	۱۶	۱۲	۱۶	۶	زرهلی وزرہلی قروازور
۱۱۶	۴۲	۲۰	۱۹	۱۶	۱۸	۲۰	۹	محافظه لی قروازور و طورپید و
۱۳۹	۴۴	۷	۴۱	۱۱	۲۰	۱۵	۱۱	آویزو طوپ چکر
۱۶۶	۲۳۵	۲۳۱	۱۶۹	۱۰۴۰	۳۰	۴۱	۶۶	طورپیل سفینه سی
۷۰	۳۵۷	۲۸۴	۲۴۳	۱۸۳	۷۰	۹۹	۹۲	

دردست انشا واکمال بولنان سفائن مقادیر سالفده داخل دکلدره.

✿ محارباتده مجروح اولان عساکرک اصلاح حاللری حقنده ✿  
✿ جنوره ده عقد و تنظیم اولنان مقاوله نامه نك ترجمه سیدر ✿

اسویچره حکومتیله اصالتلو بادن غران دوقه سی حضرتلری وحشمتلو بلچیقاق  
ودانیمارقه قرالریله وحشمتلو اسپانیا قرالیچہ سی حضراتی وحشمتلو فرانسه  
ایمپراطوری حضرتلری واصالتلو مس غران دوقه سی حضرتلری وحشمتلو ایتالیا  
وفلنک وپورتکیز وپروسیا وورتمبرغ قرالری حضراتی حربک نتایج طبیعیہ سی  
اولان مصائبک ممکن مرتبه دفعی وفائده سز شدایدک منعیله میدان محاربه ده

[۵] اشبو مقاوله نامه یه مؤخرأ طرف سلطنت سنیہ دن دخی اشتراک بیوریلوب

(هلال احمر) جمعیتی تشکل ایتشدرد.



تفتيش عسكرى قوميسيون عاليسى رئيس تائيسى دوائلو ادهم پاشا حضرتلىرى

بجروح اولان عساكر ك اصلاح حالى ارزوسنده بولندقلرينه مېنى بو بابده بر  
مقاوله نامه عقدينه قرار ويردرك حكومت مشار اليها لژيون دونور نشان  
ايمپراطوريسنك فراندافسيه لکنى حامل و حكومت عسكرى باش قوماندانى



خاصہ اردوی ہاپونی مشیری دولتو رؤف پاشا حضرتلری

و مجلس اعضاسی بولنان موسیو کلیوم ہازی دو فوراً مجروحین عسکر یہ سی  
 اعانہ قومیتہ سی ایلہ جنورہ منافع عمومیہ جمعیتی رئیس موسیو کوستاو موآینہ  
 و ملت مجلسی اعضاسی و حکومت عسکری باش طیبی میرالای موسیو ساموئل  
 لہمانی و اصلتو بادن غران دوقہ سی حضرتلری ایون دو جخر نکن نشانک  
 شوالیہ لکنی حامل و دوقتور و امور طیبہ ادارہ سی مستشاری موسیو روبرو لچ  
 ایلہ نشان مذکور کڈلک شوالیہ لکنی حامل و باش طیب موسیو آدولف  
 شتازی و حشمتلو بلجیقا قرالی حضرتلری لٹوپولڈ نشانک اوفسیہ لکنی حامل  
 و مجلس معادن اعضاسندن موسیو اوکوست ویشری و حشمتلو دانمارقہ قرالی  
 حضرتلری دانبورغ نشانک قوماندور لکی سیم قرواسنی و بلجیقا لٹوپولڈ نشانک  
 غران قروآسنی و دیگر بعض نشانلری حامل بولنان موسیو شارل - امیل -  
 فناکیری و حشمتلو اسپانیا قرالیچہ سی حضرتلری اصلزادکاندن و ایزابللا نشانک  
 شوالیہ غران قروآسنی و شارل نشانک قوماندور نومرر لکنی و سن فردیناند  
 میلتر و روآیل نشانک برنجی رتبہ شوالیہ لکنی و فرانسه لژیون دونور نشانک  
 اوفسیہ لکنی حامل اولوب اسویچرہ حکومتی زدندہ مقیم ایلیچی بولنان دون  
 ژوزہ ہریبرتوژار سیبادو کودوی و حشمتلو فرانسه ایمپراطوری حضرتلری لژیون

دونور نشانك اوفسيه لکني و بلچيقتا لئوپولد نشانك اوفسيه لکني واغلق روژ نشانك اوچنجي رتبه شواليه لکني وساژ نشانلری حامل واپور اجنييه نظارتی دائره سنده ايکنجی مدير بولنان سيور ژورژ شارل تا کرشميد واپيون دونور نشانك شواليه لکني و مجيديه نشان هاپوننك دردنجی رتبه سنی وایتاليا لازاری و سن موريس نشانك شواليه لکني وساژ نشانلری حامل و مهمات اداره سی ايکنجی نظاری بولنان سيور هانری - اوژن - سکينو دو پره وال وکندک لژیون دونور نشانك شواليه لکني و مجيديه نشانك دردنجی رتبه سنی وایتاليا والور ملایتر مدالیه سنی وساژ نشانلری حامل اولان طبیب موسيو - مارتن - فرانسوا بودیه بی واصلتو هس غران دو قه سی حضر تلمی فلیب لومانیا نيم نشانك شواليه لکني و سن ميشل دوبوایر نشانی وروآيال دوسن صووور نشانك اوفسيه لکني حامل و ارکان حربيه ریسی بولنان موسيو شارل اوکوست برودرونی و حشمتلو ایتالیا قرالی حضر تلمی لازاری و سن موريس نشانك شواليه لکني حامل و اسويچره ده جنرال قونسلموسی بولنان موسيو ژان قابلاو ایله کندک نشان مذکورک شواليه لکني حامل و طابور طبيبی بولنان سيور فلیکس بافیوینی و حشمتلو فلنك قرالی حضر تلمی قرون دوشن نشانك اوفسيه لکني و اسپانیا شارل و قرون دوپروس و آدولف دوناسو نشانلری نك شواليه لکني حامل و فرانقفورت سفارتی سرکاتبی بولنان دوقتور موسيو برنار - اوتوینتو - لئودور هانری وستانبرخی و حشمتلو پورتکیز قرالی حضر تلمی قریست دونوتردام دلاقونسپیون دو ویالا ویسیوزا و سن بنو آداویز و بلچيقتا لئوپولد نشانی وساژ نشانلری حامل طبابت و جراحلقده دوقتور و حربيه نظارتنده صحیه دائره سی رئیس تانیسی موسيو ژوزه - انطونیو مارق و حشمتلو پروسیا قرالی حضر تلمی اغل روژ نشانك ايکنجی رتبه شواليه لکني وساژ نشانلری حامل و حکومت مشارالیه نزدنده فوق العاده مرخص اورته ایلیچی بولنان موسيو شارل البردو قانتز و نشان مذکورک اوچنجی رتبه شواليه لکني وساژ نشانلری حامل و دردنجی اردو باش طبيبی بولنان دوقتور موسيو غود فروا فریدریق فرانسوا لوفله و قورون نشانك اوچنجی رتبه شواليه لکني وساژ نشانلری حامل و حربيه وکالی مستشاری بولنان موسيو ژورژ هرمان - ژول رتیری و حشمتلو وورتمبرغ قرالی حضر تلمی لازاری و سن موريس نشانك شواليه لکني و دیگر بعض نشانلری حامل علم فلسفه و کلامده دوقتور عمارات اداره سی اعضاسندن موسيو قریستون اولری بی مرخص تعیین.

ایلش اولدقلرندن سرخصان مومی الیهم یولنده ومنتظم اولهرق یدلرنده بولنان  
 رخصتنامه لینی تعاطی ومبادله دنصکره مواد آتیه به قرار ویرمشاردر :  
 برنجی بند انهای حربده ثابت وسیار بالچله عسکری خسته خانهری  
 بیطرف طوتیلوب درونلرنده خسته ویاره لی بولندیغنی مدتجه دول محاریه  
 طرفندن رعایت وحمایه اولنه جق وفقط اشبو خسته خانهل برقوه عسکریه ایله  
 محفوظ بولندیغنی تقدیرده بیطرف عد اولنیمه جقدر .

ایکنجی بند مذکور خسته خانهلک مدیر و اطبا و مأمورین دینیه  
 وخدمه لریله یاره لو نقلنه مأمور بولانلر اشبو خسته خانهلرده تداوی واعانه یه  
 محتاج یاره لی بولنه رق ایفای مأموریت ایلدکلی مدتجه بیطرفلق فوآندندن  
 متمتع اوله جقدر .

اوچنجی بند ذکر اولننان مأمورین وخدمه دشمن استیلا سندن صکره  
 دخی بولندقلری خسته خانهلرده اجرای مأموریتلرینه دوام ایتمکک ویاخود  
 منسوب اولدقلری اردویه چکلمکک مقتدر اوله جقدردر بومثللو حالاتده اشخاص  
 مرقومه خدمتلیرینی ایفا واکال ایتمککرنده استیلا ایدن اردو طرفندن دشمن  
 قره غوللرینه تسلیم اولنه جقدر .

دردنجی بند دشمن یدینه چکن خسته خانهلک اشیا وادواتی قاعده  
 حربیه به تابع اولوب اشبو خسته خانهلره منسوب اولان اشخاص عودتلرنده  
 کندلی اشیارندن بشقه برشی الوب کوتوره میه جکاردر فقط بومثللو حالاتده  
 سیار خسته خانهلک اشیا وادواتی محافظه ایده جکاردر .

بشنجی بند یاره لوره امانه ایده جک اولان اهالی باده بو باده منع  
 اولنیموب سربست براغیله جق ودول محاربه جنراللری بو خصوصده اهالینک  
 اتسانیتنه مراجعت اولندیغنی وبونک نتیجه سی اولان بیطرفلک ملتزم بولندیغنی  
 اولجه اهالی به تبلیغه مأمور بولنه جقدردر وبرخانه یه تداوی اولنلق اوزره قبول  
 اولنان هر بر یاره لو اوخانه نک تحت حمایه ده قالمسنه وسیله اوله جق و خانه سنه  
 یاره لو قبول ایدن اهالی خانه سنده عسکر اقامه ایتدیرمک و حرب ایچون تکلیف  
 اولنه جق ویرکونک برمقدارینی ویرمکدن معاف اوله جقدر .

التنجی بند یاره لو و خسته اولان عساکر قنفی دولت و ملتیه منسوب  
 اولورایسه اولسون قبول وتداوی اولنه جقدردر باش قوماندانلر محاربه اتناسنده  
 مجروح اولان عسکرلری حال مساعد اولدیغنی تقدیرده طرفینک رضالریله



ایکنجی اردوی هایون مشیر و کیلی دولتو عارف پاشا حضرتاری

در حال دشمن اردوسنه تسلیم ایتمک صلاحیتلری اوله جقدر و کسب افاقت  
ایلدکد نصکره خدمته عدم اقتدارلری تبین ایدنر مملکتلرینه اعاده اولنه جقلری  
مثلو خدمته مقتدر اولملر دخی محاربه ممتد اولدقجه حربده بولنامق شرطیله  
کذلک مملکتلرینه اعاده اولنه جقلردر وسییلاری تخلیه اولنالملره بونلرک سوق  
هاداره لرینه مأمور اشخاص صورت مطلقه ده بیطرف عد اولنه جقلردر .  
یدنجی بند اشبوخسته خانهلر ایله ابدستخانهلر ایچون علامت فارقه اولمق  
اوزره برطرز مخصوصده بر بیراق اتخاذا اولنه جق واشبو بیراق همه حال ملت  
بیراغیله برابر بولمق لازم کله جقدر بوندن بشقه اولوجهله بیطرف بولنه جق  
اشخاص ایچون بر بازوبند اتخاذا اولنوب فقط اشبو علامتک اعطاسی حکومت  
عسکریه یه محول اوله جقدر و مند کور بیراق و بازوبند بیاض زمین اوزرینه  
قورمزی خاجدن عبارت اوله جقدر و





اوجنچی اردوی ہایون مشیر وکیلی سعادتلو حسن خیری پاشا حضرتلری

سکزنمچی بند اشبو مقالہ نک فروعاتی محارب اولان عساکر باش  
 قوماندانلری نک دولتلری طرفندن یدلرنده بولنه جق تہلیمات ایله مقالہ مذکو.  
 رمنک قواعد اصلیه سنہ توفیقاً تنظیم واجرا اولنه جتدر .

طقوزنجی بند دول معاهده اشبو مقاله نامه بی قونفرانسه مرخص تعیین  
ایده میان دولتره تبلیغ ایله انلری دخی معاهده یه داخل اولغه دعوت ایده چک  
اولوب بوسبیه مینی مضبطه آچیق براغلمشدر .  
اوننجی بند اشبو مقاله نامه تصدیق اولنوب تصدیق نامه لری دخی درت  
آی ظرفنده و ممکن اولدینی حالده دها اقدجه برن شهرنده مبادله اولنه جقدر .  
مرخصان مشار الیهم مواد مشروحه بی تأییداً اشبو مقاله نامه بی امضا  
و تمهیر ایلمش و مقاله نامه مذکور بیک سکن یوز التمش درت سنه سی اغستوسنک  
یکرمی ایکننجی کونی جنوره ده عقد و تنظیم اولنمشدر .

### معلومات متنوعه عسکریه

#### اسلحه و مرمیات حقنده بر حساب

فرانسه میر آلا یلرندن موسیو (ده لونه) سفاتن حربیه ده استمهال اولنان  
اک کوچک واک بیوک چاپده کی طوپلرک مرمیاتی حقنده شویله بر حساب یامشدره  
۳۷ میلیمتره چاپنده بولنان اک کوچک بر طوپک بر دفعه آتیشی (مرمی  
و باروت اجرتی اوله رق) طقوز فرانسه وه ۳۰ میلیمتره چاپنده بولنان اک بیوک  
طوپک بر دفعه آتیشی ده ۱۶۰۰ فرانغه مال اولمقده در . حالبوکه طوپک هر  
دفعه آتیشنده بوزولسی، اسکیمی یوزندن حاصل اولان ضرر دخی حسابیه  
قاتیله جق اولورسه اک کوچک بر طوپک بر دفعه آتیشی ۱۰ واک بیوک طوپک  
آتیشی ده ۲۶۰۰ فرانغه مال اولدینی مشاهده اولنور . شو حسابیه کوره طوپلرک  
بر ساعت اجرای آتش ایتملری نه یه مال اولدینی سهولته بولنه بیلیر . ۳۷ میلیمتره لک  
طوپ دقیقه ده یکرمی دفعه آتش ایتمکده اولدیغندن بر ساعتده ۱۲۰۰۰  
فرانق مصرفی موجب اوله جقدر .

۳۰۸ میلیمتره لک طوپ دقیقه ده بر دفعه آتش ایده چکنه کوره بر ساعتق  
آتشک مصرفی ۱۵۶۰۰۰ فرانغه بالغ اوله جقدر .

شو حالده درت قطعه ۳۰۵ میلیمتره لک بیوک طوپ و دیگر کوچک چاپلی  
طوپلر ایله مجهز بولنان بر زرهلینک بر ساعت اجرای آتش ایتمسی ۸۰۰۰۰۰  
فرانقدن عبارت بر مصرفی مؤدی اوله جقدر .  
هر بریمی اون بشر قطعه زرهلین مرتب بولنان ایکی دشمن فیلوسی